

NATIONAL ASSEMBLY OF SEYCHELLES

Tuesday 24th May, 2022

The Assembly met at 9.02am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab e bonzour tou *staff* ki a lekout e bonzour tou manm piblik ki pe swiv nou. Byenveni pou nou travay lasemenn.

Mon pou konmans avek en komunikasyon pou bann Manm lo size *Travizory*.

Bon mon'n resevwar kontra *Travizory* ek Gouvernman parey Lasamble ti demande. Sa dokiman in ganny met dan lanmen Speaker, ki annan diskresyon lo ki mannyer i ganny sirkile avek bann Manm. Dan sa Kontra i annan en eleman konfidansyalite ki mon bezwen konsidere.

Premye sa kontra i enkli en provizyon ki lenformasyon lo servis ki *Travizory* i donnen pa pou ganny partaze ek okenn *third party*.

Sa demann in ganny fer par *Travizory* li menm lo zistifikasyon ki i annan plan pou enteres lezot kliyan dan son servis, e alor i pa swete ki okenn lenformasyon i ganny fer piblik.

Mon prezimen sa ki le dir se ki i le ki okenn kliyan prospektiv pa konn kondisyon ki dan sa kontra e ki okenn son konpetiter pa konn laranzman ki i annan dan sa kontra.

Dezyenm Minis pour Transpor ki i annan sarz sa dokiman lo lapar Gouvernman, in dir mwan ki sa dokiman i enkli serten lenformasyon lo *border control*.

Apard bann konsern lasante ki *Travizory* i bezwen pran kont i annan osi laspe sekirite ki bezwen ganny konsidere dan prosesis donn lotorizasyon pou en demann pou rantre Sesel.

Mon kapab apresye ki si lenformasyon lo ki mannyer sa ganny fer, i ganny met an piblik i kapab konpromet lefikasite sa prosesis;- setadir en dimoun i kapab servi sa lenformasyon pou esey kontourn sa prosesis.

Mon pa pran okenn risk ki okenn porsyon sa dokiman i kapab ganny met an piblik.

Alor mon'n deside ki sa dokiman i ava reste dan biro

Speaker anba kontrol *staff* dan mon biro.

Me ki nenport Manm Lasanble i kapab ganny akse avek en kopi, ki i ava kapab bliy, me i pa kapab al avek oubyen kopye oubyen fotografye.

Sa i ava permet tou Manm verifye ki i annan dan sa dokiman san ki i annan posibilite ki okenn porsyon i ava ganny pibliye.

Mon satisfe ki sa i ava permet tou Manm konn tou sa ki zot bezwen lo sa ki i annan dan sa kontra.

Zot ava apresye ki konfidansyalite i bezwen reste en size ki konsern nou Lasanble dan size sirkilasyon dokiman.

An sa ki konsern lot dokimanki ti enkli dan sa Mosyon dan Lasanble setadir rapor finansyel *Travizory* ki sipoze pare lafen Mars, in ganny met a mon latansyon ki sa i en dokiman ki pou ganny anrezistre kot Biro Rezistrar e ki nenport manm piblik i kapab gannyen, alor i pa pou neseser pou Lasanble fer en demann ofisyel.

Me sa rapor pou lannen pase pa ankor ganny soumet kot Rezistrar e *Travizory* in ganny ziskan Oktob pou fer sa. Sa i responsabilite Rezistrar e

napa nanryen pou fer avek Minis ek Gouvernman.

Minis in dir i ti ava donn en kopi si i ti annan me i pa ankor gannyen li osi.

Sa i mon desizyon lo size *Travizory*. Onorab Pillay in demann mwan pou kapab met son pozisyon *on record*. Onorab Pillay.

HON SEBASTIEN PILLAY

Mersi Mr Speaker. Bonzour tou dimoun ki a lekout. E bonzour tou koleg Onorab.

Mr Speaker bomaten ler ou pe koze mon pe lir *National Assembly Members Privileges and Immunities Act* mon pe regard diferan seksyon bann provizyon dan sa Lalwa.

Sa bann provizyon i fer kler ki once Lasanble in aksepte pou admet en dokiman, sa dokiman i vin en dokiman piblik. Mon vwar li tre drol ki nou pe ganny dir ozordi ki sa kontra pou ganny donne dan en fason ki - si mon kapab servi entern dan en fason pti doz - e mon pa ganny en konpran ki mannyer Lasanble Nasyonal i ganny konsidere konman en *third party*, par lefe ki nou, nou reprezant Lepep Seselwa.

Mon santi poudir si nou pe al dan sa direksyon sa ki en vyolasyon en privilez Lasanble.

MR SPEAKER

Eskiz mwan, Onorab mon ava koriz ou en pti kou, *third party* se par Lasanble.

Third party se piblik an zeneral ki si sa dokiman i ganny pibliye dan okenn fason.

Lasanble i parti Gouvernman e i annan sa *oversight*, so i pa sa ki ganny konsidere konman *third party*. Mersi eskiz mwan pou enteronp ou.

HON SEBASTIEN PILLAY

Mersi Mr Speaker. Mr Speaker mwan mon trakase par sa bann devlopman. Premyerman mon vvar li tre drol ki se Minis pour Transpor pe koz ek nou lo *border control*. Mon ti ava espekte ki Minis ki responsab pour *border control* ti ava'n ekrir Lasanble e dir Lasanble formelman parey Lalwa i prekonize, ki li i santi poudir i annan serten eleman *border control* dan sa Lagreman ki Lasanble i devret mentenir konman sekre.

Me mon pa'n vvar sa arive e se Minis pour Transpor. I kler Mr Speaker e la mon met lo rikord ki Minis pour Transpor pe rod tou fason pou ki piblik pa vvar sa kontra e mon pa konnen ki Minis pour Transpor i oule kasyet. Mon santi ki

Lasanble pe ed *and abet and this is nou pe siport en aksyon* ki dan en sosoete demokratik i pa normal. E ki sa kontra i pou Lepep Seselwa, i afekte Lepep Seselwa i ganny enplimante lo Lepep Seselwa e larzan pe ganny kolekte lo ledo Lepep Seselwa! E mwan mon krwar sa kontra ti devret en dokiman piblik.

Si *Travizory* lii pe diskit son bann Lagreman avek lezot landrwa, sa i son problem.

Me in siny en kontra avek Sesel, e Lepep Seselwa e se nou ki pas atraver prosedir *Travizory* e se nou ki'n pey *Travizory* ziska ler nou US dan sa Lasanble, nou'n anmenn sa size pou ki Seselwa i aret peye pou *Travizory*.

So mon santi Mr Speaker e mon problem i pa avek ou Mr Speaker, mon problem i avek Egzekitiv ki pe sey servi Lasanble Nasyonal pou *muzzle* Lasanble Nasyonal e anpes Lasanble Nasyonal fer son travay ki ti sipoze fer !

Mon demande Mr Speaker e mon egzize ki Manm Lasanble i ganny sa kontra e ki Lepep Seselwa i konnen ki i annan d an sa kontra! Mersi Mr Speaker.

MR SPEAKER

Mersi Onorab. Wi *LGB* ou ti ava kontan fer en pwen pou ou kote?

HON BERNARD GEORGES

Mersi Mr Speaker. Mr Speaker mon krwar i mon devwar pou mon pran laparol bomaten pou dir 2 keksoz prensipalman.

Premyerman Mr Speaker i annan en privilez dan sa Lasanble i annan en pratik dan sa Lasanble, e nou *Standing Orders* i fer kler dan sa Lasanble ki napa en drwa rapel kont en *ruling* Speaker.

E nou vwar ki depi in von *Leader Lopozisyon* Onorab Pillay zanmen in aksepte okenn ou *ruling*, okenn ou *ruling* isi dan sa Lasanble. Toultan i anvi fer lapel sa ki ou, ou'n dir remet son pwen devan e annan dernyen parol.

Mon pe sipliy ou Mr Speaker, dezormen ler ou'n donn en *ruling* pa donn permisyon okenn dimoun pou fer okenn rapel avek ou *ruling*, akoz ou *ruling* i *final* parey *Standing Orders* i dir.

(*Interruption*)
(APPLAUSE)

MR SPEAKER

Silvouple! Silvouple nou ava enteronp Lasanble. Onorab Georges ou ava kontinyen.

HON BERNARD GEORGES

Dezyenm keksoz ki mon ti ava kontan dir Mr Speaker, se ou *ruling* in fer kler, ki pou napa okenn derogasyon. I annan - ou pe met sa kontra dan ou biro pou tou bann Manm vwar. Mon pa kapab konpran akoz Onorab Pillay i krwar ki sa se en *muzzling* Lasanble e en fason pou kasyet keksoz.

Ou'n fer kler dan ou premye fraz, ki i annan en *clause* dan sa kontra ki dir ki i annan en *clause* konfidansyalite.

E mon ava fer rapel sa Lasanble ki ler Minis Loustau-Lalanne ti Minis Finans ti vin isi devan sa Lasanble ki ti ganny demande pou annan en kopi en kontra i ti dir i annan en '*non-disclosure agreement*' dan sa kontra e i bezwen respekte sa akoz Gouvernman in donn son lobligasyon e i pa kapab fer li.

Donk set en pratik sa Lasanble ki ler i annan en *clause* konfidansyalite oubyen *non-disclosure clause*, ki nou bezwen respekte sa. E nou Lasanble pa pli for ki Lalwa pou fors - kas - pou fors Gouvernman oubyen okenn

dimoun kas en clause konfidansyalite.

Trwazyenmman mon ti ava kontan Mr Speaker fer rapel avek *Leader Lopozisyon*, ki si i demann en kestyon avek Minis Transpor i pa kapab espekte ki se Minis ki ansarz *border control* ki pou vin reponn sa kestyon. Si i anvi demann en kestyon avek Minis *border control* dir li demann en kestyon avek sa Minis apropriye! Mon remersye ou Mr Speaker.

MR SPEAKER

Mersi. Onorab Pillay mon pa pe rantre dan en deba. Sorry non.

HON SEBASTIEN PILLAY

(Off-Mic)

MR SPEAKER

Pou *raise* en *point of order*. Dir mwan ki *order*?

HON SEBASTIEN PILLAY

Yes Mr Speaker mon oule *raise* en *point of order* anba nou *Standing Orders* pou mwan koriz en *misapprehension* ki'n arrive.

MR SPEAKER

Oule koriz en *misapprehension*? Korize.

HON SEBASTIEN PILLAY

Wi mon oule koriz en *misapprehension*. Mr Speaker ler mon'n ekout ou bomaten a okenn moman eski ou'n dir poudir sa i en *ruling* ki ou pe donnen. Premyerman. Ou pa'n dir poudir sa i e *ruling*, so i fer lapenn pouvwar en Avoka ki'n fer son *bar* dan *BAR* pa konnen ki sa en *ruling* Speaker.

Dezyenmman i fer lapenn pou vwar en Avoka ki'n pas son *bar* dan *BAR* pa pe get son *National Assembly Members Privileges Immunities Act* e swadizan en gran demokrat bomaten i vin azir parey en *diktater* dan sa Lasanble Nasyonal ! E Lepep Seselwa pe war ki kalite dimoun zot in mete. Se sa ki enportan.

Mon pa'n zanmen challenge...

(Mic switched off)

MR SPEAKER

Mon'n tenny ou *micro* akoz ou pe al tro lwen. Ou pe al tro lwen ou pa pe adres size ki dan mon *ruling*, ou pe al antre dan en bann alegasyon kont *LGB*.

Nou'n terminen, mon *ruling* i reste parey e i en *ruling*. Mersi Onorab Georges pou ou de pwen ki'n al lo rikord parey lopinyon Onorab Pillay. Lo ou premye pwen mon ava rezerv mon diskresyon lo kan ki pou

permet en Manm pran laparol.
Mersi.

Mon'n osi donn Onorab Gill en *matter of privilege* ki i kapab leve, akoz i konsern son travay dan Lasanble. Onorab Gill.

HON CHURCHILL GILL

Bonzour Mr Speaker.
Bonzour Mr Speaker. Bonzour tou Manm.

Mr Speaker mon oule met lo ou rikord an menm tan *express* mon dezapwentman lo *behalf* zabitant Baie Sainte Anne lafason ki *interview* in ganny *edit*. *Interview* ki mwan mon'n fer in ganny *edit* par *SBC*, akoz lesansyel *interview* pa'n ganny pase. Lesansyel sete pou fer konnen ki tou sa bann proze ki'n ganny vizite dan distrik Baie Sainte Anne ti ganny inisyé par zot Manm Elekte.

E mon santi sa lenformasyon ki zot ti devret gannyen me i domaz zot pa'n gannyen. Alors mon oule met lo rikord ki nou swete ki lesansyel dan *interview* toultan i ganny *pickup* e ganny montre.

Akoz enn parmi bi sa vizit sete pou get progre lo sa bann proze. Mersi.

MR SPEAKER

Mersi Onorab Gill. Ou pwenn lo ki *SBC* in pase, pa en

matter of privilege, ki mon pou pran ou'n ganny loportinite pou fer kler ki ou responsabilite ti ete dan pour distrik.

E sa mon rekonnnet ki ou'n kapab fer li. Mersi.

Bon avek sa nou ava pas lo *Private Notice Question* - eskiz mwan mon krwar mon'n al en pe tro vit nou annan en pe dokiman pou prezante Madanm Clerk.

MADAM CLERK

Mersi Mr Speaker.
Bonzour Mr Speaker. Bonzour tou bann Manm e tou dimoun ki a lekout.

Bann Papye ki pe ganny prezante i *comme* swivan,

S.I. 58 of 2022 Bancs de Sable – Farquhar Atoll Special Reserve (Designation) Order, 2022.

S.I. 59 of 2022 Ile aux Goelette – Farquhar Atoll Special Reserve (Designation) Order, 2022.

S.I. 60 of 2022 Ile Du Sud – Farquhar Atoll National Park (Designation) Order, 2022.

S.I. 61 of 2022 Ile Du Sud – Poivre Atoll National Park (Designation) Order, 2022. E dernyen,

S.I. 62 of 2022 St. Francois Atoll Terrestrial Special Reserve (Designation) Order, 2022. Mersi Mr Speaker.

MR SPEAKER

Mersi Madanm Clerk. Prezan nou kapab prosede avek *Private Notice Question*. Madanm Reporter mon ava demann ou pou apel Vis-Prezidan Ahmed Afif.

Bonzour Vis-Prezidan Ahmed Afif byenveni dan Lasanble pour *Private Notice Question*. Leader Lopozisyon i ava met son kestyon silvouple.

HON SEBASTIEN PILLAY

Mersi Mr Speaker. Merci pou met *on mon micro*.

Mon kestyon dan latransparans e dan lespri gard Seselwa enformen i lir koumsa,

Eski Lasanble i kapab ganny en leksplikasyon akoz ki Prezidan ek son *Cabinet* in al fer en *retreat* Cap Lazare e konbyen in kout *tax payers* Seselwa? Mersi Mr Speaker.

MR SPEAKER

Mersi *Leader Lopozisyon*. Vis-Prezidan ou repons silvouple.

**THE VICE-PRESIDENT
AHMED AFIF**

Mersi bokou Mr Speaker. Bonzour Mr Speaker. Bonzour *Leader Lopozisyon*, *Leader Biznes Gouvernman*. Tou bann

Manm Lasanble Nasional e tou dimoun a lekout.

Mr Speaker premyerman les mon dir ki Prezidan ek son Konsey Minis, i ganny drwa fer nenport ki *meeting* ou rankont an koneksyon ek zot travay san bezwen demann permision avek *Leader Lopozisyon*.

Dezyenmman, wi ti annan en rankont ant bann Minis ek Prezidan Konsey de Minis le 18 Me Cap Lazare ki ti an koneksyon avek travay bann manm Konsey Minis.

Annefe Mr Speaker, i ti en rankont ki ti konmans depi 7er bomaten e i ti fini environ 7er diswar, en zournen travay.

Sa zour i ti en moman ki ti'n ganny met de kote zisteman pou adres bann size, tel ki, ki mannyer pou anmenn plis lefikasite dan travay, ki mannyer pou adres plizyer size ki preokip nou Gouvernman e byensir pep Seselwa, tel ki pri lavi bann kou a leksteryer ki pe kontinyen monte e ki mannyer nou konman Egzekitiv nou kontinyen monte e trouve ki mannyer nou pou met nou zefor ansanm pou sirmont bann difikilte ki nou pei an zeneral pe fer fas avek sirtou bann menas eksteryer.

Malerezman mwan Onorab, mon pa ti kapab zwenn avek mon bann koleg akoz

mwan mon ti isi dan Lasanble pe defann sa *Bill* pou anmenn Lalwa Anti-Koripsyon ki'n fini vin an fors malgre ki Lopozisyon pa'n siport nou dan nou demars.

Nou panse ki ka nou zwenn dan en latmosfer diferan - en latmosfer travay ki mwen formel, me k ot nou vin pli pre ek kanmarad, sa i anmenn en pli gran lanmitye antre Minis. Me i en konprenezon e sa i ede pou amenn meyer fason travay alors solisyon pou ki nou pep ki espekte bokou de nou.

Sanmenm sa ki an *Anglais* i apel *team building*. Sa fason zwenn lekip dan en lanvironnman diferan i pa novo pou nou tou ki konpran sa laspe imen dan ladministrasyon.

San en lekip ki travay ansanm nou pa pou reisi delivre alaoter ki sa pep i espekte de nou.

Konman nou pe koze la *Commonwealth of learning* ki regroup bann Minis Ledikasyon dan *Commonwealth*, pe fer en *retreat* isi Sesel kot lotel Savoy.

Merkredi pase par kwensidans menm zour ki Konsey de Minis ti pe fer son seans travay, bann Sef e Zofisyen Sinyor bann lazans Nasyon-z-Ini ki apel *UNCT - United Nation Country Team* ki kouver Sesel e

Maurice ti zwenn pou en retret panda 3 zour kot lotel *Alamanda*, zisteman pou rod fason pou ranforsi bann partenarya e trouv bann nouveau loportinite pou travay ansanm.

Lasanble Nasional Mr Speaker li osi i ti organiz son rankont travay Cap Lazare le 4 Mars sa lannen. Kot ou menm Onorab Pillay konman *Leader* Lopozisyon ek lezot Manm Lopozisyon ansanm avek Manm *LDS*, ti partisip mon mazinen dan en zournen travay ki mon espere ti fritye parey dan nou ka. E mon felisit zot pou organiz en *retreat* parski en lot fason travay ansanm.

Personn pa'n kestyonn zot parey ou pe fer ozordi, parske i normal ki toultan lorganizasyon i rod fason pou kapab zwenn detanzaot, pou trouv meyer fason pou travay ansanm.

An se ki konsern pri Mr Speaker, sa rankont pa'n kout *tax payer* en sou ! Bann Manm Konsey in kontribye pou pey lokasyon ek manze pou sa zournen travay Cap Lazare san bezwen depann lo Bidze ki dayer nou annan. Mersi Mr Speaker.

(APPLAUSE)

MR SPEAKER

Mersi Vis-Prezidan. Mon ava pran serten kestyon siplemanter pour bann Manm dapre letan ki nou annan. Onorab Ernesta.

HON PAUL ERNESTA

Bonjour Mr Speaker. Bonjour Vis-Prezidan, bonjour tou bann koleg Onorab e tou dimoun a lekout.

Mr Speaker letan mon'n ekout VP pe koze dan son larepons, kestyon mon annan pou demande, eski ou konman VP ek ou lekip zot vvar li normal a sa moman ki Seselwa pe kriy lasasen ki pri lavi in monte, i pe pet plafon e zot, zot annan en lofis deza *State House*, ki zot deside al fer sa *retreat Cap Lazare*? Enn. E dezyenm-

MR SPEAKER

Eskiz mwan Onorab, ou premye kestyon pa adminisiv. Vis-Prezidan in dir sa pa'n kout *tax payers* okenn larzan alor aksepte sa nou pa pou pran ou premye kestyon.

Si ou annan ou dezyenm kestyon silvouple fer sir i relevan.

HON PAUL ERNESTA

Savedir Mr Speaker zot in pey sa ta *allowance* ki zot in gannyen?

MR SPEAKER

Onorab ou pa pe argimant avek mwan, fer ou kestyon.

HON PAUL ERNESTA

Ok Mr Speaker. Mon dezyenm kestyon Minis i dir li menm, ki zot in pran bokou bann desizyon ki pou ede fer pri kout lavi desann, petet donn nou en pe klarifikasyon ki kantite sa bann desizyon ki nou pou tande byento ki kout lavi pou desann ki sa malere deor i kapab osi benefisy? Mersi Mr Speaker.

MR SPEAKER

Sa kestyon napa rapor avek kestyon orizinal, nou napa kestyon pou reponn. Onorab Cosgrow si ou annan en kestyon poz li.

HON WALLACE COSGROW

Mersi Mr Speaker. mon espere mon kestyon ki mon pou demande i ava satisfer ou i ava pas sa tes *admissibility*.

Mr Speaker bonjour. Bonjour VP. Bonjour tou dimoun ki a lekout.

Mr Speaker mon en pti pe konsernen ki *Cabinet* i bezwen fer *team building* ennler zot fer lo zil, ennler zot fer dan zarden *State House*, ennler zot fer Cap Lazare.

*Now dir nou Mr Speaker, dir nou Vis-Prezidan eski dan sa sesyon *team building or 7er pou 7er*, eski zot in nobou diskite ki mannyer pou fer desann pri bennzin, ki mannyer pou fer desann pri komodite esansyel STC e ki mannyer pou aziste en pti pe plis dimoun lo lasistans sosyal, an vi ki nou tande i annan 110 sepa 65? Mersi bokou Mr Speaker.*

MR SPEAKER

Mersi Minis. Sorry Vis-Prezidan, mon realize poudir ou'n donn en repons dan ou repons orizinal deza an dizan zot in konsider bann size ki Sesel ti pe sa.

Me selman

HON WALLACE COSGROW

(Off-Mic)

MR SPEAKER

... en moman Onorab Cosgrow ekoute mon pe koze.

Selman Vis-Prezidan mon ava demann ou pou repet sa ki ou'n donnen an repons avek kestyon Onorab Cosgrow.

THE VICE-PRESIDENT AHMED AFIF

Mersi bokou Mr Speaker. Kestyon orizinal ki'n ganny demande pa ti kwa ki ti ganny diskite kot Cap Lazare.

Alor mon pa'n vin isi pou donn detay sa. Me selman mon ava dir prensip bann keksoz ki nou ti pe diskite. E mon pa pou al an detay lo sa bann keksoz, parske se pa esansyel sa kestyon.

Sa zour ti en moman ki ti'n ganny met de kote, zisteman pou adres bann size tel ki mannyer pou anmenn plis lefikasite dan travay, ki mannyer pou adres plizer size ki preokip nou Gouvernman e byensir pep Seselwa tel ki pri lavi, bann kou a leksteryer i kontinyen monte. Ki mannyer nou konman Egzekitiv nou kontinyen met nou zefor ansanm sirmont sa bann difikilte nou pei an zeneral, sirtou an fas tou kalite menas eksteryer.

Mon ti a azoute poudir mon pa ti la sa zour akoz mon ti isi dan Lasanble Nasional pe defann sa *Bill*.

Me mon kapab asir ou ki *Cabinet* i zwenn regilyerman swa dan retret, swa dan *Cabinet*, swa dan lezot sesyon ki nou fer kot nou priyorite se pep Seselwa.

Sa se nou priyorite primordyal parske zot in elekte nou, pou anmenn en sanzman dan sa pei pou anmenn en meyer lavi pou pep Seselwa, e

nou pas tou nou letan pe fer zisteman sa.

E mon krwar nou'n anmenn sikse pandan sa letan ki LDS in la ansanm. Nou'n sorti 15 lo 10 nou'n arriv 25 lo 10 e zot olye demann bann kestyon ki relevan ki pou anmenn pei pli devan, zot pe fer mwan repet menm keksoz ki mon'n dir zot taler e pa pe anmenn sa pei devan.

Me si zot kontinyen koumsa, zot pou reste mon pa konnen si *next time* i pou annan 25 10 si 10 pou annan si pou egziste, me selman mwan mon'n reponn ou lo en lensidan ki'n arrive. Mon'n dir ou laverite mon pe dir ou an tout fransiz pa nanryen mal ki'n pase e mon kit li la. Mersi bokou Mr Speaker.

(APPLAUSE)

MR SPEAKER

Mersi. Onorab Cosgrow ou'n demann ou kestyon ou'n ganny en repons. Onorab Loze ou kestyon.

HON JOHAN LOZE

Mersi Mr Speaker mon zis oule al lo rikord ki mwan mon pa'n *attend* okenn *retreat* ni Cap Lazare, ni Cap Samy ...

MR SPEAKER

Ou kestyon silvouple.

HON JOHAN LOZE

... ni okenn de Cap.

(Off-Mic)

HON JOHAN LOZE

Mr Speaker mon'n ganny akize la in akiz nou Manm konmkwa nou'n al *retreat*, mon pa ti ale okenn *retreat* mwan. Mon pa ti al okenn *retreat* mwan!

(Mic switched off)

MR SPEAKER

Ou kestyon silvouple.

HON JOHAN LOZE

Mersi Mr Speaker. Mr Speaker Vis-Prezidan in eksplik nou ki zot in ganny elekte pou anmenn en meyer lavi pou Lepep Seselwa. In osi fer nou konpran in osi fer nou konpran ki zot in pran sa bann *allowance* ki *tax payers - allowance* an plis ki *tax - allowance*

(Mic switched off)

MR SPEAKER

Onorab Loze kot ou pe ale napa nanryen pou fer avek kestyon nou si, si napa kestyon lo kestyon orizinal, mon pe termin sa sesyon. Onorab Georges ou kestyon.

HON BERNARD GEORGES
Mersi Mr Speaker.

HON JOHAN LOZE
(Off-Mic)

HON BERNARD GEORGES
(Off-Mic)
I pe al ganny pouse la.

HON JOHAN LOZE
(Off-Mic)

MR SPEAKER
Onorab Loze ou ava sorti
dan lasal silvouple.

(APPLAUSE)

HON JOHAN LOZE
(Off-Mic)

(Interruption)

MR SPEAKER
Onorab Loze ou a sorti.

(Interruption)

MR SPEAKER
Onorab Loze ou'n mank respe
pou lofis Speaker mon pe
demann ou sorti. Sorti dan
lasal pou larestan bomaten ou
kapab tournen apre midi pou
Bill.

HON JOHAN LOZE
(Off-Mic)
(Interruption)

MR SPEAKER
*Sergeant at Arms mon ava dir
ou ed Onorab Loze pou sorti
silvouple.*

(Interruption)

MR SPEAKER
Mon pa'n tann – mon pa'n tann
-

HON WALLACE COSGROW
Ou pa'n tandé mon kapab dir
ou si ou pa'n tandé.

(Interruption)

HON WALLACE COSGROW
Mwan mon kapab dir ou on Mr
Speaker.

(Mic switched off)

(Interruption)

MR SPEAKER
Gard lord silvouple.

HON BERNARD GEORGES
Mersi Mr Speaker. Mr Speaker
mon ti anvi tou dabor dir ki
semenn pase mon ti al en

retreat COMESA Lusaka ki'n ganny peye par COMESA.

E mon ti ava kontan atraver ou demann leskiz Leader Lopozisyon ki mon'n pa'n demann li permision pou mwan al sa *retreat* silvouple.

(laughter)

MR SPEAKER

Ok, kestyon silvouple Onorab Georges.

HON BERNARD GEORGES

Mon kestyon pou Vis-Prezidan se. Vis Prezidan eski ou krwar ki sa bann legzersis *retreat*, *team building* i enportan pou fer sir ki ler zot, zot sorti koman Minis zot pa *end-up* dan Lasanble koman en Manm proporsyonnell? Mersi.

(Interruption)

(laughter)

(Mic switched off)

MR SPEAKER

Onorab Georges.

HON AUDREY VIDOT

(Off-Mic)

MR SPEAKER

Onorab Vidot mon pe dir ou mon donn ou en dernyen

warning aret enteronp Lasanble.

Onorab Georges ou kestyon pa relevan. Nou ava repas lo lot kestyon Onorab Aglae.

HON EGBERT AGLAE

Mersi Mr Speaker. VP sorry si ou'n rat sa sans ou pa'n ganny sans al *attend* sa *retreat*. Mon kestyon, eski i annan en eleman *insecurity* ouswa sekirite ki nou war *Cabinet* tanzantan i bezwen sorti an deor *State House*, pou zot al fer zot *Cabinet meeting*?

Dezyenmman, eski i pou kontinyen en pratik oubyen en adopsyon ki zot pe adopte pou zot fer bann *meeting Cabinet* an deor lofis ofisyel Prezidan ki *State House* laba? Mersi.

MR SPEAKER

Mersi. Vis Prezidan ou kapab reponn sa enn.

THE VICE-PRESIDENT

AHMED AFIF

Mersi bokou Mr Speaker. Mr Speaker i tou le kontrer. Zanmen sa *Cabinet* in santi li *insecure*.

O kontrer avek devlopman ki pe pase avek bann revi lo Sesel, nou santi poudir pandan sa deryer 18 mwan ki nou'n la Sesel in bouz en kantite devan.

(APPLAUSE)

**THE VICE-PRESIDENT
AHMED AFIF**

Ozordi lo laliberte lapres nou premye dan la rezyon. Nou premye dan Lafrik. Lo koripsyon, lager kont koripsyon, premye dan Lafrik.

Pli o ki menm serten pei dan Lerop. Ozordi *IMF* in donn nou en bon revi lo lekonomi. Malgre ki i annan en kantite problemm dan lemonn e dan Sesel.

Selman etan donneen sirkonstans ki nou ladan. Sa revi ki nou gannyen. Nou satisfe ki nou pe fer en bon travay.

Nou satisfe ki nou pe fer en bon travay, akoz nou trouv nou lekonomi pe remonte avek en *growth* ki pli for dan la Rezyon.

Nou santi nou rekonforte par lefe ki *exchange rate* ozordi ki ler nou, nou ti antre ki ti anba zot Gouvernman ti R22 en Dolar. Ozordi i R14.50 oubyen R15.

Nou satisfe nou pe fer travay. Nou pa santi nou *insecure*. Nou osi santi poudir nou devret al pli lwen. I annan bokou travay ankor pou fer.

E otan ki nou kapab trouv fason travay pou fer li, otan ki nou koman bann Manm Konsey

de Minis, nou konnen ki mannyer lezot nou bann Manm i panse.

E pou ou konnen, ou zwenn zot dan bann landrwa diferan. Dan bann latmosfer diferan kot nou mye kapab apresye kanmarad.

Pa neseserman zis dan en lorganizasyon oubyen en landrwa formel. Sa i en pratik mondyal.

Mon'n donn legzanp ki mannyer lezot lorganizasyon i fer li, koman en Lasable Nasyonal i fer li.

I en pratik normal. Annou pa krwar poudir sa ki nou pe fer i en keksoz ekstraordiner. Keksoz normal e nou pe anmenn sa pei devan.

Me nou prioyrite i reste pep Seselwa. E pou nou tir pep Seselwa dan *insecurity*. E pou nou met pep Seselwa lo en semen progre. En semen kot zot pou war en debousman demen.

En semen kot nou pou anmenn sa pei devan. Mersi bokou Mr Speaker.

MR SPEAKER

Mersi. Onorab Henrie ou kestyon.

HON GERVAIS HENRIE

Mersi Mr Speaker. Bonzour tou dimoun. Zis kot VP in kite la dernyen larepons ;

Letan mon'n fer en pti *tour d'horizon* bann lezot pei, Zis sa lannen par egzanp *Dubai* bann Minis zot fer *annual retreat*.

UAE lo nivo federal zot fer. Tou bann Minis i vin ansanm. *Canada*, *Belize*, *Eswatini*, e *Namibia* ki diferan *Cabinet* in fer depi Zanvye.

MR SPEAKER

Ale prosede avek ou kestyon silvouple Onorab.

HON GERVAIS HENRIE

Alor mon anvi demann li, ou pa ti dan sa enn dernyen. Me sa enn par egzanp ki zot ti fer Silhouette. Donn nou en kontrandi ki ou santi in anmenn pou *Cabinet* apre sa *retreat* partikilyerman Silhouette?

Ki i ava donn nou en rezon akoz zot bezwen kontinyen fer sa legzersis? Mersi.

MR SPEAKER

Wi VP ou kapab adres rezon akoz zot bezwen kontinyen fer *retreat*.

THE VICE-PRESIDENT AHMED AFIF

Mersi bokou Me Speaker. Wi Onorab ou absoliman korek lo lefe ki *retreat* i en keksoz normal parmi bann *Management*. E sirtou

Management en pei ki Konsey de Minis.

Kwa ki nou santi sa bann *retreat* i ed nou ladan. I ed nou pou nou mye konpran kanmarad. Personnalite kanmarad. *Back ground* sa dimoun kot i sorti.

Akoz i pans sereten fason. Demann li son pwennvi lo lezot ki pa neseserman dan son Minister.

Me par egzanp si dizon ou pran Minis Transpor. Me selman ou demann li son pwennvi lo lagrikiltir. Ou ganny sans koz ek li lo lezot keksoz ki dan en sesyon normal *Cabinet* i pa pou koz lo la li.

Ou demann li kestyon lo son fanmir. Kestyon lo son fason travay. Lo son *staff*. Ki problem li i rankontre koman en Minis.

E ki solisyon li in nobou trouve koman en Minis. E ou dan ou Minister pou ou ki diferan.

Ou sey servi leksperyans ki ou'n aprann atraver sa lot Minis. Fason panse sa lot Minis. Pou ou kapab dir be ahh be sa ti en bon teknik ki li in servi. Petet mon devret mazin sa.

I annan lezot lenstans kot li i kapab dir ou, mon annan en resours kot mwan ki kekfwa ou, ou pa okouran.

Me sa dimoun i kapab ed ou dan tel domenn dan ou *HR* par egzanp. Oubyen dan accounting par egzanp, Kekfwa ou, ou en pe feb.

Nou koz lo bann keksoz ki dan en sesyon normal *Cabinet* nou pa pou koz lo la. Parske i napa naryen pou fer ek bann papye ki devan nou.

Parey zot, zot servi *Order Paper*. *Cabinet* osi i annan son *agenda*. E sa bann keksoz pa pou lo la byensir.

Be sa se bann pti keksoz ki ou fer an deor sesyon travay normal. Me ki ed sa konprenezon ant bann Manm, pou ki zot vin pli pre. Zot kapab lev telefonn nenport ler koz lo tel keksoz avek en *Cabinet Member*.

Akoz ou konnen egzakteman kot i ete o sa paz. So se sa bann pti benefis ki nou war. Se sa ki lemonn i war. E se sa ki bann dimoun ki'n fer sikse dan *Management* in war.

E nou pe adopte menm prensip. E anfet nou pa pe fer li dan en fason ki pou kout *tax payers* okenn larzan.

Parske nou dan sa lenstans ki zot pe demann kestyon, i pa'n kout *tax payers* naryen.

Mersi bokou Mr Speaker.

MR SPEAKER

Mersi mon ava pran kestyon Siplemanter *Leader Lopozisyon*.

HON SEBASTIEN PILLAY

Mersi Mr Speaker. Bonzour VP e mon'n swiv byen bann larepons ki'n ganny donnen, so mon kestyon siplemanter i al koumsa.

Premyerman, ou'n dir nou poudir rezon det dernyen anmenn sa *meeting Cap Lazare* se pou achieve tou sa bann keksoz ki ou pe dir nou la.

So eski ou kapab donn nou bann mezir konkret ki bann Minister pe al pran pou zot *increase* zot efikasite?

Bann mezir konkret. Ki bann desizyon konkret ki parey tou *meeting Cabinet* ki fini nou ganny, Lepep Seselwa i ganny enformen lo kwa ki'n ganny fer. Kwa ki'n ganny agree.

So sa enn nou pa'n ganny naryen. So dir nou bann mezir konkret ki zot pe al pran, zot pe al fer pou dil avek bann problem ki nou annan?

Par egzanp pri furl ki'n ariv R24 ekek mon krwar, in desot plafon.

Pri manze lo zil ki bann dimoun fek pe dir lo *SBC* resaman, lo *Praslin* ki egzorbitan. *Ok?*

Kou lavi Sesel ki tre o.

MR SPEAKER

Retourn lo kestyon silvouple orizinal.

HON SEBASTIEN PILLAY

Be Mr Speaker, ou pa kapab kontinyen enteronp mwan. Mon pe demann mon kestyon.

MR SPEAKER

Ou pa pe demann en kestyon. Ou pe fer...

HON SEBASTIEN PILLAY

Mon pa konnen akoz ou bezwen santi ki ou pe entervenir mon pe demann mon kestyon. Mon annan en privilez koman en Manm.

MR SPEAKER

Ou pe fer - ou pe fer en largiman.

HON SEBASTIEN PILLAY

Mon pa pe kas okenn lord mwan!

MR SPEAKER

Arete Onorab. Demann ou kestyon.

HON SEBASTIEN PILLAY

Mon pa pou arete mon annan mon drwa pou demann mon kestyon. Les mwan demann mon kestyon.

MR SPEAKER

Arete. Demann ou kestyon.

HON SEBASTIEN PILLAY

Si mon kas Lalwa, ou ava dir mwan mon pe kas Lalwa.

MR SPEAKER

Ou pe kas prosedir Lasanble.

HON SEBASTIEN PILLAY

Mon pa pe kas okenn prosedir mwan.

MR SPEAKER

Aret argimant ek mwan.

HON SEBASTIEN PILLAY

So, mon ti ava kontan. Mon pe demann mon kestyon parey mon pe demande mwan.

Mr Speaker mon ti ava kontan demann VP so eksplik nou kwa ki zot pou fer tanzibman pou sa bann keksoz?

Dezyenmman mon ti ava kontan demann VP en kestyon. Ler zot ti al sa *retreat* Silhouette mon ti demann zot sa kestyon.

Mwan mon pa fer li pou vin en nwizans pou *Cabinet* mwan. mon fer li pou montre zot ki dan Sesel nou tou pe enport nou pozisyon nou *accountable* avek Lepep Seselwa in *accountable* ek sa Lasanble Nasyonal.

Si ou bann Manm mazoriter pa le fer, mon napa problemm ek sa mwan. Sa i zot swa. Be mwan mon pou fer li mwan.

MR SPEAKER

Ou kestyon Onorab.

HON SEBASTIEN PILLAY

So, mon ti ava kontan ou klarifye ek mwan. E konfirmen ek mwan ki sa *retreat* in ganny peye par bann Manm *Cabinet* li menm.

I serye sa. Akoz ou bann parol ki ou pou al dir nou apre la pou monte *whether or not Cabinet Minis* Prezidan Ramkalawan i en *Cabinet* ki koz laverite.

E mon dernyen kestyon lo sa size Mr Speaker, akoz alor ki sak fwa ki Lasanble Nasyonal i *challenge Cabinet Minis*, nou vvar en *collusion* ant Lasanble Nasyonal e Egzekitiv pou anpes laverite sorti dan Lasanble Nasyonal?

Lo tou size ki konsern Egzekitiv nou vvar en *collusion* direk pou anpes lenformasyon sorti, so eski *Cabinet Minis* i respe Lasanble Nasyonal.

Eski Egzekitiv i respe Lasanble Nasyonal?

MR SPEAKER

Mersi Onorab. VP sa 2 dernyen pwen napa naryen pou fer avek kestyon orizinal. Ou'n deza reponn lo size peye pou sa soz. E ou pa bezwen repet sa larepons. In ganny donnen.

VP si ou war okenn keksoz dan kestyon Leader Lopozisyon ki konsern *retreat* avek desizyon Gouvernman, ou kapab adres li la silvouple.

THE VICE-PRESIDENT AHMED AFIF

Mersi bokou Mr Speaker. Mersi Onorab pou ou kestyon. Mr Speaker parey mon ti eksplike Onorab Cosgrow mon krwar, ki mon pa'n isi ozordi pou mwan fer en *statement* lo bann detay ki'n passe.

Parske sa sete pa sa kestyon ki'n ganny poze avek mwan dan sa *PNQ*. Sete si vre nou ti ale e konbyen in koute?

E mwan dan mon larepons, mon'n dir akoz nou fer en tel *retreat*. Mon eksplik sa, alor mon pa la ozordi pou mon vin donn detay egzakteman ki'n ganny diskite dan sa *retreat*.

Kolizyon ant nou avek Lasanble. Non, napa okenn kolizyon ki annan.

Zis parey mon pa konnen si li i annan kolizyon ek dimoun ki travay ek nou pou li konnen poudir nou, nou'n al Cap

Lazare. Mon pa konnen si sa osi i annan kolizyon mwan.

Be selman napa okenn kolizyon. Nou, nou konn zot depans. Parske i pas kot Minister Finans. Nou konnen. I pa en sekre.

I kapab ganny odite. I ganny pibliye. E i pou ganny revi par Oditer Zeneral. Sa se bann kestyion normal.

Zot pa espekte nou koman en Gouvernman nou pa konnen ki bann diferan Minister, bann diferan Departman pe depanse.

So nou konnen. Alor mon napa naryen an plis pou mwan mete. Mon pou zis konklir an dizon ki nou'n fer en levennman pou nou ede fer sa Gouvernman vin pli efikas, pli efektiv, pli alaoter, lekspektasyon pep Seselwa. Mersi bokou Mr Speaker.

MR SPEAKER

Mersi Vis-Prezidan. Nou ava termin sa sesyon kestyion la.

Vis-Prezidan mon remersye ou pou ou partisipasyon. E mon swet ou bonn restan lazournen.

(The Vice-President was excused from the House)

MR SPEAKER

Onorab Pillay ki pwen ou le fer?

HON SEBASTIEN PILLAY

Mersi Mr Speaker. Mon le anmenn ou latansyon lo pwen 8 dan nou *Standing Order*, pwen 31 dan nou *Standing Order*, e pwen 58 dan nou *Standing Order*.

Mon le met devan ou Mr Speaker ki nou rol koman Manm Lasanble anba *Order 31*, se pou *press Minis* pou aksyon e pou rod lenformasyon. Sa i nou rol.

Aksyon ki nou pe rode se ki Gouvernman i pran sa size pri lavi o serye. E ki *Cabinet* sak fwa i zwenn sa i devret en size primordyal ki i zwenn.

Lenformasyon ki nou ti pe rode Mr Speaker ou ava permet mwan, akoz i enportan pou mon met sa devan ou. Lenformasyon ki ou ti pe rode se ki'n arive dan sa *retreat*. Si sa bann keksoz ki nou, nou krwar nou devret *press Gouvernman* pou fer in arive.

Prezan *Order 8*, i dir koumsa poudir se ou a tou moman ki annan Lotorite lo ki mannyer prosedir Lasanble i ganny *manage*.

Lafason ki ou pe amenn *Order 8* it Mr Speaker, mon pa kapab kestyonn en keksoz ki dan ou Lotorite.

Be lafason ki ou pe anmenn *Order 8*, mon krwar ozordi Mr Speaker, san ki mon

bezwen fer okenn Kankan, san ki mon bezwen fer okenn keksoz ki an deor *Standing Order*.

Dir ou poudir mon dezapwente avek tretman ki ou pe donn bann Manm lo kote Lopozisyon.

Mon krwar poudir *out of fairness* nou pe ganny trete dan en fason *abrupt* dan Lasanble.

Avan menm mon koze, en Manm pe ganny dir "ou kestyon pa bon !" Oubyen en Manm pe fer son pwen, son *micro i ganny tennyen*.

Petet ti ava bon nou les sa Manm fini koze. E si sa Manm in al an deor *Standing Order*, ou dir li poudir Onorab ou'n al an deor *Standing Order*. E ou *move on*.

Me si sa Manm pe koze ...

MR SPEAKER

Ou ava terminen silvouple Onorab.

HON SEBASTIEN PILLAY

... me se sanmenm ki pe anmenn *Order 58* prezan kot mon bann Manm pe oblize fer bann reaksyon zis pou zot kapab fer zot lawwa ganny tande.

E apre si zot fer sa mon bann Manm i ganny met deor.

E mwan mon krwar Mr Speaker sa i en pratik pou

silans Lopozisyon dan sa Lasanble. Mon ti ava enplor ou-

MR SPEAKER

Ou ava terminen Onorab.

HON SEBASTIEN PILLAY

... mon ti ava enplor ou *run* sa Lasanble dan en fason *fair*. E dan en fason kot nou koman Lopozisyon nou ava annan sa respe pou ou koman Speaker.

E ou koman Speaker ou ava annan sa respe pou nou. Akoz ou pa kapab kontinyen sak fwa ou kote latab laba lot kote, i fer tapaz, ou reakte.

Mon krwar Mr Speaker, *sorry* pou dir sa, e avek tou respe ki mon annan pou ou, ou pe reakte koman *Leader LDS* dan sa Lasanble Nasyonal ! Mersi Mr Speaker.

MR SPEAKER

Mon napa naryen pou zistifye avek *Leader Lopozisyon*. Tou mon desizyon in ganny pran koman Speaker Lasanble. Mersi.

Nou ava pran en poz pou sanitize silvouple avan nou kontinyen.

(technical break)

MR SPEAKER

Madanm reporter nou ava apel Minis pou Transpor pou kestyon.

Bon Lasanble i an sesyon silvouple.

Bonzour e byenveni Minis ek son delegasyon. Minis pou Transpor Anhony Derjacques. Mr Alan Renaud *PS* dan *Civil Aviation Ports and Marine*, Mr Garry Albert *CEO Seychelles Civil Aviation Authority*. E Ms Estelle Lucas *Legal Advisor* dan Sekretarya Minis.

Nou pran kestyon pou Minis e nou komans avek kestyon Onorab Gabriel.

HON CONRAD GABRIEL

Mersi Mr Speaker. Bonzour tou dimoun a lekout, spesyalman zabitan Point Larue. *Welcome Minis ek ou panel.*

Eski Minis pou Transpor i kapab donn nou Lasanble, plis detay lo proze lagrandisman *Airport Enternasyonal Sesel?*

Mersi.

MR SPEAKER

Mersi. Minis repons *please.*

MINISTER ANTHONY DERJACQUES

Mersi Mr Speaker. Bonzour tou sa ki a lekout. Mr Speaker le 2 Fevriye 2022 Konsey Minis ti aprouve pou reviz *Airport Master Plan.*

Avek logmantasyon dan vol enternasyonal, enkli bann vol prive, sa Gouvernman in war li vreman neseser pou fer plan pou en nouveau *Airport* ki ava pran ka avek devlopman nou pei pou sa prosen 50an.

Minister i deza an diskisyon pou regard tou posibilite sa modernizasyon. Sa *concept* pou enkli bann posibilite tel ki en nouveau *terminal*, en *fixed based operations*. Savedir en *mini Airport* pou bann *private jets*, *Duty Free modern*, pli bon fasilite pou tou pasaze lo arive ek depar, *parking* byen organize ; en lotel atase avek *Airport* e bokou lezot ankor.

Le moman ki nou dan en posesyon pou prezant sa plan, nou ava fer li avek piblik e avek Lasanble Nasyonal.

Mr Speaker fodre nou gard an tet ki sa proze i enn ki tre enportan pou nou pei. E alor mon demann sipor tou Seselwa pou sa proze ganny realize. Mersi.

MR SPEAKER

Mersi. Mon a pran siplemanter. Nou ava komans avek siplemanter loter Mosyon. Onorab Gabriel.

HON CONRAD GABRIEL

Mersi Minis. Minis i enportan pou note ler nou pe *upgrade Airport facilities*, i ekstrememan enportan pou nou mazin osi son sistem drenaz.

Tou fason tou pasaze ki pe antre e sorti i bezwen pas an atraver Terminal. E nou pa kapab aksepte pou annan lobstriksyon zis akoz delo monte.

Sa nou konnen poudir nou pei i depan lo tourism pilye nou lekonomi. Bann senp retar i kapab koz en lenkonvenyans serye, ki nou kapab war nou anpaye. Minis mon ti ava kontan demann avek ou, kwa ki pe koz sa retar? Enn.

Nou ti ava kontan konnen lekel ki pe finans sa proze e son devloper?

E trwazyenmman Minis ki garanti ki Gouvernman i donn zabitant Point Larue e osi lezot dimoun an zeneral, ki ti a kontan envestir oubyen lide pou fer devlopman dan sa pei?

E la an prensip mon mazin le 2 frer Latulippe kot *Petrol Station* ki'n la en bon pe lannen, ti a kontan annan en *Shell* kot i annan plis aktivite e ti a ede dan nou Departman Tourism. E popilasyon osi ti ava en parti entegral dan devlopman nou pei.

Zis donn nou ki garanti petet pou Minis ek zot

delegasyon fer konsiltativ avek zabitant piblik pou kapab donn en pe *input* osi ki mannyer nou le war devlopman nou pei. Mersi.

MR SPEAKER

Mersi. Mersi Minis ou ava adres sa bann pwen silvouple.

MINISTER **ANTONY** **DERJACQUES**

Mersi Mr Speaker. Mr Speaker sa *Master Plan* ti ganny konsevwar depi 2009. E se Gouvernman US ki'n asiz lo la ziska la.

In pran zot plis ki 15an zot pa'n kapab realiz sa *Master Plan*, ni fer sa bann devlopman.

E ler sa novo Gouvernman ti vin dan son *post* an Oktob 2020, Menm *zone 21* ki enn bann landrwa ki ti ganny konble pou lendistri asosye avek lavyasyon, ti'n ganny les pou bann lakonpannyen fer bann dormitwar pou bann travayer etranze.

Sa Gouvernman pan pran en dele letan. Deswit in komans travay lo bann plan. In ammenn son papye kot *Cabinet*, *Cabinet* in *approve* son *concept*.

E aprezan nou an diskisyon avek e partner internasyonal ki anba sa Lagreman son bann detay i bezwen reste konfidansyel - *in*

confidence, pou nou realiz e *upgrade* sa *Master Plan* pou nou enkli sa ki mon'n nonmen.

Byensir ler sa *Master Plan* i ganny amande. E ler sa proze i vin fezab pou annan en kantite *engineering, architectural studies* ki enkli ki pou ganny fer.

E sa pou kouver posibilite *flooding, drainage, electrical, utilities* ki asosye avek en gran proze parey.

Lo ki mannyer sa proze pou ganny finanse. Parey Prezidan ti dir sa *weekend* Vandredi, bann proze ki Gouvernman pe met an faz i plis bann *PPPs*.

Savedir *Public Private Partisipation* bann *module* ki pa neseserman ki larzan pou sorti dan *Consolidate Fund*. Me pou sorti dan sekter prive. Sa staz pa ankor arive alor en larepons spesifik pa kapab ganny donne.

An sa ki konsern *Shell* ek bann lot landrwa tout o tour nou pou bezwen esper sa *Master Plan* e nou pe travay lo la. Mersi Mr Speaker.

MR SPEAKER

Mersi Minis. Mon a pran kestyon Onorab Woodcock.

HON WAVEL WOODCOCK

Mersi Mr Speaker. Bonzour Minis ek ou lekip. Tou Manm e tou dimoun a lekout. Tou Manm e tou dimoun a lekout.

Minis mon kestyon i kot i konsern *safety*, an ka en lensidan i arive. En aksidan petet parey en avyon i kraze. Pou lemoman nou annan zis en *runway*.

An ka en lensidan, eski dan zot plan devlopman eski zot pe mazin pou annan en lot *runway*?

E ti annan en pe letan pase en propozisyon, plis ki 15an pase pou agrandi sa *Airport Praslin* an ka en aksidan i arive lo Mahe, pou zot servi sa *Airport Praslin* kot bann avyon enternasyonal i osi kapab apoz lo sa.

Eski sa i bann keksoz ki dan zot konsiderasyon? Mersi.

MR SPEAKER

Mersi Onorab. Minis.

MINISTER **ANTONY** **DERJACQUES**

Mr Speaker dan sa plan 2009 ti annan en parti ki ti koz lo en *second runway* Point Larue. Solman ler nou ti regard sa plan ek son kou, ti vin aepre \$250 milyon pou fer sa travay.

Se nou ler nou ti regard sa e ler nou ti prezant nou papye devan *Cabinet*, nou ti vwar ki

pou lemoman i pa neseser ki nou annan en *second runway* Point Larue. E i pa afordab.

Pou lemoman dan sa *Master Plan* i enkli sa bann proze ki mon'n koz lo la.

Par egzanp sa *FBO*. Sa nouveau *terminal*, sa *marina*, sa *Airport Hotel*, en nouveau *terminal*, *Duty Free area* ek bann lot keksoz ki asosye avek lavyasyon. Pou lemoman nou pa pe mazin en *second runway*.

An sa ki konsern Praslin, mon ava demann *CEO* pou SCAA si i annan okenn komanter lo la. Mersi.

MR SPEAKER

CEO ou ti ava kontan azoute?

CEO SCAA GARRY ALBERT

Mersi Mr Speaker. Bonzour tou bann Onorab. Lo kote Praslin nou napa okenn plan pou agrandi *runway* pou kapab resevwar bann avyon enternasyonal.

Akoz ler ou konpar avek Mahe savedir pou fer Praslin vin en *alternate*. E Mahe i deza 3 kilomet longer. E pou ou fer en *runway* aepre 3 kilomet longer Praslin i vreman difisil.

Akoz aktyelman longer *runway* Praslin i annan limitasyon pou bann par egzanp bann pli pti avyon. Bann *private jet* apoze.

Akoz nou annan bann lobstak. Parey le kote Lemuria nou annan en montanny ki en lobstak pou bann avyon kapab *take-off* dan serten sezon.

Menm ozordi bann *Twin Otters* sa montanny i en lobstak.

Oparavan ler nou ti annan *Short 360* si ou kapab rappel, ki ti en pti pe pli gro ki *Twin Otter*, *Air Seychelles* pa ti kapab ranpli sa avyon 100poursan pou redwir son pwa, pou li kapab *take-off* lo sa *runway*.

Se sa rezon ki Praslin i annan pou diskisyon, bokou kestyion ki nou kapab fer pou Praslin pou li kapab vin en alternate pou Mahe.

Me i ankor vreman difisil. Mersi Mr Speaker.

MR SPEAKER

Mersi. Mon ava pran kestyion Onorab Monthy.

HON PHILIP MONTHY

Mersi Mr Speaker. Bonzour Minis ek ou delegasyon. Kestyon se eski SCAA i annan ase lespas pou antreprann sa proze redevlopman ki zot pe anvizaze fer?

E si non ki zot pe mazin fer pou kapab ganny sifizaman lespas pou akonpli sa proze, an agrandisman *Airport* parey zot pe fer vwar li neseser ?

E dezyenm kestyon nou konnen e Minis fek fer resorti ki i annan serten lakonpannyen konstriksyon ki'n enstal zot lo gran parti *zone 21*.

So kwa ki pe ganny fer pou ki sa lespas i retourne pou SCAA, pou ki sa proze lagrandisman *Airport* i kapab kontinyen?

E trwazyenm kestyon Minis, eski sa proze lagrandisman *Airport* i sipoze anmenn zot dan mon distrik Cascade kot serten mon bann zenn i servi en laplenn kot zot zwe fotbol lo la.

Eski i annan posibilité ki sa bann zenn i kapab perdi zot laplenn? Mersi.

MR SPEAKER

Mersi Onorab. Minis repons.

MINISTER

DERJACQUES

Mersi Mr Speaker. An sa ki konsern *extension*. Savedir agrandisman *Airport*. Nou pe servi e nou pe konsevwar ki dan sa *Master Plan* nou pou servi *zone 21*.

I annan bann eleman ki pou ganny tire lo *Airport* - par egzanp sa *fuel farm* pou ganny tire kot i ete dan sa *Master Plan*. I pou ganny mete dan bout *zone 2*.

Savedir in annan plis ki 20 arpan pou ganny servi - ki pe

ganny servi a sa moman koman bann dormitwar.

Sa 21 lakonpannyen - sa 21 lasosyete lo *zone 21*, zot in fini ganny bann let ki'n demann zot pou zot vakye.

Dan zot bann kontra e zot *licence*, akoz laplipar napa en *lease* be senpleman permision, zot in ganny dir ki zot pou kre bann batiman ki tanporer.

Akoz sa landrwa ler ti ganny konble ti ganny *designated* koman en *area for Airport expansion* ek pou lavyasyon. Zot konpran. Tou in agree. Sel keksoz zot pe rode se (1), plis letan, ki nou'n donn zot. Par egzanp zot sipoze sorti an Mars preznan nou - annefe nou PS ki la o bor nou Mr Renaud in diskit direkteman avek zot.

In donn zot en pe plis letan. Apre 2) zot pe rod en pe led avek Gouvernman pou gete si i annan en alternativ ki Gouvernman i kapab ed zot avek.

Solman nou osi note ki laplipar i bann gran lakonpannyen ki zot osi zot annan zot prop later, teren partou Mahe.

An sa ki konsern sa laplenn kot marmay i zwe fotbol, i pa lo *zone 21*. E pou lemoman i pa dan sa *Master Plan* pou nou retir sa bann zenn

sorti Cascade e anpes zot zwe fotbol.

Mon anvi *emphasize* ki ler sa *Master Plan* i konplet, nou pou prezant li *of course* ankor dan *Cabinet* parey nou ti anonse.

E apre ler nou fer sa nouvel pou sorti. I pou annan *press conference*, e Lasanble osi pou lib pou li demande pou li regard sa *Master Plan*. Mersi Mr Speaker.

MR SPEAKER

Mersi Minis. Mon a pran kestyon Onorab Cosgrow.

HON WALLACE COSGROW

Mersi Mr Speaker. Bonzour Minis avek ou tim. Mr Speaker Minis in dir sa plan i en plan 2009. E ki Gouvernman US in asiz lo la.

I drol pou en dimoun ki'n asiz lo kontra *Travizory* tou sa letan i vin dir nou en keksoz koumsa.

(laughter)

MR SPEAKER

Onorab silvouple. Onorab ou konpran tre byen lareg Lasanble. Bomaten nou'n dil avek size *Travizory*. Nou lo ize kestyon ki en Manm in mete.

Ou ava reste lo la silvouple. Sinon mon pe pas lo

en lot kestyon siplemanter. Mersi.

HON WALLACE COSGROW

Mersi Mr Speaker. Mr Speaker, mon rapel ki *sometimes* 2013/2014 ti annan Gouvernman Abu Dhabi ki ti eksprim lentere pou devlop *Airport* Enternasyonal.

E *Leader* Lopozisyon sa letan dan Lasanble Nasyonal, Lopozisyon sa letan ti *up in arms* e pa ti an faver sa. E mon osi konnen Mr Speaker ki tou resaman i annan en group Sengapouryen petet CEO i ava kapab klarifye sa, SCAA ti angaz avek en group Sengapouryen pou revwar e *re-design Airport*. Pou *come up* avek en *design Airport*.

Eski sa ki pe ganny propoze ozordi, eski sa i rezulta sa travay ki ti komans ganny fer? Ouswa i en novo travay ki Gouvernman LDS in fer pandan sa 16 mwan -18 mwan pardon?

E ki ozordi nou pe koz lo en novo *Airport*, eski sa i parti sa travay?

E eski Minis i kapab dir nou sa bann bout later lo *zone 21* kot bann kontrakter in ganny *allocate tanporer*, eski ler bann kontrakter pou bouze. Mon konnen i pa neseserman relye ek *Airport*.

Me ler bann kontrakter pou bouze, kote sa bann kontrakter pou ale e kan eski travay lo sa teren pou nouvo *Airport* petet pou konmanse? Mersi bokou Mr Speaker.

MR SPEAKER

Mersi Onorab. Minis ou repons.

MINISTER **ANTONY** **DERJACQUES**

Mersi Mr Speaker. Mon konpran akoz en dimoun ti Minis preznan i *MNA*. Akoz 2013 ek 2014 sa parti an pouvwar pa ti dan Lasanble.

Mr Speaker -

MR SPEAKER

Ale. Minis adres kestyon silvouple.

MINISTER **ANTONY** **DERJACQUES**

Mon repete ki Gouvernman *US* in asiz lo la depi 2009. Gouvernman *LDS* pe travay lo la e i pe fer sa *Master Plan*.

Dan sa *Master plan* ler in fini i ava prezant avek *Cabinet*. E apre i ava vin son dezyenm faz kot i pou bezwen rod en partner pou ed li devlop *Airport* ek *zone 21* dapre sa *Master Plan*.

An sa ki konsern kot bann lakonpannyen pou ale. Sa zot pe diskite *internally* zot menm.

Solman i annan enn, de ki'n demann led. Solman mon le fer resorti ki laplipar sa bann gran, gran lakonpannyen ki mon pa oule donn zot non -- annan bokou travayer, de santenn - en bann senkant.

I annan zis 1 ouswa 2 ki ptipti, zot bann lakonpannyen ki deza annan later. I annan biznes. I annan *headquarters* partou Sesel.

E si i annan okenn posibilite ki nou ed zot, nou ed zot. Solman ler zot ti vin lo *zone 21* zot ti konnen sa i tanporer e i pou sa rezon ki bann enfrastriktir lo *zone 21* i pa bann ki permanan. Mersi Mr Speaker.

MR SPEAKER

Ou pou pran en klarifikasyon Onorab Cosgrow silvouple lo sa ki ou'n demande.

HON WALLACE COSGROW

Yes, Mr Speaker en klarifikasyon. Mon ti'n demande si sa group Sengapouryen ki *SCAA* ti angaze avek pou fer revwar redevlopman *Airport*, si sanmenm sa rezulta sa ki zot pe dir ozordi?

Ouswa si i annan en nouvo konsiltan ouswa group dimoun ki'n antreprann sa

Master Plan? Mersi bokou.
Mon pa'n ganny repons.

MR SPEAKER

Mersi. Minis ou aa donn en klarifikasyon *please*.

MINISTER **ANTONY** **DERJACQUES**

Mr Speaker mon pa konn spesifikman en group *Singaporeans*. Sel keksoz mon kapab dir se nou pe diskit pou reviz, amann e grandi sa *Master Plan* avek en lot akter enternasyonal. E pa enn ki base Sengapour. Mersi.

MR SPEAKER

Mersi. Mon ava pran kestyon Onorab Aglae.

HON EGBERT AGLAE

Meri Mr Speaker. Bonzour Minis ek ou *panel*. Minis zis ekliersi mon premye kestyon la. Akoz dan ou premye larepons ki ou ti pe donnen avek loter kestyon.

Ou'n fer referans avek nouveau *Airport*. E si mwan mon pe konpran si i annan en nouveau *Airport*, i bezwen annan en nouveau *runway*.

Zis ekliersi nou si i lagrandisman *Airport* ki nou pe koze ouswa pou annan en nouveau *Airport*? Sa i enn.

Dezyenm, mon ti ava kontan petet demann avek Minis. Petet ou Sef Egzekitiv osi i kapab reponn.

Dan sa plan ki ou dir *US* in dormi lo la depi 2009. 2016 *Airport* ti pas dan serten *maintenance* - serten laranzman, lenfrastriktir.

Carpark ti agrandi. E bokou bann *internal infrastructure* osi ti pe ganny aranze.

Eski sa ti form par sa plan 2009? Mersi.

MR SPEAKER

Mersi Onorab. Minis.

MINISTER **ANTONY** **DERJACQUES**

Mersi Mr Speaker. *Airport* pou ganny transformen pou annan nouveau *terminal*. Nouvo *SBO* pou bann *private jet*. Nouvo *parking space*. Nouvo *Duty Free*. Nouvo *Airport Hotel*. Nouvo *passenger terminal*. Nouvo *marina*. Nouvo striktir ki atase avek lavyasyon.

Avek sa i neseser ki ou dir ki sa transformasyon pou fer ki pep Seselwa pou ganny en nouveau *Airport* ki'n transformen.

Parey ki arive la ozordi, CEO SCAA pe *lead* pou fer bann renovasyon lo sa *Airport*.

Nou pa kapab kit *Airport* mannyer i été, ziskan ler nou kapab transform li, nou bezwen

toultan *upgrade*. Alors sa bann *upgrade* pe ganny fer menm la a sa moman. Mersi Mr Speaker.

MR SPEAKER

Wi klarifikasyon Onorab Aglae. Silvouple terminen.

HON EGBERT AGLAE

Minis pa'n reponn mon kestyon kler, mon dezyenm kestyon. Ler mon ti pe demann li ou bezwen annan en plan pou ou kapab fer sa bann *maintenance*.

Eski sa plan, zot bezwen swiv en plan ki ti la? Eski zot in servi dan sa plan 2009 ki nou'n dormi lo la pou zot fer sa bann laranzman kosmetik ki ou'n dir? Mersi.

MR SPEAKER

Mon en pti pe konfize par sa kestyon. Minis mon ava les ou dil avek. Si ou konpran li byen.

MINISTER ANTHONY DERJACQUES

Mr Speaker, bann renovasyon ek bann *upgrade* ek bann *repairs* i pa asosye avek sa plan 2009.

Me i bann *upgrade* ki bann renovasyon ek bann reparasyon ki neseser, ki *ongoing*. Ki tou *Airport* in fer. Mersi Mr Speaker.

MR SPEAKER

Mersi Minis. Bann Manm i ava apresye ki mon annan ankor 7 kestyon lo *Order Paper*. E mon bezwen fer letan pou zot. Alor mon pou termin sa kestyon la.

E nou pou pas lo lot kestyon. Mon konpran delegasyon ki avek Minis la pou fer zot depar. Son mon ava remersye zot e mon ava dir zot bonn zournen.

Nou ava demann en pti *break* pou *sanitizing*.

(technical break)

MR SPEAKER

Bon mon ava dir bonzour e swet labyenveni bann zofisyen ki'n antre pou larestan kestyon.

Nou annan Mr Patrick Andre, PS pou *Land Transport*. Mr Parinda Herath CEO pou *Seychelles Land Transport Agency*. Mr Ronny Brutus CEO pou *Seychelles Port Authority*. E osi Mr Franky Laporte Direkter Proze ek Lenfrastriktir dan *Seychelles Port Authority*.

Nou ava pas lo kestyon swivan, Onorab Lemiel.

HON SYLVANNE LEMIEL

Mersi Mr Speaker. Bonzour Minis avek ou delegasyon. Mon kestyon i al koumsa: -

Pandan diskisyon Bidze 2022, SLTA ti enform sa Lasanble ki 2enm faz semen

Grand Riviere Anse Royale ti pou ganny fer sa lannen, letan zot resevwar larzan anba Fon Endyen.

Eski Minis i kapab enform sa Lasanble, ki zistans diskisyon e formalite in arive lo sa size lasistans anba Fon Endyen, pou kapab akonpli sa proze semen Grand Riviere?

Mersi.

MR SPEAKER

Mersi Onorab. Minis.

MINISTER

ANTONY

DERJACQUES

Mersi Mr Speaker. Lazans Transpor lo Later in fini prepar tou dokiman neseser pou dezyenm faz sa proze. E in osi fini ganny aprouvasyon Lotorite *Planning*.

Tou dokiman relye ek sa proze in ganny anvoye kot Seksyon *Financial Planning and Control Division* kot Minister Finans pou zot konsiderasyon.

E sa Minister in enform nou ki *Joint Project Monitoring Committee* in fini *approve* pou enkli li lo lalis proze ki pou ganny finansman anba Fon Endyen. Savedir *Indian Grant*.

Minister Finans in osi enform nou ki zot in fini anvoy bann dokiman neseser kot Minister Zafer Etranze, pou

negosye, e laprouvasyon final avek Gouvernman Lenn.

Se letan nou ganny sa laprouvasyon final ki *SLTA* pou kapab komans prosedir *tender* pou lenplimantasyon.

A sa staz *SLTA* napa en lendikasyon kler kan i pou ganny sa laprouvasyon finansman pou sa proze.

Sepandan i bon note ki i reste ankor 2 *wayleave* ki Lotorite Distrik Anse Royale e Lofis Onorab pe negosye.

Sa proze i estimen pou kout apepre R7milyon.

MR SPEAKER

Mersi. Wi Onorab Lemiel ou siplemanter.

HON SYLVANNE LEMIEL

Mersi Mr Speaker. Mersi Minis pou ou larepons. Enn mon kestyon ti lo sa kou, konbyen i pou arive. Mersi, ou'n dir nou R7 milyon environ.

Mon ti ava kontan konnen apepre ki longer zot pe mazin. Akoz sa semen i pe fer par faz. Nou'n fini en premye faz, la i dezyenm faz.

So ki longer sa dezyenm faz *SLTA* pe mazinen pou kouver anba sa lasistans R7 milyon? Mersi.

MINISTER

ANTONY

DERJACQUES

Mr Speaker mon ti ava ki *SLTA CEO* Parinda i reponn. E si *PS Andre* i annan okenn komanter li osi i kapab. Mersi.

MR SPEAKER

Mersi. *CEO* i kapab azoute. Wi.

CEO PARINDA HERATH

Mersi Mr Speaker. Bonzour tou dimoun, Sa dezyenm faz annefe *Onorab* i pou sa proze konplet. Konmsi sa premye faz ki nou'n fer i lanmwatye so nou sipoze arrive.

E dezyenm faz i pran kot nou'n fini sa premye proze ziska son finisyon. Mersi.

MR SPEAKER

Wi oule en pe plis detay. Ou le les *CEO, sorry* ou les *PS* adres avan apre nou ava gete ki sa ki manke. Yes *PS*.

Non napa? Ale *Onorab* wi.

HON SYLVANNE LEMIEL

Mersi Mr Speaker. Mersi *CEO Herath*. Minis petet ti ava bon letan nou lo pe diskit sa la, mon pe mazinen in pran en pe letan avan ki nou pe kapab ganny sa finansman.

E i fer ki i annan later petet in kapab ganny *subdivided*. So nou pou bezwen re antre an kontak avek *SLTA* pou zot revwar en pti pe.

Akoz letan nou'n pran plan nou'n anvoy kot bann zabitan dan distrik i annan sa konsern ki pe leve, kot nou pe vwar ki petet i annan ser ten lezot konsiltasyon ki pou bezwen kapab ganny fer. Sa nou pou met li a latansyon *CEO*.

Ki mon pe demande Minis si i annan posibilite pou nou petet retourn ankor en pti pe pou nou annan sa konsiltasyon avek bann lezot dimoun? Mersi.

MR SPEAKER

Mersi. Minis regard sa lasirans.

MINISTER

DERJACQUES

Yes, mersi Mr Speaker. Wi a sa moman sa 2 *wayleave* ki nou ti ankor pe negosye, i *C1530, C1353*. E akoz ou'n enform nou e ou biro ti pe negosye pou sa 2 *wayleave*, nou ava pran sa konsey. E nou ava demann *SLTA* pou al regarde e pou *update* si i annan bann *sub-division*. Mersi Mr Speaker.

ANTONY

Mersi Minis. Nou ava pran kestyon *Onorab Arissol*.

HON SANDY ARISSOL

Meri Mr Speaker. Bonzour Minis ek ou delegasyon. Bonzour tou bann *Manm*. Mon

le aport mon sipor pou sa proze
Mr Speaker.

Alor mon ti ava kontan demann Minis 2 pti kestyon an relasyon avek sa.

Mon ti ava kontan demann Minis kekfwa letan nou pe koze pou bann dimoun ki pe ekout nou, sa semen Grand Riviere, dir ek nou Minis kote in komanse e kote semen Grand Riviere i sipoze fini?

Kot lakour Mr Sandy Arissol? Kot lakour Onorab Lemiel? Mon premye kestyon. En legzanp.

Dezyenmman mon ti ava kontan demann ou an vi parey Onorab Lemiel in dir poudir souvandfwa bann kare later in ganny vann e bann semen in ganny - I pa neseserman parey ti'n prozekte.

Be eski i annan en sistenm *pegging* tou dilon sa semen sa proze, pou ki bann dimoun kin aste son propriete oubyen in *subdivide* in ganny son later, i kapab komans son proze semen si i annan le mwayen facilite letan ki Gouvernman li i pe negosye pou asiste lezot dimoun ki napa mwayen? Mersi Mr Speaker.

MR SPEAKER

Mersi. Minis ou annan sa 2 pwen.

MINISTER DERJACQUES

Mersi Mr Speaker. CEO SLTA i ava donn en pe larepons.

MR SPEAKER

CEO wi silvouple.

CEO PARINDA HERATH

Mersi Mr Speaker. Bon Onorab mon napa bann detay egzakt. Me selman mon konnen premye faz ti environ 450 met longer.

E i ti komans lo semen Mont Plaisir. E sa lot seksyon ki nou pou komanse la i pou fini dapre bann vizit ki noun fer avek Lotorite Distrik avek Onorab Lemiel.

E osi nou'n gete teknikalman kot sa semen i kapab arive fizikman.

So sa dezyenm faz pou fini kot nou ti'n deside dan sa bann vizit kot nou pou termin sa proze.

E i komans parey monn dir lo semen Mont Plaisir e i en *secondary road* ki avan ti annan en larout kot dimoun ti pe pase *sort of apye*. Mersi.

MR SPEAKER

Son dezyenm pwen lo *pegging* e si bann endividé i kapab komans zot semen pou zot.

CEO PARINDA HERATH

Mersi Mr Speaker. Toultan letan ou'n fer en proze nou fer sir ki nou, nou fer sa semen.

The main road ki nou pou fer e osi si i annan bann pti akse ki nou kapab donn kot bann lakaz endividyle, oubyen bann pti kominote ki pou pran avek sa semen li menm.

Nou pou fer son komansman. E si bann lakaz endividyle i ase lwen avek sa semen ki nou, nou pe fer, definitivman sa bann dimoun pou bezwen rod en fason pou zot kapab fer sa bann semen ki pou ariv ziska kot zot.

E nou, nou fer sir ki letan nou fer sa semen, nou donn zot sa komansman, en akse ki pou kapab deservi zot lakour. Mersi.

MR SPEAKER

Mersi CEO. Kestyon Onorab Larue.

HON FLORY LARUE

Bonzour Mr Speaker. Bonzour Minis avek ou delegasyon. Bonzour tou dimoun.

Minister, eski zot kapab dir nou si bann - la lefe ki sa proze spesifik i annan deza 2 *wayleave* ki reste pou zot negosye.

Ki zot lofis i fer ki fer ki bann *wayleave* ki'n fini negosye, antretan ki zot pe esper finansman ki sa bann

wayleave i ganny sinyen dan en dokiman legal ki *bind* sa bann dimoun.

Ki fer ki devlopman letan in ariv ler pou fer si larzan i pran 2an 3an ki sa *wayleave* i ankor valab?

E lefe ki zot in mansyonn *Indian Grant*. E nou konnen ki lemonn antye pe pas dan bann problemm ekonomik, ki alternativ ki pou annan si sa *Grant* pa vin *available* pou fini sa semen? Mersi.

MR SPEAKER

Mersi Onorab. Minis.

MINISTER **ANTONY** **DERJACQUES**

Mersi Mr Speaker. Mr Speaker mon ava donn en legzanp. Nou'n kre en *Unit Legal* dan Minister Transpor ki pa ti egziste avan. E sa i anba *Secretariat Minis*.

E *the legal advisor* 15 minit pase, Mrs Lucas. E i annan en lot Avoka ki travay avek li.

E nou kre en komite bann Avoka dan tou sa bann *SOEs* ki tonm anba Minister Transpor.

E i vin plizyer Avoka. Alor nou vreman konsyan ki tou nou bann dokiman i bezwen annan sa lafors legal. E i *perpetual* - savedir i permanan.

Par egzanp pou bokou lannen ti an *West Coast Road Project*. E pa ti pe demare avek Gouvernman avan. Me ler nou'n antre nou'n al kot bann dimoun e nou'n fer bann nouvo sinyatir.

E nou'n fer bann dokiman ki apropriye ganny sinyen. E yer bann lakonpannyen ki'n ganny swazir in ganny en let *letter of interest* ki pe al fer *tender* pou semen *west coast*.

Savedir pou sorti Anse La Mouche pou arriv kot Baie Lazare. Savedir ki nou, nou pe fer wi nou pe revi bann dokiman.

Nou pe fer sir ki sa bann *wayleave* i en dokiman legal ki rekonnet anba Lalwa. E nou pe vizite enkli mwan menm mon ale enn ler. Nou al vizite. Nou fer nou *door-to-door*, nou al rod bann dimoun ki annan bann propriete o bor sa bann semen.

Enkli par egzanp kot *Airport*. Pou nou kapab fer nou *third lane* pou fer sinyen. Alor nou pe fer li.

Dezyenm an sa ki konsern *funding*. Si nou pa ganny sa *funding from the Indian Grant* ki vin R7 milyon. Nou pou bezwen al rod en lot sours.

E son sours ki la, ki kler. Ki pou bezwen vin devan zot, se *Consolidated Fund*.

Si nou pa gannyen nou pou bezwen met li koman enn bann proze pou aprouvasyon Lasanble Nasional. Mersi Mr Speaker.

MR SPEAKER

Mersi Minis. Nou ava aret sa sesyon kestyon la. Mon napa okenn Manm kin lev lanmen. Nou ava pran poz e nou ava repran Lasanble 11er. Mersi.

(BREAK)

MR SPEAKER

Nou ava kontinyen avek kestyon limero 55 Onorab Richard Labrosse.

HON RICHARD LABROSSE

Mersi Mr Speaker. Bonzour Mr Speaker. Bonzour Minis ek ou delegasyon. Bonzour tou bann Manm Lasanble e tou dimoun ki a lekout espesyalman zabitan Plaisance.

Minis kestyon 55 i comme swivan;

Eski Minis pour Transport i kapab eksplik Lasanble ki statistik ki Departman Transport i annan lo lofans lo semen kot bann drayver i ganny penalize, prensipalman bann kot i konsern *on the spot fines*? Ki bann lofans pli komen ki bann

drayver pe ganny penalize?
Mersi.

MR SPEAKER

Mersi Onorab. Minis ou repons silvouple.

MINISTER DERJAQUES

Mersi Mr Speaker. Mersi Onorab. Statistik pou bann lofans trafik i *comme* swivan; sa i bann statistik ki bann *traffic wardens* ki anba Departman Transpor in anmase.

Sa kantite *spot fines* i *comme* swivan ;

Pour 2020 - 4773,

Pour 2021 - 5183,

Pour 2022 - 1311.

Mr Speaker, bann lofans ki pli komen ki bann drayver ki ganny penalize i *comme* swivan;

1. Zot pa *display* zot *parking coupon* dan bann *pay parking zone*.
2. Zot park transpor dan en landrwa ki pa devret park. Savedir bann non *parking area*.
3. Zot park transpor lo pasaz pyeton.
4. Zot pa met *seat belt* sa i enkli e osi pasaze e
5. Zot dray en transpor avek *tint* san lotorizasyon savedir san permision Lapolis.

Mersi Mr Speaker.

MR SPEAKER

Onorab Labrosse ou siplemanter.

HON RICHARD LABROSSE

Mersi Mr Speaker. Minis mersi bokou pou sa bann lenformasyon k ou'n *provide* avek Lasanble.

Minis mon annan de pti kestyon siplemanter kekfwa brefman si ou ti annan sa lenformasyon avek ou, ou ti kapab enform Lasanble, apepre konbyen larzan Gouvernman i anmase ek sa bann *spot fines*?

E mon dezyenm kestyon, sa i sorti dan lakominote kot bann dimoun plizer fwa zot vwar i annan bann transpor sirtou, ki blok trafik. E nou santi ki parfwa bann transpor osi ki ede dan fer blokaz trafik osi, sirtou dan kominote.

Par egzanz mon pe kapab donn en legzanp si en transpor in *park* kot Baba la i pe desarz son bann marsandiz, i pou blok trafik antye an zeneral ziska Mont Fleuri.

So mon kestyon i eski bann *traffic warden*, zot espesyalman zis vizit dan lavil Victoria ouswa zot travay osi partou dan kominote? Mersi.

MR SPEAKER

Mersi. Minis ou repons
please.

MINISTER **ANTONY**
DERJAQUES

Mersi Mr Speaker. Eski PS Andre i kapab pran e reponn. Mersi.

MR SPEAKER

Thank you. PS.

PS PATRICK ANDRE

Mersi Mr Speaker. Bonzour Mr Speaker. Bonzour tou dimoun.

Bon pou lemoman nou napa sa lenformasyon pou premye kestyon siplemanter lo lakantite larzan ki ganny anmase, akoz sa i ganny anmase par Lakour. E sa i divize ant de group bann *fines* ki Lapolis i donnen e osi bann *fines* ki bann *warden* osi i donnen.

Nou kapab fer en kalkilasyon pou bann *fines* pou lannen 2020 avek 21, akoz sa ti en sel *fines* R200 parey i ti ete.

Be depi lannen 2022 i annan diferan kategori *fines* ki pe ganny sarze ozordi zour.

So nou ava kapab fer ou ganny sa lenformasyon en pe pli tar.

An sa ki konsern problemm *parking* en pe partou dan vwazinaz, dan bann distrik

wi bann *highway patrol officers* i annan menm pouvwar ki *Police traffic* pou antreprann okenn aktivite pou bann lofans trafik lo semen dan pei an zeneral.

Me par kont akoz sa group dimoun i limite dan lakantite mendev ki nou annan, nou restrikte bokou nou bann travay dan sant lavi li menm li. Me i annan bann lenstans kot nou al an deor osi tou pou al fer bann *spot checks*.

E osi parey dan bomaten osi nou fer bann kontrol trafik parey dan *roundabout* Plaisance, Roche Caiman e osi dan otour laval.

Me nou konsyan i annan bann landrwa kot i annan bann veikil ki pe poz bann *obstruction*.

E ler nou, nou ganny sa lenformasyon nou *attend* dan sa bann sirkonstans. Me nou pa kapab partou o menm moman.

I arrive ki ler nou fini *deal* avek en *case* nou ale bannla i retourn ankor e kontinyen. Me selman sa nou pe travay lo an etrwat an kolaborasyon avek Lapolis pou nou vvar ki mannyer nou kapab maksimiz nou mendev ki nou annan pou nou kapab *attend* lo sa bann sityasyon parey. Mersi Mr Speaker.

MR SPEAKER

Mersi. Avan mon kontinyen mon bezwen rektifye en pti keksoz Onorab Loze. Mon krwar mon ti'n dir ou bomaten ou pou sorti dan Lasamble ziska apre midi ou kapab retournen pour *Bills*.

Si ou pa'n konpran mwan zis met li kler la e mon demande ki ou obzerv sa regilasyon. Mersi.

HON JOHAN LOZE

Eskize Mr Speaker ou ti'n dir mwan sorti pou sesyon bomaten, mon pa ti'n tann sa bout *Bills* eksetera.

MR SPEAKER

Wi ou kapab retournen pou *Bills* apre midi.

HON JOHAN LOZE

Mon ava obzerv Lalwa ki mon pe ganny pini anba la, fotespere zot pa amann Lalwa demen pou re-pini mwan ankor. Mersi Mr Speaker.

MR SPEAKER**HON SEBASTIEN PILLAY**

(Off-Mic)

MR SPEAKER

Onorab Pillay si ou pe lev ou lanmen pou *point of order* mon pa pe pran *point of order* la. Si ou annan en size ki ou anvi *raise* lev li ek mwan an prive premye apre nou ava gete. Mersi.

Nou ava kontinyen avek kestyon siplemanter. Mon ava pran siplemanter Onorab Cosgrow.

HON SEBASTIEN PILLAY

(Off-Mic)

HON JOHAN LOZE

Silvouple *sorry* mon'n dir ou mon pa pe pran okenn size la. Mon pou kontinyen avek kestyon Onorab Wallace Cosgrow.

HON SEBASTIEN PILLAY

(Off-Mic)

MR SPEAKER

Lotorite Speaker i final Onorab Pillay, ou ava obzerv sa Onorab Pillay avan nou bezwen al pli lwen. Onorab Cosgrow.

HON WALLACE COSGROW

Mersi Mr Speaker. Mr Speaker enn bann lofans ki ganny komet lofans trafik, ganny komet ki Minis in dir se an relasyon avek *display parking coupon*.

Nou ava realize ki tou *parking* dan lavil Victoria espekte *around Marine Charter* i bann *parking* ki *paid parking*.

So eski Minis i kapab dir nou si i annan sa lenformasyon, eski i kapab dir nou konbyen landrwa *in and around Victoria* ki vann *parking* koupon?

Eski zot annan okenn plan pou met en sistèm en pe pli a laporte motoris, petet en pti pe pli pre avek kot zot pe *park*, pou kapab *access* en *parking* koupon ouswa en lot mekanizm?

Dezyenm i an relasyon avek osi en lot lofans ki ganny komet par motoris se *speeding*. Mon ti demann en kestyón lot fwa an sa ki konsern revwar bann *speed limit* dan serten *areas* kot mon santi, e bokou dimoun i santi ki ozordi petet sa bann *speed limit* in vin obsolut.

Mannyer semen in ganny agrandi, mannyer semen in ganny agrandi, mannyer sekirite i ete lo semen ozordi bann travay ki'n ganny fer, e ki petet nou revwar serten landrwa nou ogmant en pti pe pou ki trafik i kapab sirkile.

So ki zistans sa travay i ete e kan ki nou espekte en rezulta lo la? Mersi bokou Mr Speaker.

MR SPEAKER

Mersi Onorab. Minis ou repons.

MINISTER DERJAQUES **ANTONY**

Mersi Mr Speaker. eski PS i kapab reponn silvouple. Mersi.

MR SPEAKER PS wi.

PS PATRICK ANDRE

Mersi Mr Speaker. Mersi Onorab pou ou kestyón. Pou ou premye kestyón normalman i annan apepre 5 landrwa dan lavil kot *parking* koupon pe ganny vann.

Me selman nou konstate poudir i annan serten problem difikilte ki nou pe fer fas avek sa sityasyon.

Akoz dan bokou lenstans kot i annan dimoun letan zot in *park*, pou zot al rod en koupon letan zot retournen zot in deza fini ganny *fine*.

So nou pe sey vwar pli bon fason mannyer pou nou kapab adres sa bann defayans ki nou annan. E enn bann fason se pou nou met bann *pay parking machine* kot en dimoun i ale i met son larzan i ganny son tiket i met lo son loto apre i ale.

Nou deza an diskisyon avek detrwa lakonpannyen pou nou vwar ki bann kalite masin

zot annan ki pou apropiye pou nou, e apre nou ava kapab met en proze pou nou kapab enstal sa bann masin.

Me par kont i pou annan osi kot si demen nou fer okenn *multistorey carpark* definitivman ler ou pou *access* i pou vin en sistem parey *Eden Island* i annan, ou pran ou tiket, menm parey *Airport* osi i annan apre *on your way out* ou ava pey pou lakantite letan ki ou'n eskiliz sa servis ki annan.

An sa ki konsern ou dezyenm kestyion pou *speed limit*, nou deza ansanm avek Lapolis SLTA pe *conduct* en *exercise* pou revwar tou bann *speed limit* lo Mahe an zeneral e osi lo Praslin osi tou.

So sa legzersis i Ankour la e enn fwa ki nou annan fini etabli revwar *then*, nou ava kapab enform lamas bann novo *speed limit* si nou pou ogmante, si nou pou redwir dan bann serten landrwa. Mersi Mr Speaker.

MR SPEAKER

Mersi PS. Kestyon Onorab Aglae.

HON EGBERT AGLAE

Mersi Mr Chair, Mr Speaker. Minis petet an vi ki dan rezyon lavil i sa landrwa ki en pti pe plis konteste e mwen

parking, an referans ek larepons ki Komisyoner in donne li menm Mr Andre, eski zot pe mazin osi an vi ki *availability of parking* koupon ki petet servi nou bann *petrol station*, an vi ki nou pe esper sa bann zafer *metre* vini si pou vini, met en pe akoz tou transpor i bezwen pas lo en *station* pou al pran *fuel*. Met en pe sa bann *parking* koupon laba osi sa i en rekondasyon.

Dezyenm Minis si ou annan sa lenformasyon ek ou, konbyen ka relye ek trafik ki an prose devan Lakour an se moman? Mersi.

MR SPEAKER

Mersi. Minis silvouple wi. PS pou reponn.

MINISTER DERJAQUES

Mon napa ek mwan PS i ava annan.

PS PATRICK ANDRE

Mersi Mr Speaker. Mersi Onorab pou ou kestyion. Pou ou premye kestyion dan lepase nou ti annan bann *petrol station* kot zot ti vann bann koupon. Pou lemoman zot pa pe fer li pou plizyer rezon lozistik ki i annan.

Me selman nou a pran konsiderasyon sa sizesyon ki ou'n mete e nou ava rediskit

avek sa bann stasyon *Management* stasyon petrol, pou revwar si zot pare pou zot re kontinyen avek sa ki zot ti pe fer dan lepase.

An sa ki konsern bann *case* ki Ankour lo kote Lazans Transpor lo Later Departman Transpor, nou napa okenn *case* direk ki nou, nou pe met Ankour. Enn bann rezon akoz nou napa en prosekit pou nou kapab prosekit nou bann *cases* nou menm nou.

Me selman parkont Lapolis i annan en kantite bann *case* ki zot pe met Ankour, sirtou bann *speeding case* avek bann *drink driving cases* ki pe ganny met Ankour. Preski toulezour i annan bann *case* ki pe prezant son lekor devan Lakour. Mersi.

MR SPEAKER

Mersi PS. Onorab Adelaide.

HON FRANCOIS ADELAIDE

Mersi Mr Speaker. Bonzour tou dimoun. Minis premye kestyon vi ki i annan en petet lo kote resours imen, lo kote Lapolis parey ou'n dir i en pe limite pou kapab fer tou sa bann *spot checks*.

Eski zot annan okenn petet okenn lofans ki zot pe atrape atraver bann *camera*, ki

annan otour lavil pou prosekisyon?

Dezyenm Minis vi ki kart license osi en ta dimoun i ganny *spot fines*, eski zot pe deside o pli vit posib pou fer li vin elektronik pou ki dimoun i kapab montre avek Lapolis?

Apre petet pou zot travay avek Lapolis, i annan bann *spot check* ki ganny fer dan bann kontour, eski zot donn Lapolis bann serten regleman lo ki mannyer kote ki ou fer *spot check*, e pou pa Ankour petet fer aksidan?

Petet pou bann dimoun fer aksidan petet dan bann kontour kot zot pe fer *spot checks* i *prone to* fer aksidan. E petet i annan sa zafer glob brile zot pe sarz dimoun la, eski sa osi zot enstri bann gard pou *at least* vin en pe konpreansiv, lo kote bann *spot* ki zot fer akoz lo kote glob napa.

Si ti annan petet *expiry date* zot ti kapab en dimoun ti ava kapab konnen mon glob pe brile demen. Me parler i arive zis ou pa okouran, me ou pe ganny (*spot checks*) *spot fines*. Mersi.

MR SPEAKER

Mersi Onorab. Minis ou repons.

**MINISTER
DERJAQUES****ANTONY**

Mersi Mr Speaker. Dan sa kestyon ou'n refer enn de fwa ek Lapolis. Lapolis i tonm anba *Internal Affairs*. Solman Departman i travay osi an konsiltasyon ek Lapolis.

Sa bann *camera* Victoria i kontrole par Lapolis e zot, zot servi li bokou pou zot *anti-crime programme*. Solman zot pa neseserman *share* sa lenformasyon avek nou bann *traffic wardens*. Nou bann *wardens* i annan bann ziridiksyon spesifik pou fer ek bann sarz anba dan *Road Traffic Act*.

Alor mon kapab senpleman dir i sa bann *camera* i anba Lapolis e i zot travay.

An sa ki konsern sa reorganizasyon pou zot travay dan en fason pli efikas, wi *traffic warden* anba RTC nou'n anmenn en proze Lalwa devan *Cabinet*, *Cabinet* in aprouv ki nou amann Lalwa e zot pou ganny enkorpore anba departman *Land Transport* anba PS Andre.

E enn son manda ek son sa ki nou'n demann li fer se fer li vin bokou pli efikas pou nou kapab ganny plis rezours, plis *training*, plis mendev, pou nou kapab fer nou travay anba *Road*

Traffic Act dan en fason pli efikas.

Ler en dimoun son *License* in *expire* i en lofans. E pou ankouraz sa dimoun pou li fer sir ki son *License* i toultan ganny mentenir dan en fason legal. Nou bezwen donn en *spot fine*, akoz ou konnen ki ler ou napa en *License* ki legal ou *insurance* pa pe marse.

E si ariv okenn aksidan sa bann lakonpannyen pou dir non. E preznan ou menm ou, ou pou'n kas Lalwa, ou pou'n kapab detri propriete e ou pou napa larzan pou donn konpansasyon sa bann dimoun ki'n ganny en *injury* ouswa domaz.

Alor i en keksoz ase serye, e mon rekomande avek tou dimoun ki sak lannen ouswa sak fwa nou krwar ki nou *License* pe al ekspire o pli vit posib pa esper dernyen zour al renouvele. Mersi Mr Speaker, eksepte si PS i oule azout.

MR SPEAKER

Yes oule azoute oubyen nou kler?

PS PATRICK ANDRE

Zis pou azout enn de pti keksoz lo la. An sa ki konsern *driving license* parey ki ou'n fer resorti i deza annan bann diskisyon ki nou pe fer avek

Lotorite *License*, pou revwar sityasyon pou fer li vin en pe pli elektronik e pou vvar kot isi sa bann *license* letan bann zofisyen ranforsisman i ganny dan son posesyon si i valid pou oubyen non.

E si osi i tanzib i en keksoz ki korek dan li menm. Akoz i kapab annan bann *false driving license* ki dimoun i fabrike osi tou. Sa i annan en travay ki deza pe ganny fer.

An sa ki konsern bann *spot checks* napa toulstan nou *advise* nenport ki antite ranforsisman se ki zot bezwen rod bann lokasyon ki apropiye pou zot fer *spot checks*.

Pa fer *spot check* dan bann kontour kot i kree danze risk pou lezot drayver ki pe servi semen piblik.

Me otan ki posib nou, nou gid lo bann dimoun pou fer sir ki lokasyon i apropiye.

An menm tan zis pou azoute, avek sa novo sanzman ki Minis in fer resorti, nou pe *train* nou bann dimoun aktyelman la, pou fer sir ki zot vin pli profesyonnel, zot annan plis bagaz pou zot kapab antreprann zot travay en pe pli byen - ki mannyer pou zot apres piblik ler i annan bann lensidan ki arive.

Par kont si en dimoun par egzanp ou'n fer mansyon en

dimoun son glob lalimyer in brile, son glob in brile son glob in brile, pa akoz deswit konman en dimoun i ganny arete ki nou devret pe sarz en dimoun.

Nou devret pe *advise* en dimoun, donn li en dele letan pou li kapab rektifye sa problem, apre i retournen i montre nou poudir in rektifye okenn problem ki ti annan. Me parkont i annan serten lofans ki vreman riske parey si ou napa en *driving license*, si ou napa en lasirans, sa nou pa kapab donn okenn konsesyon dan sa sirkonstans. Mersi Mr Speaker.

MR SPEAKER

Mersi PS. Kestyon Onorab Vidot.

HON AUDREY VIDOT

Mersi Mr Speaker. Bonzour Mr Speaker. Bonzour Minis. Bonzour tou Manm Onorab en bonzour Spesyal pou zabitant Roche Caiman.

Minis mon kestyon Roche Caiman pli boner letan ou'n dir konsernan avek PS ti pe koz lo bann sarz ki bann dimoun petet i park kot mon pe koz dan bann sou distrik la mwan en?

Zot park dan semen zot blok akse. E Roche Caiman nou annan en konsern. Menm si i annan zofisyen Lapolis *be it*

tou le 2er apre midi, 2er edmi apre midi e tou le Sanmdi paran ou menm bann endividé ki reste Roche Caiman i bezwen demann pardon pou zot rantre dan vilaz. Akoz transpor i park partou dan semen.

Konsern ki zabitan Roche Caiman i annan se ki si i arriv en ka dife dan vilaz, oubyen i arriv en sityasyon *emergency* ki lanbilans i bezwen rantre - mwan personnelman mon'n deza eksperyanse kot lanbilans i fer 15 minit dan trafik pou li rantre dan vilaz, akoz blokaz kot transpor in park dan semen e i anpeste ki i kapab antre sorti dan vilaz Roche Caiman.

E menm si parey mon'n dir dan Sanmdi i annan patrol Lapolis la, *still* transpor i ankor pe park dan semen e personn pa ganny fer nanryen lo la. E menm dan sa bann *island*, mon konnen pou dir anvil dan lavil zot dir ki i annan bann dimoun ki ganny sarze si zot *park* lo bann *island* parey vizavi kot legliz, kot Saint Fidele, me selman Roche Caiman dimoun i kapab park ki mannyer i oule dan *island*, blok larantre, personn pa kapab fer nanryen.

MR SPEAKER

Onorab lesplikasyon i long. Silvouple.

HON AUDREY VIDOT

Non akoz Minis pe koze avek *PS*, sanmenm sa mon pe-

MR SPEAKER

Al ou kestyon mersi.

HON AUDREY VIDOT

So mon swete ki ou kapab eksplik nou kwa ki zot kapab fer pou rezourd sa problem? Mersi.

MR SPEAKER

Mersi. Minis ou respons.

MINISTER DERJAQUES

ANTONY

Mersi Mr Speaker. Mr Speaker detrwa Minis e sa pe ganny *led by Minister Land Use* ek Lakaz. In fer en travay e zot in fer sa letid pou rod en lot site.

E byento mon aprann en Papye pou ganny prezante devan *Cabinet* pou ede dan sa sirkonstans ki Onorab in koz lo la.

Mon ti ava alor prefere ki konman sa Papye i ganny prezante, apre bann detay i ava ganny devwale par *Cabinet*, e mon asire Minis konsernen prezan pou fer *Press Conference* avek bann *interview* pandan konsiltasyon. Mersi.

MR SPEAKER

Klarifikasyon Onorab lo ou kestyon wi.

HON AUDREY VIDOT

Wi Mr Speaker. Minis mwan mon konpran diskisyon ki zot bann Minister zot pe fer an relasyon avek sa *issue* bazar.

Mwan mon konsern se dan larantre Roche Caiman antretan la, si i annan Lalwa ki pe ganny aplike dan livil ki annan zofisyen pe donn tiket pou anpeste ki zot pe vvar i pe kas Lalwa, akoz lo imedya la ki napa en keksoz ki kapab ganny fer, antretan pou anpeste ki semen dan larantre Roche Caiman i ganny bloke.

MR SPEAKER

Mersi. En lesplikasyon.

MINISTER ANTHONY DERJAQUES

Mersi Mr Speaker. Deswit nou ava al regard sa, e mon ava demann mon *PS* avek *Road Transport Commissioner* pou al get sa *issue*. E si i annan bann Lalwa pou bezwen ganny *enforce* zot ava bezwen fer li. Mersi Mr Speaker.

MR SPEAKER

Mersi. Mon pou bezwen bouz lo lot kestyon 56 Onorab William.

HON WAVEN WILLIAM

Mersi Mr Speaker. Eski Minis pour Transpor i kapab donn en *statement* lo desizyon Gouvernman pou privatiz servis bis, eksplik Lasanble bann prosesis ki pour anmars ziska sa i pran lefe lannen prosenn? Mersi.

MR SPEAKER

Mersi Onorab. Wi Minis.

MINISTER ANTHONY DERJAQUES

Mersi Mr Speaker. Konsey Minis ti le 27 Avril 2022 aprouv ki aprouv ki servis transpor piblik i ganny liberalize.

Parey mon ti fer resorti avek piblik, sa liberalizasyon pou permet bann operator, bann *omni bus*, bann akter dan bann loperasyon bis antre dan sa sekter akote *SPTC*.

Pou sa proze kapab arive nou pou bezwen lo kote legal amann novo regilasyon, pou permet sekter prive donn en tel servis. Osi nou pou bezwen osi tir sa monopoli ki *SPTC* i annan atraver sa dekre, ki an fors ziska ozordi.

Lo kote loperasyon li menm pou bezwen annan en lorganizasyon parey en *Public Transport Council*, en Konsil Transpor Piblik ki pou regle sa aktivite. Sa Konsil pou osi

manage en fors bann kondisyon e regilasyon ki bann operator pou operate anba la.

Zot osi espekte pou etabli bann *schedule* ki bann bis pou fonksyonn anba la. E bann operator i espekte respe tel bann kondisyon.

An plis sa *Council* pou travay kotakot avek bann operator dan tou prosesis, enkli pri ki zot espekte sarz bann manm piblik.

Sa *Council* i espekte konmans fonksyonnen o moman ki Lalwa i ganny met an fors, apre sa nou pou lans en '*expression of interest* pour bann operator ki pou antre dan en tel servis.

Apre sa, sa *Council* avek konsiltasyon ki neseser pou determin dan ki fason e lo ki larout sa tel servis pou ganny met an plas.

An gro Mr Speaker, i enportan pou note ki sekter prive pou kapab partisip a plen dan transportasyon piblik. Pou napa larout rezerve zis pou *SPTC*.

Me selman i enportan pou piblik note ki *SPTC* pa pou fer monte pri tiket letan privatizasyon i arive.

Piblik i ava annan en swa lo ki metod transpor ki pou servi. Mersi Mr Speaker.

MR SPEAKER

Mersi. Onorab William ou siplemanter.

HON WAVEN WILLIAM

Mersi Mr Speaker. Mr Speaker mwan anvi demann minis par lefe in dir ki bezwen amann Lalwa, e i annan en Konsey pou ganny formen, mon anvi demann avek Minis nou pe koz lannen 2022 la, e eski 2023 kan 2023 aktyelman ki sa pou pran lefe?

E de lot kote lefe ki rezyon La Misere avek Barbarons *land bank* nou pe fas avek en problem transportasyon piblik ozordi.

Mon anvi demann avek Minis si son Minister pou konsider, letan i pe fer sa bann legzersis pou privatize, an relasyon avek bann lezot Lazans Gouvernman, par egzanp *MLUH*, kot i annan bann proze devlopman lakaz, si zot pou pran an kont tousala?

Pou fer sir ki letan zot privatize ki nou bann rezyon lo Mahe, Praslin, La Digue pa ganny afekte, ki bann dimoun i ganny sa servis swa pou prive swa avek Gouvernman, letan ki i permet pou zot kapab ganny sa servis?

E finalman Mr Speaker, Minis eski ou kapab dir nou si dan privatizasyon zot pou i pou

annan *redundancy* ki pou ganny fer?

E si wi si pou annan *redundancy* dir nou akoz ki serten dimoun in fini ganny let pour *redundancy*, me nou pe pran travay etranze pou vin travay kot *SPTC*.

MR SPEAKER

Mersi Onorab. Minis.

MINISTER DERJAQUES

Mersi Mr Speaker. Ler *Cabinet* ti aprouv sa *concept* sa papye nou ti fer en *press conference*. Mon ti ganny demande sa kestyon kan mon krwar ki sa proze pou ganny lanse? E mon ti dir dan lannen prosenn - savedir 2023.

Sa i enn, ki bann operator ouswa okenn dimoun ki enterese konmans prepar li, e konmans konnen ki zot bezwen konmans met en proze, akoz *eventually* lannen prosenn zot pou bezwen prezant zot proze sa nouveau *Council*.

2) Nou pou bezwen amann Lalwa an sa ki konsern *SPTC* pou nou retir sa monopoli.

3) Nou pou bezwen anmenn en nouveau Lalwa e prezant li devan Lasanble apre konsiltasyon avek piblik, pou nou kree sa nouveau

lorganizasyon e sa lorganizasyon i pou bezwen kree bann kondisyon pou zot kapab *manage* e *operate* ansanm kotakot - sa *public* sa *Private Public Transport system*.

Mr Speaker i pa kapab en keksoz e en travay ki pou kapab ganny fer deswit, pei in abitye avek *public transport system* pou apepre 40an e nou pe lans dan en nouveau direksyon ki pou annan en lenpak mazer lo sosyete.

An sa ki konsern bann landrwa ek bann *roots* savedir kestyon nimero 2 avek 3 *SPTC* in fini, nou Polisi se *SPTC* i la pou donnen garanti ki tou bann landrwa espesyalman bann *population dense areas* pou kontinyen ganny kouver.

SPTC pou fer sir ki i annan en servis ki abordab ki rezonnab e ki tous tou bann kwen Sesel parey pe arive.

Nou anvizaze ki *SPTC* pou sanze pou transformen, kekfwa i pou vin bokou pli *lean*.

Solman an sa i rezonnab, akoz kotakot prezan pou annan en servis prive, si bann operator prive i pran sa sans e lans zot dan sa nouveau biznes.

Mon krwar ki zot pou kouver osi tou bann landrwa neseser zot pou donn en servis ki bon e pep Seselwa i ava annan en swa, ant servis piblik

avek servis prive. Mon krwar e mon asire ki bann *population hotspot* bann *dense areas* pou bann larout ki pli vyab dan sans komersyal, e zot pou ganny sa servis.

Kekfwa bann landrwa ki tre lwen kot i annan mwens dimoun zot kekfwa pou annan en pti pe presyon lo zot ki servis i riske pa ariv kot zot.

Solman nou pou bezwen fer sir ki *SPTC* i kontinyen e i rann sa servis dan tou kwen Sesel.

SPTC in pas dan bann *infrastructure*, dan bann *structural change* e in sanz son striktir finans par egzanz bann pri tiket, in anmenn bann novo servis, e preznan i pe regard dan bann *areas* kot i annan bokou plis travayer ki neseser.

I annan bann *redundancies* ki bann aplikasyon in ganny fer e i annan bann ka devan *employment*.

Solman an menm tan mon oule fer note e sa i dan bann landrwa kot sa *mManagement* ek *Board* i santi ki bann travayer i devret ganny *rotated ouswa rotated out*.

Bann landrwa kot pe ganny *recruit* bann etranze parey bann drayver, i bann

landrwa kot nou pa ganny ase Seselwa.

E sa i pas dan bann *checks* kot *Employment* e zot bezwen fer bann aplikasyon parey nenport endividé *SPTC* i egal anba Lalwa parey nenport.

E li osi ler i *recruit* i bezwen pas dan bann prosedir pou li ganny *GOP*.

Napa sa *bias* akoz i en antite Gouvernman alor sa ki demande i ganny otomatikman.

Alor bann travayer ki i annan enn de fer *redundant* zot annan proteksyon legal apre tou fason parey Minis Lanplwa in dir, nou annan aepre 500 aplikasyon pour bann travay Sesel, solman nou annan 5400 bann pos ki pa ankor ganny ranpli.

Alor nou dan en pozisyon isi Sesel kot i favorab, e si en dimoun vreman pa neseser ki annan 5 travayer dan en seksyon me i devret annan 4. Sa enn travay i pou ganny en lot lanplwa. Mersi Mr Speaker.

MR SPEAKER

Mersi. Silvouple Onorab fer ou klarifikasyon.

HON WAVEN WILLIAM

Mr Speaker mon anvi demann avek Minis lo son dernyen larepons ki'n donnен.

Minis eskize pandan sa moman difisil la, e mon konnen poudir parmi sa bann travayer en kenzenn zot pe ganny fer *redundant*, zot annan leksperyans.

E mon ti ava demann ou, si ou Minister ouswa departman SPTC i ava revwar en pti pe sa desizyon sirtou la kot i pa tro fasil.

Letan nou'n ganny sa leksperyans sa landrwa e prezan ou pe vwar poudir ou pe fer ratre travayer etranze kot *the retraining inside* mon mazinen ti kapab ganny rekonsidere.

So mon ava demann ou Minister pou konsider sa pozisyon silvouple. Mersi.

MR SPEAKER

Mersi. Minis ou ava note.

MINISTER

ANTONY DERJAQUES

Yes Mr Speaker.

MR SPEAKER

Mersi ok. Mon ava kontinyen avek siplemanter Onorab Pillay.

HON SEBASTIEN PILLAY

Mersi Mr Speaker. mon premye kestyion i prenon kont ki ou pe dir SPTC pou kontinyen ofer son servis.

Eski Gouvernman pou kontinyen *subsidize SPTC*? E alor fer kou pour SPTC fer sa servis vin pli affordab, konparab avek en operator prive ki pou antre dan sa sekter ki li son kou i reste pli o e *therefore* son pri i reste pli o.

Ou pa pe dir nou vreman ki mannyer sa pou afekte pri servis bis, sa nou ti ava kontan konnen.

Dezyenmman an relasyon avek *redundancy*, eski i korek ki Departman Lanplwa e fer en lenvestigasyon lo sa bann *redundancy* ki SPTC in fer?

E eski i korek ki an relasyon avek sa bann *redundancy* ki fer sa bann dimoun pa pe ganny *rotated* dan en novo pozisyon, me zot pe ganny met deor dan zot landrwa travay dan en letan kot sityasyon ekonomik i difisil.

E i annan menm parmi sa bann dimoun ki annan sa bann kondisyon medikal e ki SPTC pa pe ekout sa bann travayer an relasyon avek sa *redundancy* ki'n ganny fer?

E lo en pwennvi pli baz, ler sa servis i ganny liberalize, ki pou arive avek bann travayer SPTC, eski Gouvernman in mazin lo lafason pou re-abzorb oubyen re ofer sa bann travayer en lot landrwa travay?

Mon ti ava kontan ganny en leklersisman lo sa bann kestyon. Mersi Mr Speaker.

MR SPEAKER

Mersi. Minis ekliersi silvouple.

MINISTER **ANTONY** **DERJAQUES**

Mersi Mr Speaker. Mr Speaker sa transformasyon SPTC se akoz e papye ti ganny prezante e nou ti fer kler ki SPTC pa kapab kontinyen ki nou pe pran larzan tax nou pe pey de milyon de dizenn de milyon sak lannen avek en lantrepriz san anmenn sanzman pou fer sir nou kapab annan transportasyon piblik ki efikas rezonnab e kot i pa afekte pri a en fason ki pa rezonnab.

Nou'n sanz SPTC son finans, e prezan i annan bann *restructuring* ki pe kontinyen arrive avek SPTC.

Nou bezwen arriv en staz dan servis piblik - transportasyon piblik kot nou moderniz sa ki nou annan nou donn alternativ Seselwa; nou anmenn plis konfor e sa nou espekte avek en servis prive.

An sa ki konsern *subsidise* parey dan *press conference* mon ti dir ki mon krwar ki ler sekter prive i antre an konpetisyon avek SPTC,

SPTC pou bezwen *adjust*. I pou bezwen koup son bann depans kot i egzorbitan, e nou respekte ki Gouvernman pa pou bezwen donn SPTC larzan *tax* ki sorti kot nou tou R50milyon par ran.

Savedir sa *subsidy* nou espekte pou redwir pou koupe. Nou pa pe dir pou koup net, solman i pou bezwen redwir. Nou *target* se redwir. *Subsidise* pou bann lakonpannyen parey.

An sa ki konsern bann *redundancies*, i form parti sa *restructuring*. Parey enn de bann lantrepriz - parey zot tou ti ganny prezante devan zot, bann *concept* par egzanp lo *Air Seychelles*, ti annan *voluntary redundancies* apre ti annan bann *redundancies* ti arive devan *employment*.

E ti annan bokou travayer ki ti pran *redundancies*. Par egzanp ti annan 112, 98 ti pran - bann lantrepriz ki pou de lannen de lannen ti pe mars dan en fason ki pa efikas, nou bezwen transform zot. Nou bezwen fer zot efikas.

Nou bezwen anmenn en *business sense* parey Prezidan in dir *operate* Gouvernman parey en biznes.

An sa ki konsern zot travay sa bann dimoun, zot pou ganny ede tou sa ki nou kapab fer, pou fer zot ganny en lot travay.

Minis fek dir avek Lasanble detrwa semenn pase, ki i annan plis ki 5400 plas travay e i annan zis aepre 540 dimoun ki'n anrezistre konman pa travay.

E tou lazournen i annan bann etranze ki antre akoz zot bezwen antre, akoz i mank travayer isi Sesel dan serten sekter, kot nou pa ganny neseserman ase Seselwa.

Alor nou pou ede, nou pou gard sa ki nou kapab, nou pou *redeploy* sa ki nou kapab anndan e bann ki vreman kan nou ariv devan *employment*, *employment* li osi i en *check and balance* i regard tousala avan i aprouve.

Alor i pa zis SPTC i vini i fer *redundant*. I bezwen pas atraver en Minister. Sa Minister i get dan en fason obzektif ki si strikteman neseser ki sa travayer i ganny fer *redundant*.

Alor Mr Speaker, nou pou fer bann keksoz ki neseser ler i vreman neseser, avek bi pou ed sa lorganizasyon pou *fulfill* bann lobze ki pep Seselwa i bezwen - dan sa ka SPTC ki pli modern, pli efikas, ki i annan en pli bon *schedule*, ki i pa bezwen ganny *subsidize* pour en kantite de dizenn de milyon.

E an menm tan nou konsyan ki dan sa bann letan ki

dir Seselwa i bezwen kontinyen ganny en travay, e nou pou fer tou pour bann ki pas dan sa sistenm e ki pa ganny garde e ganny en lot lanplwa.

Mr Speaker avek liberalizasyon, nou espekte ki pou annan konpetisyon. Nou espekte ki SPTC pou vin bokou pli efikas, bokou pli *lean* e pou annan sa mouvman kot pou annan serten ki pou kite dan SPTC pou al dan sekter prive.

Si bann drayver ek bann nouvo operater bann nouvo *omnibus* ki'n reorganiz zot pou fer sa latas, zot vwar ki zot pou ganny byen peye, zot pou travay bokou pli dan en fason pli efikas, zot pli kontan travay dan prive, zot pou sorti kot SPTC zot pou al travay laba.

Nou espekte sa. Lavi i toulstan anmenn sanzman e avek sa bann sanzman pou annan mouvman. Mersi Mr Speaker.

MR SPEAKER

Mersi. Onorab Pillay zis klarifikasyon silvouple. Mon annan plizyer Manm ki pe espere. Mersi.

HON SEBASTIEN PILLAY

Mersi Mr Speaker. Mr Speaker mon ti ava kontan met lo rikord ki an relasyon avek sa *redundancy*, eski Lasanble i

kapab ganny tou lenformasyon lo bann prosedir ki'n ganny swiv pou fer sa *redundancy* pou sa bann travayer SPTC, e si sa *redundancy* i an akor avek Lalwa?

E eski Minis i kapab klarifye prenon kont lefe ki SPTC i anvi *outsource* son *maintenance service*, eski sa ou pe sey dir mon pou anmenn plis *saving* pour SPTC ler ou pou *outsource maintenance* e pa fer li *in House*?

Mon pa pe tro ganny en konpran.

Me selman Mr Speaker mon pou ensiste ki Lasamble i ganny detay en lenformasyon lo sa bann *redundancies* ki pe ganny fer dan SPTC. Mersi Mr Speaker.

MR SPEAKER

Mersi. Minis eski detay i kapab *available*? E apre *outsource maintenance*.

MINISTER DERJAQUES

Mr Speaker bann aplikasyon ek bann prosedir devan Minister Lanlwa e zot, zot annan tou zot zisediksyon anba *Employment Act*. E mon pa kapab antre dan en lot Minister e retir bann dokiman kot en Minister. Sa Minister

son Minis i kapab ganny demande son *PS* bann kestyon.

E sa bann ka i ankor *life-savedir* i ankor *subjudice* e i pa permet mwan pou al antre laba.

Mr Speaker an sa ki konsern *outsourcing*, sa i en keksoz ki SPTC i annan son liberte. Mon asire zot in fer zot analiz, zot konsyan ki Minister i donn bann *policy guidelines* e zot konman bann operator, zot rod fason pou travay e fer zot travay dan en fason bokou pli efikas, dan en fason ki fer *commercial sense*.

E akoz zot pe *outsource*, mon asire zot annan zot rezon. Mersi Mr Speaker. E la pou lemoman mon napa sa bann detay. Mersi.

MR SPEAKER

Mersi.

HON SEBASTIEN PILLAY

(Off-Mic)

MR SPEAKER

Onorab Pillay. Minis in donn ou repons lo ou kestyon. Ki *point of order* ki pa pe ganny swiv?

HON SEBASTIEN PILLAY

Mr Speaker. *Order 31* an sa ki konsern kestyon i dir nou bezwen *press the Minister for action* e rod lenformasyon.

Minis i sipoze annan responsabilite portfolyo pour SPTC. SPTC ki'n inisyé sa *redundancy*.

Mon pa konnen akoz ki sak fwa sa Minis partikilye i vin dan Lasanble, i difisil pou nou kapab ganny lenformasyon avek li *as if* i annan en keksoz ki pe ganny kasyet !

Mon demande e mon egzize ki SPTC i fer nou ganny bann dokiman ki zot in inisyé *redundancy* pou sa bann travayer e lo baz ki zot in inisyé *redundancy* sa bann travayer. E nou ava fer lot prosedir avek Minister Lanplwa.

Mon'n kler dan mon *request* e mon pa konnen akoz konman Speaker ou pe aksepte sa lesplikasyon. *Subjudice* Mr Speaker, fodre keksoz i devan en lord *enforcement agency* ouswa i Ankour. Napa nanryen ki *subjudice*.

MR SPEAKER

Mersi Onorab ou'n fer-

HON SEBASTIEN PILLAY

Aret sey anbet nou latet Mr Speaker!

MR SPEAKER

Ou'n fer ou pwen. Minis ou ava fer regarde si dapre regilasyon sa bann dokiman i kapab ganny *release* avek

Lasanble. E si ou vwar poudir ou kapab ou ava fer nou ganny li silvouple. Si non ou ava les nou konn plis nou ava regard sa pli byen.

Onorab Mondon ou kestyon.

HON TERENCE MONDON

Mersi Mr Speaker. Bonzour Minis avek ou lekip.

Minis ou'n koz lo restriktirasyon SPTC. E mon konnen zot osi pe mazin revwar zot servis lo nivo rezyonal. Eski ou kapab konfirmen si sa i en desizyon ki'n fini ganny fer ki bann servis kapab vin lo nivo rezyonal.

Akoz nou get servis Takamaka par egzanp lo larout L'Intendance zot pe redwir frekans e zot pe donn en *shuttle* servis dan bann *off peak hours*.

Eski sa i form parti sa travay pou anmenn sa servis operator prive?

E mon dezyenm kestyon i tous sa laspe pri zisteman, eski bann operator deza zot pe mazinen ki bann operator pou annan fleksibilite lo zot pri, e swa i pou ganny *regulate* tou bann pri, me selman avek serten fleksibilite apre diskisyon avek bann operator servis prive? Mersi Mr Speaker.

MR SPEAKER

Mersi Onorab. Minis
repons.

MINISTER **ANTONY**
DERJAQUES

Mr Speaker mon ava tous lo sa dernyen pwen e PS Andre i ava tous lo sa posibilite lo reorganizasyon dan en fason rezonnab.

Mr Speaker, sa novo *Council* ki pou ganny etabli anba Lalwa, li i pou *regulate* ki mannyer sa *private* - sa prive sa transportasyon prive pou marse.

Nou etabli bann polisi nou pou ankadre bann polisi dan en Lalwa, nou pou donn zot sa pouvwar pou zot *regulate*. Nou pa anvi a sa moman la ler nou pe mazin an 2023 ki nou pou konsilte, nou pou get bann proze. Nou pou fer bann *feasibility study*.

E an menm tan sa bann operator zot, zot pou get zot kou zot pou gete ki mannyer pou reorganiz zot, zot pou gete kote zot pou ganny zot Kapital konbyen bis, kote zot pou baze, ki bann larout ki zot enterese avek, pou met okenn kondisyon lo zot.

Nou konnen ki si nou dir zot ou pou bezwen vann tiket parey SPTC R10, R15 *aircorn* i pa rezonnab.

E nou konnen i nou dir zot ki zot pou bezwen al en serten pri i *still* pa rezonnab.

Mon ti ava prefere ki ;-
1), nou etabli sa *Council*.
2) nou zis kree polisi.

3) nou les zot koz ek sa bann operator e gete ki mannyer sa pou bouz devan.

Mon konsyan pou sarz tro boko,u personn pa pou pran ou bis.

Pou lemoman nou konnen ki i annan bann operator pe donn pasaz plis pe *operate* sorti anvil pe al Bel Ombre e piblik pe pey R25.

Nou konnen i annan bann *omnibus* ki pe fer *unofficially* bann menm servis pou sorti anvil pou al North East Point ouswa *vice versa* pou tourn anvil sorti laba e i R25.

Nou pa espekte ki en sel kou en Seselwa pou al pey R75 ouswa R50 pou li pran en bis dan en *seat* prive.

Alor tousala pou ganny *manage*. Apre sa 1an ki nou pou konnen e mon ti ava prefere ki bann dimoun i fer sa *study*. Zot koz avek sa bann manm piblik, zot koz avek bann operator e la nou ava reponn sa kestyon pli tar.

Solman SPTC li i pou kontinyen mentenir son *schedule*, i pou donn son servis e nou pa pe sanz tiket bis ni sa

lannen ni lannen prosenn.
Mersi.

MR SPEAKER

Mersi. PS ti pou adres en kestyon pou adres en kestyon.

PS PATRICK ANDRE

Mersi Mr Speaker. Pou premye kestyon pou Onorab se ki sa *regional service* ki pe fer mansyon lo la.

I annan en pe letan pase kot zot ti pe revwar bann fonksyon ki mannyer SPTC pou *operate*, pou fer sir ki nou kapab vin pli efikas dan lafason ki keksoz i ganny fer.

E dan sa *process* nou ti get plizyer bann kalite opsyon pou nou kapab anmenn devan, pou SPTC kapab konsidere.

So nou'n annan bann konsiltasyon ki'n pran plas avek zot. Me an vi avek sa novo sanzman ki'n annan la, pou lemoman okenn novo servis bis in ganny *put on-hold* ziska ler nou ava kapab etabli egzakteman kwa ki nou anvi e kwa ki pou pli apropriye pou nou kapab rann sa servis.

Me parey ki'n ganny fer resorti, nou pou kontinyen avek servis parey ki i ete e ogmant ki li kot i annan nesesite, kot i annan bann *increase*, parey si i annan en novo *housing estate* ki'n ganny kree dan en landrwa.

Nou pou an diskisyon avek SPTC pou fer sir ki sa bann landrwa i kontinyen ganny kouver ziska ler sa *process* ki nou'n pe rantre ladan i ganny finalize. E apre nou ava revwar dan son totalite ki mannyer nou kapab pli byen *manage* servis transpor piblik. Mersi.

MR SPEAKER

Mersi PS. Mon regrete mon napa letan pou lot siplemanter. Mon ava pas lo kestyon 57 Onorab Churchill Gill.

HON CHURCHILL GILL

Mersi Mr Speaker. bonzour Minis ek ou delegasyon. Kestyon i lir koumsa ;

Eski Minis i kapab enform Lasanble ki zistans travay lo novo stasyon pou teste transpor lo Zil Eve in arrive?

Kan ki travay i ekspekte konplete?

Kwa ki pe koz sa bann retar lo sa proze? Mersi.

MR SPEAKER

Mersi. Minis ou respons *please*.

MINISTER DERJAQUES

ANTONY

Mr Speaker, depi lannen pase nou'n fini ganny laprouvasyon *Planning* pou sa proze e osi en Bidze.

Apre ki nou ti ganny kou nou proze, nou ti vvar li tro o e nou pa pou kapab konplet li avek larzan ki nou ti annan.

Alor nou ti deside pou nou re-modifye sa plan, pou ki nou kapab redwir son kou.

Sa in fini ganny fer e nou'n re-soumet nou plan ki'n ganny modifye avek Lotorite Plan pou zot laprouvasyon.

Nou enzenyer in osi an menm tan pe travay lo *design* pou fer bann plan feray. Nou espekte ki *tender* pou sa proze i lanse byento, e travay i espekte pran 9 mwan pou konplete.

Nou osi pe fer tou le neseser pou ganny bann lekipman pou met dan sa stasyon kan i konplete. Mersi Mr Speaker.

MR SPEAKER

Wi, mersi Minis. Onorab Gill ou siplemanter.

HON CHURCHILL GILL

Mersi Mr Speaker. Vi ki Minis dan son larepons in dir ki depi lannen zot ti'n fini premye plan zot in bezwen refer akoz Bidze ti tro bokou.

Eski dan sa Bidze ki i pe koz lo la, la ki plan pe ganny

refer dan sa Bidze, i enkli sa bann lekipman ki pou ganny servi ladan, oubyen sa i espekte pou rode dan Bidze lannen prosenn?

E dezyenm kestyon se eski ler sa stasyon pre pou fini Minis ou Minister, pe mazin *recruit* dimoun ki pou travay lo sa stasyon Praslin? E sa i ganny fer avan stasyon i fini, pou ki sa bann dimoun ava kapab ganny *train* Mahe e ler stasyon i fini zot ava kapab pran zot responsabilite? Mersi.

MR SPEAKER

Mersi Onorab. Minis.

MINISTER

ANTONY

DERJAQUES

Mr Speaker, avek sa ki nou annan pou fer sa stasyon, nou krwar nou kapab fer en bon travay.

Solman lo son lekipman i annan en *Mid-year Review* e byento nou pou plas devan Minister Finans e nou *hope* ki ler stasyon i konplete e nou'n dir pou pran 9 mwan, sa finans pou sa lekipman li osi i ava'n ganny garanti. Solman nou pou konmans avek sa dan sa *Mid-year Review juin, juillet*.

An sa ki konsern *recruit* Praslin, i en bon nide. Akoz i ava mwens kou pour bann ki pou sa stasyon ki dimoun ki

reste Praslin li menm li i ava ganny *train*, e i ava regarde ki mannyer pou *run* sa stasyon.

I en bon nide akoz a sa moman la sak fwa nou bezwen ouver sa stasyon tanporer Praslin, annefe travayer i sorti Mahe.

Alor nou bezwen fer fason pare pou La Digue osi, ki bann Digwa bann Pralinwa ki enterese i ganny *recruit*, i ganny idantifye e donn bann *training* antisipasyon ki sa stasyon dan 9 mwan i ouver. Mersi.

MR SPEAKER

Mersi klarifikasiyon Onorab vitman *please*.

HON CHURCHILL GILL

Wi Minis vi ki ou'n dir ki Bidze ti tro bokou pou sa ki zot ti pe planifye fer, eski ou kapab dir nou la, lekel keksoz ki ti dan sa plan orizinal, ki prezan i pa pou afekte vi ki in ganny redwir konpare avek plan orizinal? Mersi.

MR SPEAKER

Mersi. Minis ou ava reponn sa *please* vitman?

MINISTER ANTHONY DERJAQUES

Mr Speaker, mon'n dir e mon dir ki sa kou sa proze ti tro, pa ki Bidze ti an plis ki sa

premye proze. Nou ti bezwen fer proze pli ptipti – wi -pou *fit* dan sa ki nou'n ganny *allocate* pa *vice versa*.

MR SPEAKER

Wi eski i annan servis ki pou ganny koupe Minis eski ou kapab zis dir sa pou nou ava kapab bouze.

MINISTER ANTHONY DERJAQUES

Alor napa okenn servis. Sa proze i konplete manyer i ti ete avan e ki mannyer i ete la.

I still sa menm servis. Solman sa striktir i PS i dan Manm *Board Planning*.

Si oule en keksoz en pti pe pli detay kekfwa PS i kapab *deliberate*. Si Mr Speaker i annan plis letan.

MR SPEAKER

PS si ou kapab zis donn en detay vitman - mon bezwen bouz lo lot kestyon.

PS PATRICK ANDRE

Mersi Mr Speaker. Bon sa rediksyon i plito dan son *design* ki i pe ganny fer. Oparavan an vi sityasyon nivo delo lo sa landrwa, nou ti bezwen pe lev sa stasyon apepre 1.5 met oter.

Me avek bann nouveau *design* ki nou enzenyer pe *design*, nou'n redwir sa bokou

sibstansyel ki i apepre 600 a 700 par lao nivo later ki i annan ozordi.

So sa kantite konstriksyon ki nou ti pou gannyen dan materyo pour *field*, i redwir en kantite.

Lot kote osi se nou pe servi bann *steel columns instead of concrete* e tousala pe redwir kou. E akoz sa nou pe enport li direk apre zis met li an plas fikse konpare avek konkret ki nou ti pou servi dan lepase.

E sa i fer sa rediksyon sibstansyel ki nou pe gannyen la. Mersi Mr Speaker.

MR SPEAKER

Mersi PS nou a pran kestyon Onorab Woodcock.

HON WAVEL WOODCOCK

Minis sa proze *vehicle testing station* i en proze ki ti sipoze konplete depi 2018 anba ansyen Gouvernman.

Dan Bidze sa lannen anba proze kapital anba *Road Transport Commission, local financing* i annan en sonm R13.05 milyon ki ti'n zot in *estimate* kou total sa proze.

I ti annan en alokasyon R8 milyon e i annan en alokasyon R8milyon pour sa proze sa lannen e R5.05 milyon pour 2023 ki pou anmenn kou total sa proze R13.05milyon.

La zot in dir nou zot pe koup en pe lo kou sa proze. Mon ti ava kontan ki Minis i dir nou apepre konbyen ki zot anvizaze la ki sa proze prezan pou koute?

E mon dezyenm kestyon vi ki ou'n dir sa proze pou fini dan 9 mwan, kan ki zot pe espere sa proze i demare e son *timeframe* pour sa proze i konplete? Mersi bokou.

MR SPEAKER

Mersi. Minis PS ou reponn wi PS.

PS PATRICK ANDRE

Mersi Mr Speaker. Inisyalman kou sa proze ti pou R13milyon letan ti'n ganny bann kotasyon ki nou ti'n gannyen. Ok?

E la avek nouveau *revised BOQ* i pe tonm apepre R10 milyon.

E parey i n ganny fer resorti, plan i dan lanmen Lotorite Plan ki by sa semenn ki vini pou ganny aprouve, tou bann lezot travay ki i bezwen *tender document* ensidswit pe ganny travay lo la, ki an Zen trwazyenm semenn Zen sa pou ganny *tender out* pour bann dimoun *anybody* ki kapab pran par dan sa *tender*.

E apartir Zen *then* i pou pran 9 mwan apre ki nou'n fer

tou prosedir *tender* ensidswit, pou konplet sa proze li menm li. Mersi Mr Speaker.

MR SPEAKER

Mersi. Bon nou a bouz lo kestyon swivan. Wi ankor Onorab Churchill Gill.

HON CHURCHILL GILL

Mersi Mr Speaker. Kestyon i lir koumsa;

Vi ki travay lo lenfrastriktir novo lasose pe demare, eski Minis i kapab donn lesplikasyon lo ki pou ganny fer lo semen larantre pou asire ki aksidan i ganny minimize?

Ki kalite travay ki ou Minister i espekte fer pou asire ki trafik i sirkil byen san ki i koz okenn lenkonvenyans ki pa neseser? Mersi.

MR SPEAKER

Mersi Onorab. Minis.

MINISTER DERJAQUES

Mr Speaker, Mr Speaker Vandredi pase Prezidan ansanm avek en gran delegasyon ki ti enkli Onorab Gill, Onorab Woodcock, Onorab Porice, e *liaison officer* Mr Vincent Cedras e bann lot envite ek Minis ti vizit proze lasose e i ti osi regard semen.

Parey Onorab in sirman apresye diferan sizesyon in ganny met devan, vi lanpler sa devlopman ki nou pe anvizaze fer.

A sa moman nou kapab senpleman dir ki tou bann sizesyon pe ganny pran konsiderasyon e byento nou pou bezwen zwenn avek zabitant Praslin pou nou tenir en konversasyon lo tou laspe sa proze, ki ava osi enkli sa krwaze semen. Mersi Mr Speaker. f

MR SPEAKER

Siplementer Onorab Gill.

HON CHURCHILL GILL

Mersi Mr Speaker. Minis eski dan plan ou Minister pou met *street light* dan tou landrwaneser obor e dan sa novo gropozisyon ki pou ganny diskite avek Pralinwa, pou asire ki ler proze i konplete, semen osi i klere pou asir sekirite bann pyeton? Mersi.

MR SPEAKER

Mersi. Minis repons.

MINISTER DERJAQUES

Mr Speaker sa i en bon sizesyon e dan sa rankont Vandredi ki Onorab ti osi la e i ti prezant, li osi i ti met bann sizesyon.

Ti annan bann sizesyon ki ti sorti partou. PS Andre ti annan bann plan dan son lanmen ti montre nou ki son bann plan ek *drawings* sa *roundabout* tou bann detay. Prezidan in donn son bann pwennvi.

Nou tou nou'n partisipe e prezan nou bezwen tourn ankor an ver piblik Praslin fer en *meeting* piblik, ler prezan nou'n met tou sa bann sizesyon ansanm ki mon espekte ki PSek son enzenyer pe travay lo la. E sa i ava osi enkli propozisyon pour *streetlights*, akoz nou vwar ki pou annan en kantite devlopman la.

Annefe son vizyon se la i pou vin en novo sant Baie Sainte Anne Praslin parey ou ti tande tou bann demars ki pe ganny fer.

Par egzanp propozisyon e konsep pour *marina*, propozisyon pou en sant komersyal lanmenm la pre. Propozisyon pou agrandi semen pou annan 3 novo striktir semen pou *join* en *roundabout* ek lot.

Tousala i sa konsep ki from the very top kot Prezidan Minister, DA MNA ti la tou MNA ti la.

E prezan Departman SLTA pou met sa ansanm e apre nou

pou al dan plis konsiltasyon ankor.

Alor wi bann sizesyon pou *streetlight* ti ganny enkli dan sa bann rankont - dan sa bann sizesyon. Mersi Mr Speaker.

MR SPEAKER

Mersi. Onorab Woodcock ou ti'n lev lanmen mon pa'n tro konpran. Wi ou kestyon.

HON WAVEL WOODCOCK

Mersi Minis. Mon kestyon i annefe les mon konmanse par remersye ou Minis avek ou Prezidan pou zot vizit ki zot in fer Praslin, regardant sa proze enkli semen, *roundabout* kot sa *passenger terminal* pour *Inter Island Ferries* pe ganny fer.

Mon kestyon i ou'n dir poudir byento ou pe mazin annan en *meeting* konsiltativ avek manm piblik, mon ti ava kontan konnen kan zot pe anvizaze fer sa piblik, akoz lentere piblik i ase leve la deor.

E osi kot i konsern sa bann PPPs, eski kan zot pe espekte petet en *expression of interest* i ganny mete pour bann dimoun ki enterese pou antre ladan, ouswa fer serten lenvestisman lo sa propriete ki enkli lo obor sa *roundabout*? Mersi Mr Speaker.

MR SPEAKER

Mersi. Minis repons.

MINISTER **ANTONY**
DERJAQUES

Mr Speaker, ti annan en konsiltan ki ti vin avek nou. E ou konn li byen, akoz mon ti vwar ou pe koz avek li en bon pe. Ou pe rod bann konsiltasyon pou Grand Anse ou espekte. Li i bezwen son par. Por i bezwen fer pou li, SLTA i bezwen fer pou li.

Ler tousala i ganny met ansanm e Prezidan i dir fodre nou travay dan en fason vit, efikas, la i sa moman ler nou'n satisfe ki sa konsep in vin en plan ki pli definitiv, ki nou kapab met devan piblik pou nou rod plis lide avek zot si pou amande, si pou grandi si pou fer li pli sere, la ki nou pou kapab anonse. E nou pou fer sir ki parey oparavan ler nou vin Praslin nou fer bann *meeting* piblik, nou pou fer li.

Mon pa kapab donn ou en dele letan. Mon kapab dir ou ki i annan bann travay serye i ganny fer e sa i avek gidans bann Prezidan ek bann Minister ek bann CEO. Mersi Mr Speaker.

MR SPEAKER

Mersi Minis. Bon prezan mon annan de Kestyon *Without Notice* ki mon ava pran mon

krwar letan i ava permet nou donn en siplemanter loter kestyon, mon pa pou kapab pran siplemanter lezot Manm pou nou kapab avanse.

Premye Kestyon *Without Notice* i Onorab Churchill Gill.

HON CHURCHILL GILL

Mersi Mr Speaker. Minis parey ou'n dir ki konsiltasyon piblik pou pran en pe letan pa ankor desid dat, alors kestyon i lir koumsa;

Pou benefis zabitant Praslin espesyalman zabitant Baie Sainte Anne, eski Minis i kapab donn plis lesplikasyon lo lokasyon egzakt sa novo *marina* Baie Sainte Anne? Ki pou arive avek bann dimoun ki deza annan later pe lwe pou zot met zot bato lwazir? Ki kantite bato pou anvizaze annan dan sa *marina* e ki kategori? Mersi.

MR SPEAKER

Mersi Onorab.

MINISTER **ANTONY**
DERJAQUES

Mr Speaker mon vreman sirprann an vi ki bann larepons ki nou pe donne, an vi ki Onorab Gill ti la osi Vandredi ansanm avek Onorab Woodcock, Onorab Porice, *liaison officer* e zot ti form parti sa delegasyon zot ti ganny

envite ek Prezidan Ramkalawan letan i ti vizit Praslin Vandredi, pli spesifikman kot novo terminal kot Baie Sainte Anne obor Ile Eve, i pe demann en kestyon ki spesifik. Kan Onorab i devret konnen ki ler nou ti diskite, nou ti pe diskit bann konsep pour sa pti zil.

Prezidan a plizyer fwa i dir ki sa i en dezir, i en konsep e i ti donn son vizyon.

E nou ti partisip ladan e nou ti prezant nou vizyon osi.

E Prezidan ti sirtou dir ki nou pou bezwen pas atraver ankor konsiltasyon avek bann zabitan. E sa ki nou ti fer nou pe lans bann nide pou devlopman sa landrwa.

Prezidan ti osi fer rapel e tou bann *businessmen* Praslin e rankont ansanm e rod en fason pou zot ede dan devlopman sa landrwa.

Alor ki nou pe fer nou'n vizit Praslin, nou'n envit e nou pe rod konsiltasyon, nou pe rod bann lide e nou vin avek bann propozisyon ki neseserman bann konsep.

Sa pa permet mwan Mr Speaker a sa moman egzakt pou donn detay ki dan sa bann kestyon. Par egzanp egzakteman ki size sa bann bato ? Ki pou arive avek sa bann akter, bann operator ki

deza la kot *passenger terminal* e ki kantite bato pou ganny servi?

Mr Speaker pou lemoman ti ava prefere pou nou atann ziska ler sa bann konsep i vin bokou pli definitiv, e kan ki nou'n fini fer sa bann konsiltasyon avek bann piblik Praslin e piblik an zeneral. Mersi.

MR SPEAKER

Mersi. Onorab Gill ou ava apresye ki repons Minis i endike ki nou ava annan lezot lokazyon pou lev kestyon lo detay, me selman si ou annan klarifikasiyon lo kestyon orizinal, nou ava fer li *please*.

HON CHURCHILL GILL

Minis mersi pou ou larepons. Zis mon ava *remind* ou poudir premye lenformasyon ki ti sorti konmkwa pe al annan en *marina* ti sorti kot ou Minister.

Se koumsa ki nou nou'n konnen poudir i annan sa plan, e vizit in ganny fer Vandredi. Kestyon pa'n mete Vandredi. Kestyon tou bann kestyon ki ou'n vin reponn la ki relye an parti avek vizit ti'n fini ganny table avan ki nou, nou ganny enformen ki pou annan vizit.

So alors pou dir mwan ki mon ti la i pa apropriye akoz

kestyon ti'n fini ganny mete avan vizit.

E zafer *marina* ou menm ou koman Minis pou Transpor ki ti premye fwa mansyonn sa ofisyelman konmkwa pou annan sa ki pou ganny fer Baie Sainte Anne. Mersi Mr Speaker.

MR SPEAKER

Mersi. Minis si ou tenir lo ou lesplikasyon ki sa i pe konmanse e ki pou annan lot letap kot Lasanble i kapab lev kestyon, nou ava zis fer sa.

MINISTER **ANTONY** **DERJAQUES**

Mr Speaker mon anvi fer pwen sorti.

MR SPEAKER

Sorry mon pa pran lot kestyon lo la. Mon ava pas lo kestyon Onorab Conrad Gabriel.

Minis ou ti anvi *sorry* mon'n vwar ou lev lanmen ou ti anvi zis fer en komanter lo pwen Onorab Gill. Yes ok.

MINISTER **ANTONY** **DERJAQUES**

Sa de kestyon sa enn Onorab Gill ek sa enn la in ganny anvoye yer apre midi in ganny anvoye le 23 atraver Lasanble.

Alor mon sanmenm mon'n dir ki sa de kestyon mon'n resevwar Lendi.

MR SPEAKER

Yes.

MINISTER **ANTONY** **DERJAQUES**

Mon pa'n resevwar li avan.

MR SPEAKER

Nou'n aksepte sa nou ava kontinyen Onorab Gabriel ou kestyon.

(Interruption)

MR SPEAKER

Silvouple bann Manm, bann Manm nou'n rezourd kestyon ki'n ganny demande. I annan en diferans ant pwennvi Onorab Gill e pwennvi Minis lo ki ler soz sa kestyon, i pa volapenn nou antre ladan sa kestyon in ganny adrese. Mersi. Onorab Gabriel ou kestyon.

HON CONRAD GABRIEL

Mersi Mr Speaker. Eski Minis pou Transpor i kapab dir sa Lasanble dan ki dele letan zot pou antreprann bann travay ki nou'n idantifye, apre bann sityasyon ki'n arive apre gro lapli pli presizeman Dimans le 22 Me kot Flat Mirabelle e tou

dilon lakot dan Pointe Larue?
Mersi.

MR SPEAKER

Onorab Gabriel mon ava rapel ou ki ou pa pe lir ou kestyon, pa sanbleman ou pe lir ou kestyon. Parey,

(Interruption)

MR SPEAKER

Order please! Parey in mete enkli ou Onorab Pillay silvouple.

Mersi. Onorab Gabriel relir ou kestyon parey i ete lo *Order Paper* silvouple.

HON CONRAD GABRIEL

Mersi Mr Speaker. Eski Minis pou Transpor i kapab dir sa Lasanble dan ki dele letan zot pou antreprann travay ki nou'n idantifye apre bann sityasyon ki'n arive apre gro lapli yer? Yer *meaning* le 22 Me presizeman. Si Minis i annan larepons silvouple, i kapab donn nou.

MR SPEAKER

Mersi. Minis adres sa kestyon *please*. Mazinen ki yer i ti semenn pase.

MINISTER
DERJAQUES

ANTONY

Mr Speaker, mon ti resevwar osi sa enn yer apre midi e mon prezimen i pe ler i dir yer savedir Dimans swar.

E sa i konsern sa lapli e mon asire i pe refer avek kot Mirabelle kot ti annan en pe linondasyon, kot Onorab bann Onorab parey *Chief Whip* ti call mwan avek DA avek LWMA avek SCAA.

Mr Speaker i annan en rankont ki pe ganny organize demen e sa i ganny *led* savedir dirize par Lotorite Lazans Lenfrastruktir. Savedir Seychelles *Infrastructure Agency*. Zot ki pe pran responsabilite pou gid nou e pou etabli ki mannyer nou pou rezourd sa bann problem espesyalman dan sa landrwa spesifik.

SLTA avek SCAA pou senpleman ganny konsilte e demen zot pou prezan menm parey pour sekreter ki mon krwar i ti call Dimans swar avek DA.

Savedir mon pa kapab reponn sa kestyon direk. Be sa kestyon nou bezwen esper demen i annan sa *meeting*. Seychelles *Infrastructure Agency* ki pe *head* ki pe *lead* son CEO, apre son Minis pou tonm anba *Land Use and Housing*. Mersi Mr Speaker.

MR SPEAKER

Mon bezwen pran responsabilite pou sa pti provizyon ki'n arive. Akoz i ti mon responsabilite pou vwar ki sa mo 'yer' i pa presi an term sa kestyon. Mersi. Onorab Gabriel si ou annan klarifikasyon Minis in dir sa i bezwen ganny konmanse e vizit pou konmanse.

So ou klarifikasyon lo ou kestyon?

HON CONRAD GABRIEL

Yes mersi Mr Speaker. Mon ava zis enform Minis ki demen mon dan Lasanble organiz sa vizit, eski pa ti ava kapab fer li an moman ki Onorab petet i prezan?

Dezyenmman petet Minis zis si ou kapab elabore, an vi ki sa sityasyon sanmenm sa nou annan *Urgent Question* ti en *urgent matter* mon krwar mon mazinen.

So ki plan entegral pou Minister pou sa lakot afekte an prensip? Mersi.

MR SPEAKER

Plan entegral pe al bokou par devan sa kestyon ki la. Minis regarde si ou kapa zis klarifye.

**MINISTER
DERJAQUES****ANTONY**

Mr Speaker, pa nou ki pe ansarz e pe organiz sa *meeting* demen, se *Seychelles Infrastructure Agency* ki ansarz tou lenfra striktir pour Gouvernman Santral.

E ou konn son CEO tre byen e mon pa kapab dir ki pou arive demen. E mon pa kapab aranze ki ou partisipe demen fodre ou kontakte Lazans Lenfra striktir. Mersi Mr Speaker.

MR SPEAKER

Mersi Onorab Gabriel ou kapab pran sa sizesyon. Bon nou'n arriv a lafen kestyon pour ozordi.

Donk nou ava aret travay la, nou ava pran en poz e nou ava reoran travay 2er. Minis ek ou delegasyon mersi bokou pour zot partisipasyon e bonn zournen.

(BREAK)**FLORETTE****MR SPEAKER**

Bonn apre midi tou dimoun. Nou'n arriv lo *Fair Trading Bill 2022*. Madanm Reporter ava apel Minis avek son delegasyon.

Bonn apre midi Minis pou Finans, *National Planning and Trade* Naadir Hassan. E avek Minis mon rekonné son

delegasyon Ronald Cafrine *PS* pou *Trade Department*, Mr Francis Lebon *CEO* pou *Fair Trading Commission* e Mrs Nathalie Edmond *Deputy Chief Executive Officer Fair Trading Commission*.

Bonn apre midi e byenveni zot tou, mersi pou zwenn nou pou travay lo sa *Bill*. Onorab Georges ou pare avek Mosyon pou *Second Reading* lo sa *Bill* silvouple?

HON BERNARD GEORGES

Bonn apre midi Mr Speaker. Bonn apre midi Minis. Bonn apre midi ou delegasyon. Bonn apre midi tou bann Manm Onorab e tou dimoun ki pe swiv nou.

Mr Speaker mon annan plezir apre midi anba *Order 69(2)* pou move ki *Fair Trading Bill*, 2022 i ganny lir en Dezyenm Fwa. Mersi.

MR SPEAKER

Mersi. Mon a ganny en segonnman pou sa Mosyon? Onorab Arissol.

HON SANDY ARISSOL

Mersi Mr Speaker. Bonn apre midi Minis avek ou lekip. Bonn apre midi tou Manm Lasanble e tou dimoun ki a lekout. Mr Speaker Mosyon in ganny seconde. Mersi.

MR SPEAKER

Mersi. Avek sa nou a kapab ekout prezantasyon Minis lo sa *Bill*. Minis.

MINISTER NAADIR HASSAN

Mr Speaker, Onorab *Leader Lopozisyon*, Onorab *Leader Zafer Gouvernman*, bann Manm Onorab e tou Manm piblik ki pe swiv sa deba, bonn apre midi.

Mr Speaker ozordi mon pe prezant nouvo Prozedlwa lo Komers Zis 2022. Lentansyon sa nouvo Lalwa se pou ranforsi proteksyon konsonmater e konpetisyon biznes. E kree en striktir pli efikas pou delivre bann zizman.

Akoz en nouvo Lalwa? Apre plis ki 10an loperasyon, lanvironnman ekonomik biznes e konsonmater in evolye dan Sesel e osi dan nivo internasyonal. Alor Lotorite Komers Zis in war li neseser pou swa reviz, entrodwir e osi ranforsi bann konponan e entegre zot dan sa nouvo Prozedlwa Komers Zis ki ozordi i devan Lasanble Nasional.

Mr Speaker bann lesin e defayans anba sa vye Lalwa in osi ganny korize. I enportan note ki anba sa vye Lalwa Komisyon Komers Zis in fer bokou pou proteksyon

konsonmater e biznes. Me avek sa nouveau Prozedlwa sa komisyon pou ganny plis pouvwar pou adres bann problemm ki leve.

Komisyon Komers Zis in fer konsiltasyon neseser avek bann parti konsernen lokal e enternasyonal dan parkour pou devlop sa nouveau Prozedlwa. Mon pran sa loportinite pou remersye tou bann ki'n donn zot kontribisyon dan sa prosesia.

Mr Speaker sa nouveau Lalwa ki pe ganny propoze, i annan plizyer nouveau eleman par egzanp; letablisman en Tribunal anba Zidisyer koman en fason pli transparan zis e efikas pou z iz bann ka ki ganny anmennen. I enportan pou note ki sa Tribunal pou ganny administre par en Mazistra ki pou travay an plen tan e direkteman anba zidisyer.

Penalty fiks pou serten provizyon dan Lalwa.

Ogmantasyon dan penaltı;

En provizyon koni koman *corporate immunity*. Sa i en provizyon ki dan tou ziridiksyon i en zouti enportan pou lager kont *cartel*. Tou eleman ki annan pou fer avek proteksyon konsonmater e fizyon bann antrepriz dan sekter finansyel, in al avek Labank Santral.

Sa i a donn lespas Komisyon pou met plis latansyon lo bann lezot aktivite dan lezot sekter ki kapab pe afekte konsonmater e biznes. Lentrodiiksyon en cap R5milyon lo tou konplent konsonmater. Sa i a ganny revize si i neseser par Minis an konsiltasyon avek Komisyon tou le lannen. Kantite letan pou anmenn konplent in redwir sorti 3an pou vin 2an.

Sa i a donn Komisyon Komers Zis abilite pou konkli bann ka pli vit, akoz ledan pou pli fasil pou gannyen e finalize. I enportan pou dir ki sa pa retir drwa en endividé pou met son ka Ankour, ki limit peryod letan i 5an anba Kod Sivil.

Compounding of offences sa i en lot platform pou fer bann ka bouz vitman. Letan en akize i aksepte ki in fer en lofans avek Komisyon, Komisyon an konsiltasyon avek biro Prokirer Zeneral i kapab met en penaltı dapre provizyon Lalwa e sa ka i a fini lanmenm.

Provizyon pli kler elarzi pou labi dominans e fizyon bann antrepriz.

Osi koman parti son fonksyon se pou promouwlar bann metod alternativ pou regle bann problemm konsonmater, sa i enportan akoz i a tir presyon lo Tribunal e bann ka i kapab ganny rezourd vitman.

Egzekisyon Zizman pou fer sir ki bann konsonmater ki'n ganny afekte i kapab rekouver zot larzan si zizman pa ganny onore. Finalman in osi kree en mekanizm pou bann ka ki pa ankor ganny ekoute pou ganny ekoute par Tribunal.

Avek sa novo Lalwa i kler ki proteksyon konsonmater ek konpetisyon biznes, pou ganny en novo dimansyon. Komisyon Komers Zis osi son bann lenvestigasyon pou pran en novo lelan avek sa bann provizyon ki dan sa Lalwa.

Mr Speaker bann konsonmater e biznes osi i annan zot rol pou zwe. Lobzektif sa Lalwa i pou ranforsi zot drwa e proteksyon. Me i osi enportan ki zot pa bliy zot responsabilite koman bann endividé e biznes. Konsonmater i bezwen vin pli konsyan e angaze dan bann langazman ki zot antre ladan.

Dan sa menm laliny komisyón Komers Zis pou kontinyen ek son bann programm edikasyonné pou konsonmater e biznes. En plan pou ledikasyon pou sa novo Lalwa, in fini ganny aprouve par Sef Egzekitiv pou Komers Zis e osi sa lannen avek restriktirasyon entern en Zofisyé Ledikasyon i ganny apwente.

Sa i a montre en langazman serye ki Komisyon Komers Zis i atase avek ledikasyon. Tou Lazans Gouvernman i bezwen travay an kolaborasyon. Nou bezwen fer rapel ki nou tou nou en konsonmater i enportan ki lazistis i pou tou.

Mr Speaker an konklizyon, sa Lalwa i pran kont bann prensip e standar enternasyonal tout an prenon kont nou konteks lokal. Son lenplimantasyon pou ede ogmant konsyans konsonmater e kominote biznes. Avek sa novo Lalwa Komisyon Komers Zis atraver son manda i annan pe fer plis pou kontribye pou devlopman Sesel.

Lo sa not Mr Speaker mon swete ki nou ganny sipor tou Manm Lasanble pou non, selman aprouv sa Prozedlwa, me osi ede dan sa demars pou kontinyen edik nou popilasyon. Mersi bokou Mr Speaker.

MR SPEAKER

Mersi Minis. Mon ava aprezan apel entervansyon bann Manm. Mon ava envit bann Manm pou gard en lizye lo letan e obzerv limit 15minit aepre. Onorab Hoareau i kapab komanse.

HON JOHN HOAREAU

Mersi Mr Speaker. Bonn apre midi Minis ek ou lekip. Bonn apre midi tou dimoun ki pe ekoute.

Mr Speaker pou mwan sa *Bill* i en *Bill* vreman konpreansiv, akoz i pe met ansanm trwa *Bill* ki ti deza an egzistans ki annan bann Lalwa an egzistans sa se *Fair Trading Act*, *Fair Competition Act* avek *Consumer Protection Act*.

Answit i pe konplemant *Financial Consumer Protection Act* ki nou'n fini pase. Provizyon pe ganny fer dan sa novo *Bill* pou *Fair Trading* annan en Komisyon ki pou plizoumwen administratif, *Fair Trading Commission* e en Tribunal, *sorry* ki *Fair Trading Tribunal* anba lospis Zidisyer, ki pou dil avek bann konplent ki annan *complain value* ki al ziska R5milyon.

Mr Speaker ler ou get en pe travay sa Komisyon i pou enn ki vreman proaktiv e parmi son bann travay i annan pou li fer resers lo marse, fer lenspeksyon e sirvey osi bann kondwit, bann lantrepriz e fer lenvestigasyon. I la pou osi promot bann rezolisyon lo bann ka ki arive ki en fason ou en lot i kapab ganny fer an deor Tribunal osi.

Mr Speaker konpozisyon sa Tribunal i enn ki enteresan,

parske i pou annan en Mazistra an plen tan, avek 7 manm ki pou sorti dan sekter piblik ek sekter prive, bann dimoun ki pou annan lekspertiz dan bokou diferan domenn, *accounts, commerce, engineering e finance* ensidswit.

Me sa ki enteresan avek sa Lalwa se ki, sa 7 manm pa pou toulstan pe asiz avek sa Mazistra. Se sa Mazistra ki deside kan e si i bezwen lasistans sa bann Manm. Dan sa ka i pe redwir la kantite larzan ki ou peye. Akoz sa bann manm pou ganny peye *per sitting* ki zot pe fer. Alor dan li menm i pa enn ki *cumbersome* lo Bidze Zidisyer li menm.

Mr Speaker si sa bann dimoun ki zot ka i pas devan Tribunal pa ganny en solisyon, zot kapab touzour fer lapel avek *Supreme Court*, e sa i ganny mete dan Lalwa ki si zot pa satisfe zot kapab fer en lapel.

De moman ki sa Lalwa ki vin an fors, parey in ganny dir ou bezwen annan ledikasyon vreman entans avek tou sekter, konsonmer, konsonmater *sorry* e komers.

Sa i vreman, vreman enportan, akoz ler ou pe gete i an en kantite novo keksoz ki'n ganny met ansanm ki sekter komers ek ba konsonmater tou lede i bezwen *aware of*. Par

egzant *clause* 74 fer provizyon pou lenformasyon lo sa bann prodwi ganny mete swa an Angle swa an Franse oubyen Kreol.

Ozordi le nou pas laboutik nou vwar ki par egzant i annan min lasoup ki ler ou get lo la son bwat i ekrir zis an langaz Koreen oubyen *La Chine* mon mazinen, ki bor zot sorti, e napa bann *proper* lenformasyon lo konteni sa bann prodwi.

Clause 74(10) ankor i fer provizyon pou bann prodwi ki danzere ki annan konteni danzere annan bann lenstriksyon ki mannyer pou mannye sa bann prodwi. E sa i vreman osi enportan, en keksoz en pti pe de novo ki nou vwar ki pe ganny mete dan sa Lalwa.

Bann *shelf life - expiry dates* tousala osi i enportan, Mr Speaker sa Lalwa pa pe zis get ki fason bann prodwi i ganny bann lenstriksyon lo la oubyen ensidswit, me i pe gat osi la fason i pe ganny *advertise* pou piblik.

I annan sa konsep ki nou apel *bait advertising* kot en lakonpannyen i kapab fer ou krwar poudir ler ou pe aste en keksoz ou pe ganny en lot keksoz an retour, kan son vre lentansyon se pa pou donn ou naryen an retour. Alors sa i

kont sa Lalwa e sa pou ganny dil avek.

Nou'n vwar dan lepase osi in annan sirkonstans kot bann *pyramid schemes* in ganny entrodwir Sesel. Parey *Cynet* en rafal kot ler ou aste en *package* avek zot ou bezwen ou osi al rod 4 dimoun sepa 3 dimoun pou aste menm *package*, pou ou ganny en pti larzan an retour. E sa i kontinyen, i kontinyen parey en pes lasenn. E sa i kont bann komers, bann regilasyon ki kont komers zis e lib.

Mr Speaker nou vwar dan sekter touris ki i annan osi en kantite fwa ki i annan *overbooking, overselling* e sa osi i pou ganny dil avek.

Akoz ou pa kapab dir en dimoun koumsa poudir *ok*, mon pe rezerv tel lasanm pou ou, mon pe *book ou in*, kan ou konnen ou'n fini vann tou ou lasanm apre pou ou dezapwent li dernyen moman ki li i bezwen al tay isi, tay laba pou al rod en lot landrwa pou li reste. So sa bann keksoz koumsa i kont komers lib e zis.

Mr Speaker *clause 101* i koz lo *liability* pou bann prodwi ki *substandard*. Nou'n vwar plizyer ka kot dife in pran dan bann lakaz Sesel e gro, gro *loss* in arive gro, gro pert. Akoz se pa bann *socket adapter* ki souvandfwa in ler ou met *plug*

lo la li i sofe e i fer ki i fer *spark* e lakaz i pran dife. Ankor la i pou met *liability* antyerman lo sa dimoun ki pe fer vin sa bann keksoz pou vann.

Mr Speaker ler ou get *clause 125* i koz lo bann komers enzis kot en sekter biznes i abiz son pozisyon dominan pou kontrol pri oubyen servi son lavantaz pou diminyen konpetisyon. Ler ou get par egzanp dan domenn telekominikasyon Sesel, ou vvar poudir souvandfwa i annan - *Anyway* annan 3 lakonpannyen an prensip ki pe *provide* sa bann servis.

Me antre zot annandler ou remarke poudir i annan serten kolizyon pou *dictate* pri pou fer sir ki zot, zot plas dominan, i fer ki zot kapab *dictate* bann pri e diminyen lezot konpetiter ki swa annan lentere pou antre dan sa biznes.

Ankor sa i kont komers lib e zis. Nou'n vvar ki par egzanp dan ka en serten lakonpannyen ki *provide* telefon par, *sorry* i *provide* televizyon par kab, e ler ou aste en *package* ek li i dir ou pou annan *VOD* lo la, bann *video on demand*, me selman *halfway down the line* ler ou'n fini peye in fini retir sa li, me selman son pri toultan i reste menm parey.

Sa i en keksoz ki zot bezwen get ladan koman en lorganizasyon ki pou proaktiv e pou fer sir ki bann dimoun pa pe ganny anbete dan sa fason. Menm i annan ki dir ou i pe travay lo laliny 3 zour ou pa pe ganny *internet* oubyen televizyon be selman apre, i refize pou *refund* ou sa 3 zour oubyen *compensate* pou sa 3 zour ki ou pa'n ganny sa prodwi.

Sa osi i en keksoz ki zot poi bezwen proaktiv ladan pou fer sir ki Seselwa pa ganny pini pou naryen, pa depans son larzan pou sa ki i pa pe gannyen.

Mr Speaker an menm tan mon rekonneta lavantaz ki drwa ki sa Lalwa pe anmennen pou bann dimoun ki annan drwa patant, *trademark* avek *copyright*, pour ki sa i protez zot prodwi pour ki menm si zot annan en pe lavantaz par lesans ki zot prodwi pe ganny bann anba zot *trademark* e personn pa kapab kopi zot prodwi.

Personn pa kapab fer menm prodwi pou bann pou met lo *market*, menm si zot annan sa proteksyon sa i ganny rekonneta par sa Lalwa ki zot pa ganny pini, akoz zot *patant* oubyen zot *trademark* i met zot dan en pozisyon en pe dominan.

Mr Speaker sa Lalwa osi i koz lo lentegrasyon orizontal e vertikal. Dan lepase nou'n vwar ki fason sa ti ganny *challenge Ankour* par Mr Joe Albert ki ti *challenge tourism* lo kote *vertical integration*. E isi anndan dan nou konnen poudir Onorab Woodcock in toultan lager pou anpes *vertical integration* sirtou lo son zil Praslin.

Me nou konnen poudir avan i ti zis en Polisi, e lafason ki i ti pe ganny fer i pa ti pe ganny fer dan en fason ki (koman ou dir sa), kot i ti pe les konpetisyon me i ti pe ganny fer dan en fason ki i ti pe kont sa prensip konpetisyon.

Par egzanp lentegrasyon orizontal nou'n vwar ki i annan plizyer ka kot i annan bann lotel ki fer bann *chains of hotels*, zot fer enn Anse Royale, zot fer enn Anse Boileau, zot fer enn Beau Vallon, zot fer enn lo zil enn isi laba.

Tousala pe ofer menm prodwi e par zot lavantaz *economies of scales* i fer ki zot kapab ofer sa prodwi pli bon marse ki leres zot bann konpetiter. So i met zot dan en pozisyon lavantaz ki apre zot touy zot bann konpetiter. So sa i enn, osi en keksoz ki zot bezwen gete an term lentegrasyon orizontal.

Vertikal li i kot en lorganizasyon dizon i annan li, li menm *tour agent*, li menm ki annan lotel, li menm ki annan *car hire*, li menm ki annan ekskirsyon, li menm ki annan *diving* so i pran tou sa laliny biznes pou li menm i fer sir ki napa plas pou lezot antre dan sa domenn.

So, sa i en keksoz ki vreman byen ki mon war zot in met dan sa Lalwa ki zot a kapab dil avek li. Me pou dil avek li, ou bezwen anpe li antre, *rather* ki pou dil ek li ler in fini antre. Mr Speaker avan mon terminen mon ti a kontan ki ler Minis i pran laparol pou li donn en pti pe son *summing up* i sitye li oubyen i plito devlop son largiman en pti pe lo *online shopping* lokal.

Ki fason ki sa Lalwa pou protez *online shopping* lokal kont bann sityasyon ki kapab arive koman *identity theft warranty* ek *damages*. Mon ti oule osi petet ki koz en pti pe lo bann *counterfeit pharmaceuticals* ki antre Sesel e ki fason zot pou protez popilasyon kont sa bann keksoz.

E osi finalman petet bann *unlimited broadband* ki ganny, okenn bann *advertisement* ki dir ou *ok si ou aste en package* ou a ganny *unlimited*

broadband me selman 3 zour apre, premye 3 zour *broadband* i vit, tou keksoz i vit apre 3 zour pli tar ou war poudir ou *broadband* in vin en *slow internet*.

So ki mannyer zot pou kapab efektivman donn valer konsonmater lo sa bann nivo. Avek sa Mr Speaker mon a remersi ou.

MR SPEAKER

Mersi Onorab. Mon ava aprezan apel Onorab Uranie.

HON ROCKY URANIE

Mersi Mr Speaker. Bonn apre midi Minis avek ou delegasyon. Tou koleg Onorab e byensir zabitan Zil Pros ki a lekout.

Mr Speaker plizyer fwa mon'n vin isi anndan dan sa Lasamble, mon'n plenny sor zabitan Zil Pros sirtou mon zil La Digue kot i konsern kou lavi. Nou ti'n ganny promet par sa nouvo Gouvernman ki kou lavi sa pri ki Digwa i bezwen peye pou li viv pou vin pli meyer, vin pli afordab.

Me ki nou vwar Mr Speaker, preznan ki kou lavi lo La Digue i vin bokou li ser ki partou dan Sesel. Mwan avek tou Digwa nou konnen ki nou pe dir, akoz nou ki pe viv dan sa kalite sityasyon parey sanson i dir "Who feels it knows it." Mr

Speaker lavi deplizanpli in vin ser, e sa sityasyon pe fer li tre difisil pou Digwa viv konvenableman san ki zot bezwen andete, pran zis kredi e ganny difikilte peye ler in ariv lafen dimwan, e sa i repete tou le mwan parey en latrap.

Mr Speaker i fasil pou mwan vin la anndan pou koze, akoz mon'n ganny elekte pou koze, pou koz pou zabitan Digwa. Me mon leker ennler i fermal sak fwa mon desann Digwa i plenny sa sor avek mwan, kot nou war nou pe viv dan vin lesklavaz pri komodite. Me kantmenm nou pe koze nou pe kriye Gouvernman, i sourd lo nou.

Mr Speaker ler mon gete mon fer mon resers mon vvar sityasyon ki Digwa i ladan avek pri komodite. Mon ti ekspekte ler zot al rod led kot ASP, zot ka i ganny konsidere e ki zot ganny sa lasistans neseser pi ede avek sityasyon, vi ki nou tou isi anndan nou konnen poudir ki nou annan en kou enorm lo nou latet laba.

Me ki nou vwar Mr Speaker, napa ni menm 5 dimoun lo La Digue ki pe ganny asiste avek ASP. Nou annan apepre 3000 zabitan lo mon zil.

MR SPEAKER

Onorab mon espere ki sa bann remark ki ou pe fer i ava anmenn ou pou koz lo *Bill*.

HON ROCKY URANIE

Mr Speaker mon pe vin lo *Bill* mwan pa trakase ou. Mon bezwen etablir mon bann pwen byen pou fer zot santi parey mon dir Mr Speaker, akoz mon ki pe viv sa, ou pa pe viv sa ou. Mon La Digue mon pe viv sa mon. Eski sa Lalwa Mr Speaker, la mon'n vin lo la.

MR SPEAKER

Mersi.

HON ROCKY URANIE

Mon fer ou konpran byen. *Fair Trading Commission*, an Kreol wi byensir zot pou bezwen riye akoz nou pe koz lo soufrans Digwa la.

Me selman ler pou vini Digwa i trimouse pou fer bann gro bwat kartron kommisyon pou donn zot pou vin avek Mahe parey en bann ler sak fwa i vin La Digue la, zot ok. Taler nou a nonm non, zot konnen lekel zot, konnen lekel zot en bann i riye. Pa vre?

(*Interruption*)

MR SPEAKER

Order! Order!

HON ROCKY URANIE

Wi, Mr Speaker eski sa Komisyon Komers zis pou vreman fer zistis e le neseser ki zabitan Zil Pros ava kapab aste konmisyon a en pri plizoumwen parey Mahe. E sa i ava ede tir a presyon lo latet mon zabitan.

Mr Speaker enn mon zabitan i oule konnen kwa ki sa Komisyon pou vreman fer diferaman pou montre son komitman ki komers zis, konpetisyon zis e proteksyon bann konsonmater lo La Digue i ganny benefis ki nou merite. Mersi Mr Speaker.

MR SPEAKER

Mersi Onorab. I pa mon lentansyon koriz bann Manm dan zot ladres. Me selman mon krwar, e mon krwar sa i mon devwar dir, mon krwar enn no bann febles nou Lasanble se souvan en kantite deba i pa reste lo *Bill*.

So mon ava zis envit bann Manm pou sey observe ki mannyer nou kapab tenir sa responsabilite pou nou koz lo size ki devan nou. Mersi. Mon ava apel Onorab Woodcock.

HON WAVEL WOODCOCK

Mersi Mr Speaker. Mr Speaker mwan mon pou gard mon entrevansyon lo sa *Bill* ki devan nou.

Annefe sa *Fair Trading Bill* i en *Bill* ki vreman enportan ki pe armoniz plizyer bann Lalwa ki annan pou fer avek konpetisyon ek *Fair Trading* pou vin anba en sel Lalwa ki pou dil sirtou avek proteksyon bann konsonmater dan nou pei.

Mr Speaker mwan en Manm ki, Mr Lebon devan *CEO FTC* i konn tre byen tanzantan mon pe ganny konplent avek mon zabitan dan mon distrik. Annefe semenn pase mon fek don li en *call regarding* en size ki annan pou fer avek sirtou bann size ki annan pou fer avek bann kontrakter ki mon pa oule fer detay lo la.

E nou bezwen agree Mr Speaker bokou lannen dan nou pei i annan bokou labi, sirtou mon kapab dir bann konsonmater lokal in ganny bokou abize avek - parey mon dir bann previzyon letan, bann aksyon, bann keksoz ki'n ganny fer par bann dimoun ki dan biznes, bann ki dan komers.

E i enportan ki ozordi nou annan en *Bill* ki nou pe dil avek sa nou pou al get pli profon ladan e aziste serten keksoz sirtou kot i konsern bann penalti, bann lofans, bann kontrovansyon sa Lalwa ki devan nou ozordi sirtou kot i konsern labi, drwa bann konsonmater.

Petet keksoz pli enportan dan sa *Bill* pou mwan i *the establishing of a Fair Trading Tribunal*, kot mon konnen dan lepase parey kot bann ka ennler ki vin devan *FTC* parfwa zot bezwen al met sa bann ka Ankour atraver Biro *Attorney Zeneral*. La avek sa *Fair Trading Tribunal* i pou annan en *Magistrate* anba *Zidisyer* ki pou ekout sa bann ka ki pou donn en zizman lo sa bann ka.

E sa mon krwar i pou ede, akoz mon konnen poudir *STC overwhelm* avek bann konplent, i annan bokou konplent ki pe gannyen e la vi ki i pou annan sa *Tribunal* ki i pou dil spesifikman avek sa bann labi, bann drwa konsonmater, mon krwar i en keksoz ki enportan ki en bon pe annan en bon pe letan Lepep Seselwa pe espere pou annan en tel *Tribunal*.

Sa *Bill* parey mon'n dir i fer provizyon pou proteksyon bann konsonmater, *Consumer Protection Right*. E dan sa *Bill* i fer kler ki i protez *the right of consumers to just, and fair and reasonable terms and conditions*.

Ki dan lepase nou'n war plizyer repriz Mr Speaker kot normalman ler petet ou pe antre dan biznes avek en serten lakonpannyen kot ou pe al ganny en serten servis avek en

biznes, ouswa avek en serten lakonpannyen.

I annan en ler bann dokiman ki ou sinyen *terms and conditions* parey nou konnen i annan bann *lease agreement* osi ki i pa neseserman toulstan dan faver bann konsonmater, kot nou'n war osi parfwa kot bann dimoun ki pe lwe en lakaz, ki pe *rent* en lakaz kot zis *terms and conditions* zot *lease agreement* i ganny zis sanze koumsanmenm ki i pa neseserman dan lavantaz bann konsonmater - sa dimoun ki pe *rent* sa lakaz.

Konmsi toulstan nou war a plizyer repriz i annan bann *issues* kot i konsern bann *terms and conditions*. En lot keksoz ki fer provizyon se pou protez *rights *to just*, to fair and responsible marketing, the right to fair and honest dealings, the right to choice, the right to safety, the rights to fair value.*

Sa i en keksoz osi ki malerezman en ler nou war dan nou pei dan lepase, kot i annan dimoun ki'n fer vini bann keksoz ki petet i *substandard* ouswa i pa bon kalite, in antre dan nou pei me apre 2 zour, 3 zour sa bann keksoz nou pa kapab servi ankor in kase ouswa i pa *up to certain standards*.

E annefe i osi sa Lalwa i fer provizyon pou protez drwa konsonmater pou fer sir ki ensure ki zot pe ganny *good quality*. E sa mon krwar i en issue ki ase serye dan nou pei, par lefe ki parey mon'n dir dan lepase nou'n war bann ka kot plizyer bann komodite ki pe antre dan pei i vreman *quality* i pa neseserman bon.

E mwan mon santi poudir sa responsabilite i pa neseserman selman zis merit en responsabilite pou *Fair Trading*, ki ler en konsonmater in aste serten komodite, ki ler i pa bon i war poudir *quality* pa bon sa i bann gonaz la ki i vin kot *FTC* pou li fer konplent.

Mwan mon *believe* poudir at the point of entry, i merit annan en kontrol e sa i tonm responsabilite *Customs* ki problem ki nou pe war ozordi se ler komodite in fini antre dan pei ki apre *SBS* ki fer verifikasyon *Seychelles Bureau of Standards* pou get si sa bann keksoz i *good quality*, swa manze, swa nenport ki item nenport ki product.

E mwan mon santi poudir i bezwen annan *import control*. At the point of entry i bezwen annan verifikasyon, si fodre beef up *Customs* osi pou fer sir ki bann keksoz koman i ariv Sesel i pe ganny enspekte, ki i

pa *end up* devan *Fair Trading Tribunal*.

Ouswa kot *FTC* ki prezan i pou al dil avek sa bann dimoun ki nenport sa bann keksoz ki *substandard*, ki pa bon kalite ouswa ennler ki, setou an keksoz ki nou pe konsonmen ki pa neseserman bon pou lasante piblik.

En lot keksoz ankor ki sa *Bill* i fer provizyon se pou protez *the rights of a consumer to fair supply of goods*. La ankor i fer mon arriv lo en siz; *in fact* resaman pa bokou letan pase sa i pa zis, sa en ka ki mon pe donnen, i annan bann lezot ka spesifik ki mon kapab al ladan.

Parey resaman kot ti annan, nou tou nou konnen poudir pri delwil son pri in monte partou globalman aletranche. Nou'n war sityasyon *Maurice* kot dimoun pe lager delwil. Nou'n war sityasyon *La Reunion* osi kot dimoun pe lager delwil. Me erezman ki Sesel i ankor pe ganny delwil.

Me ki'n arive pri delwil in monte partou dan lemonn, e ler zot in konnen poudir pri delwil pe monte, parfwa nou met blanm lo *retailers* nou, me selman i pa komans ek *retailers* i komans avek *wholesalers*.

Kot i annan *hoarding*. Ki zot fer Mr Speaker se ki bokou sa bann *wholesalers* letan zot

konnen poudir en keksoz son pri pe ogmante enternasyonal zot *stockpile* sa prodwi, e parey delwil zot kapab *stockpile* sa delwil, pou fer sir ki i annan en *scarcity* lo *market* pou sa pri delwil monte.

E sa i kapab bann prodwi ki zot ti'n fini aste lo pri avan. Avan nouvo stok i antre, sa vye stok ki la, zot kit li la, zot stok li la, zot esper annan en *scarcity* lo *market* apre ki zot fer, zot ogmant pri, zot vann avek *retailers* ki fer ki konsonmater i aste sa bann keksoz bokou pli ser.

E mwan mon santi poudir i enportan pou nou osi *strengthen FTC*, donn zot plis resours, donn zot plis resours imen, pou zot kapab al enspekte bann *store houses* kot bann *wholesalers*.

Pou fer sir ki ler nou konnen poudir i annan en problemki son pri pe ogmante globalman, ki annan vye stok ki pou fer sir ki sa vye stok pe ganny vann, ki zot pa pe benefisyé avek bann vye stok olye fer monte pri lo bann stok, the *future stock* ki pou antre dan pei.

E sa i en *issue* ki Mr Speaker i ase, i pe arive dan nou pei. Onorab Hoareau in tous en pti pe lo *vertical integration* avek *horizontal integration*. E sa *Bill*

Mr Speaker i osi dil avek *abuse of dominant position*.

E parey mon'n dir *vertical integration* i en keksoz ki dan lepase mwan menm mon'n adres a plizyer repriz, sirtou kot i konsern bann Zil Pros ki lo *market* en pri pe pli pti, pti kot ennler bann dimoun ki petet i annan plis kapital ou war li kot i pe fer *vertical integration* li prezan i pe anpes bann lezot dimoun benefisyé ouswa pers dan *market*.

Parey en legzanp mon kapab donne; parey en dimoun ouswa en biznesmenn ki en *retailer* an menm tan ki en *retailer* i osi en *wholesaler*, i en *wholesaler* an menm tan li menm li ki en *distributer*, li menm li ki pe *manufacture* serten prodwi li menm li ki *supplier* sa bann prodwi e li menm li ki *producer*.

E sa i anpes lezot dimoun pou benefisyé *at one point* pou dan sa *value chain* pou li kapab antre pou li kapab perse e pou li kapab antre dan sa *market*.

E Onorab Hoareau in servi legzanp parey en biznesmenn ki i *own* en *DMC* e an menm tan i annan bato pasaze, e an menm tan i fer transfer li menm, i annan lotel li menm, i annan bato ekskirsyon li menm i dan *diving* li menm.

Konmsi i annan en pti pe sa bann keksoz. I enportan ki - e sa *Bill* pe get en pti pe dan sa pou protez en pe bann pti dimoun pou zot osi kapab fer en perse dan marse.

Sa *Bill* osi i tous lo *horizontal integration* e sa i ler en lakonpannyen i pran kontrol total en *market*, swa atraver en *merger*, swa en *acquisition* kot i anval tou lezot konpetiter ki fer menm kalite prodwi ouswa servis e i annan monopol lo sa *market*.

E zis pou donn en legzanp Mr Speaker, i pa en keksoz ki'n arive Sesel me selman mon pou donn en legzanp ki mannyer i marse, *let's say Cable* i *merge* ouswa i *acquire Airtel* ek *Intelvision* e i kontrol sa *market* antye. Ki i fer i fer ki i touy konpetisyon i fer li difisil pou en lot lakonpannyen antre dan sa *market*.

Me mon bezwen dir Mr Speaker depi ler nou Gouvernman antre mon war serten *improvement*, mon pa dir i kapab vin pli byen ki sa, i kapab amelyore. Parey ozordi mon war ki *Cable & Wireless* pe *offer unlimited internet* a pri ase rezonnab ki dan lepase pa ti zanmen fer.

Annefe konmsi ou'n pey pou 15 *GB* ou'n al sot sa ou pe al pey latet koson ou pe al pey,

I mean ou pe al pey e Bill egzorbitan. Sa i bann keksoz ki'n war poudir in ganny adrese.

Akoz si ou'n pran 50GB ou alokasyon i fini i koupe. Lontan pa ti mers koumsa si ou'n pey 50 GB ou 50 GB ou'n fini servi li i kontinyen roule li *at the end of the month* ler bil i vini R10mil, R20mil sa en keksoz ki zot nepli akoz konmela zot koupe ziska ler - ouswa ou pey pou ganny *additional gigabytes*.

I annan serten keksoz ki pe ganny fer, e mwan mon santi ki sa *Bill* ki devan nou la i pou adres en pti pe sa bann size, sa bann labi ki'n annan bann labi ban konsonmater.

E finalman Mr Speaker mon pou bezwen tous sa size ki la akoz sa i tre pres avek mon leker. Parey mon'n dir pli boner mon deza a plizyer repriz kot mon bann *constituent* - bann dimoun dan mon distrik i vin kot mwan kot i annan labi bann kontrakter.

Sa i en masiv problem, pa zis Praslin, pa zis Grand Anse, Baie Sainte Anne, i en konsern nasyonal kot bann kontrakter plizyer kontrakter *in fact* zot fer kontra zot antre dan en kontra avek en endividé pou fer en lakaz ouswa pou fer en proze, apre zot pa oner lagreman sa kontra.

Ok, zot pa deliver on time ouswa zot prodwi bann louvraz ki pa lo standard - i substandard. En ler zot servi bann substandard material ouswa ennler at the end of the contract ler i fini, sa endividé i bezwen end-up depans menm parfwa bokou plis ki i ti merit depanse, ouswa menm 2 fwa plis ki sa larzan ki orizinalman i ti merit pey sa kontrakter dan sa kontra.

Sa i en issue ki mon dakor e mon kontan ki parey mon'n dir i annan sa *Fair Trading Tribunal* ki pe ganny etablir e an menm tan Lalwa in ganny *beef up*, pou ki penaltı kont bann dimoun ki kontravern, bann dimoun ki kas Lalwa, bann provizyon dan sa *Bill* pou dil avek plis severman.

E mwan mon santi poudir i vreman enportan kot dan mon lopinyon i annan bann dokiman ki'n fer bann *case* dan lepase ki'n vol dimoun, ki zot *license* i merit ganny kennsel, ki zot pa merit ganny permision pou antre okenn pou fer sa bann kalite biznes ankor.

Aakoz sa - akoz parey mon dir i annan plizyer dimoun dan lepase ki'n vreman soufer atraver sa bann kalite *dealings*, atraver sa bann kalite aksyon kot zot in perdi plizyer - gran kantite larzan menm R2milyon.

Alor Mr Speaker mon Santi ki sa *Bill* ki devan nou ozordi i enn ki bon. I enn ki pou ed nou pep kot nou kapab ganny bann keksoz parey mon'n dir, ki en pti pe pli bon standar kot zot kapab ganny ban pri e osi Mr Speaker kot nou, i annan en kantite keksoz ki nou anvi war dan nou pei Mr Speaker.

Nou anvi war en lafen avek *price fixing*, en lafen avek *collusion* ki annefe Mr Speaker sa i en pratik ase serye, kot plizyer lakonpannyen parfwa zot konnen poudir pou zot fer pri en serten komodite monte pou zot benefisyé ki zot fer.

I annan en lagreman ant plizyer bann *wholesaler* ki dir en get sa annou pa met bokou sa letazer lo *market* akoz son pri pou desann. Annou zis larg en pti git. Annou gard en, olye *flood the market* li i pou fer son pri desann annou retain sa prodwi pou fer ki son pri, son valer i monte.

E par striktir nou tou nou konnen Mr Speaker e nou'n tande dan lepase sirtou lakizasyon ki'n ganny kont bann *telecommunication companies* dan lepase, ou pe al kot enn, ou pe al kot lot, zot pri i preski menm parey. Ou konpran i annan serten konsern ki i kapab annan

collusion, e sa i bann keksoz ki mon santi ki sa *Bill* ki la pou adrese e ki Seselwa i kapab benefisyé.

Akoz ler i annan konpetisyon Mr Speaker e konpetisyon ki *drive the price down* ki fer pri desann, e sa *Bill* mannyer in ganny ekrir mon santi, ki i annan ase provizyon ladan pou protez nou bann komanter lokal. Avek sa de mo Mr Speaker mon pou siport sa *Bill* ki devan sa Lasanble. Mon dir ou mersi.

MR SPEAKER

Mersi Onorab. Nou a swiv avek Onorab Lemiel.

HON SYLVANNE LEMIEL

Mersi Mr Speaker. Bonn apre midi Mr Speaker. Minis avek ou delegasyon e tou dimoun ki a lekout. Mr Speaker mon santi ki sa Lalwa li menm ki'n vin devan nou, petet in vin a en moman neseser oubyen menm a en moman en pe pli lontan petet mon krwar ti'n kapab vini.

Akoz letan mwan mon regarde ozordi, e bann ka ki mon konnen in pas devan mwan, ki mon deza menm *liaise* avek CEO lo la, i bokou ka serye ki dimoun in perdi en kantite larzan. Zot in pran en kantite *loan* ki ozordi swa i annan in ganny vole mon kapab dir par

en kontrakter, swa i annan in perdi larzan dan siny en kontra ki petet li menm li i pa'n byen lir i pa'n byen gete e ozordi son lakaz pa'n kapab fini e i war li i ankor dan problem.

So letan ki mon pe regard sa *Bill*, i en *Bill* i parey ou'n dir i pe armoniz Lalwa pou fer li *comply* avek bann Lalwa enternasyonal e bann *best practice* enternasyonal ki annan. E mon panse ki avek sa bann konsonmater ki pe rankontre problem li menm i a kapab vwar en serten rekour.

Ler nou pe get sa Lalwa li menm, i koz osi lo ranforsi proteksyon konsonmater, so nou konnen dan lepase ti annan *NATCOF*, in annan lezot osi ki'n seye pou kapab anmenn en pti pe donn soulazman bann konsonmater ki'n ganny serten problem sirtou an sa ki konsern mon bann koleg ki'n koz avan mwan in al lo la.

Parfwa dan bann magazen ou pe vwar bann boutikye oubyen bann enportater ki boutikye i pran sa bann keksoz avek, bann komodite ki ou pa konpran ki i mete lo la, ki ekrir lo la. Ou pa konnen si dan sa bwat i bwat bef menm akoz ou war sa lekritir lo la i kapab en lot zafer ki ladan, me selman in dir ou bef i met sa desen papye bef lo la, ou, ou dir be bef.

Be selman lekritir ou pa konnen ki i dir. So therefore i enportan ki avek en tel Lalwa letan nou pe dir ranforsi proteksyon konsonmater, tousala mon pe panse dan sa Lalwa i pou ganny kapte. E mon kestyon i se ki eski Komisyon pou *Fair Trading* li menm zot pou santi ki zot pou annan sa kapasite, i ase dimoun pou kapab al la deor?

Akoz mon asir ou ki ozordi mon pa konnen konbyen santenn laboutik nou annan ozordi dan tou distrik, dan mon distrik menm mon krwar i annan plis preski 100 pe al annan.

So eski Komisyon *Fair Trading* pou annan sa kantite dimoun dan sa seksyon Proteksyon Konsonmater pou fer sir ki i al laba deor i pe verifye sa bann komodite?

E an menm tan parkont mon ti pou kontan konnen depi letan sa bann komodite pe vini pe ganny enporte pe vin dan pei, eski i pas atraver - lo son lalis ki mwan mon dir ki mon pe fer vini whatever komodite, eski i pas atraver en verifikasyon pou nou konnen?

Par egzanp konmela nou pou koz tou dimoun i bezwen manz *healthy*, ou konnen, sa bann keksoz ki nou war dan ban magazen i pa benn keksoz

ki *healthy* ditou pou konsonmater. I bann keksoz ki nou pe zis aste. I annan ki menm ou war dan bann bwat ki'n kraze, boutikye i met li lo letazer, dimoun pe aste.

Ee i dir ou poudir si i annan serten komodite ki son bwat i kraze li menm, konsonmater pa merite pe *consume* sa bann kalote komodite. Bwat dile ki'n kraze ou war poudir konsonmater pe *consume*. Lekel ki pe petet la nou pe koz kot proteksyon konsonmater, pou nou dir ek sa boutikye sa ou bezwen tire lo ou letazer

Mon pou al en pti moman lo letablisman osi sa Tribunal, mon krwar ki sa i vreman enportan e i vreman byen ki en tel Tribunal dirize par en Mazistra si mon ganny en konpran in ganny etablir, sa i vreman enportan.

Akoz dan lepase pete anver keksoz ki ti pe ale in pran tro bokou letan, ou konnen. I annan dimoun mon konnen mwan dan mon distrik i annan dimoun ki'n ale/vini. Mr Lebon i la tou lazournen pe *call* li, Mr Lebon tel *case*, ki mannyer pe ale? Onorab nou'n sey met li lanba i Ankour, *case* i ale/vini. I annan i ankor pe ale menm.

So mon konpran petet avek enn sa Tribunal dirize par

en Mazistra bann *case* li menm pou al bokou pli vit e ki en desizyon i a kapab ganny donnen a bann konsonmater a en dele letan ki neseser e ki pli vit.

Letan petet osi sa Lalwa letan in vini, mon kestyon osi petet pou Komisyon e Mr Lebon enkli Minis petet lo kote ledikasyon, nou konnen nou tou letan i annan en nouvo Lalwa ki'n vini. E la letan ou pe regarde sa Lalwa i en gro Lalwa 139 paz, i annan en kantite keksoz ladan e ki fer ki petet ozordi nou pa pe al dan tou son bann *clause* enn par enn, pou konsonmater konnen vreman ki annan ladan.

Be la nou pe koz lo kote s about ledikasyon. Konmsi ki komisyon pou pe fer pou li kapab demen ler ou Lalwa i pase ou pe ale pou ou al edik bann konsonmater, e osi bann dimoun ki dan biznes i enportan zot osi ki zot konnen ki annan dan sa Lalwa.

Akoz bann dimoun dan biznes *mind* zot i an gro, gro penalti dan sa Lalwa ki zot pou al peye prezan. So i enportan ki zot osi zot konnen koman bann *service providers businessmen* kontrakter, *whoever* ou ete ou pe donn en servis ou pe pran larzan ek dimoun ou pou bezwen mazinen ki si i annan

en keksoz ki arrive, en fot ki arrive ou pou pe ganny penalize anba sa Lalwa osi.

So apre osi Mr Speaker mon santi ki petet avek en nouvo Lalwa, mon ti gannyen sans pou kontakte Mr Lebon pou mwan rod en pti pe plis detay avek li, avan petet mon mazin vin fer okenn lentervansyon lo sa Lalwa pou vvar en pti pe konpare avek sa ki zot ti annan avan avek sa ki zot pe anmenn.

E la petet kwa ki konsonmater e an menm tan biznes osi, kwa ki petet ki pe ganny anmennen la Minis petet dan ou *summing-up* e osi pa konnen si Mr Lebon an menm tan ou a kapab dir Minis kwa kekfwa ki pe anmenn la ki pe dir ki sa enn Lalwa la i morde?

Akoz parfwa ou konnen konsonmater ki letan in pas dan serten troma, in pas dan serten problem i pou dir ou, ‘Ar la in vini avek sa en Lalwa osi menm parey - tir dan labarb met dan moustas i menm zafer.’

So pou nou napa garanti zot, garanti konsonmater, garanti tou bann dimoun ki la an deor ki sa Lalwa pou annan en lefe pozitiv lo zot, pou zot al en pti pe - Minis mon konnen ou'n detay ou - ou'n fer ou *summary* ou.

Me selman dan ou *summing-up* al en pti pe pli an detay pou ou kapab dir konsonmater ou pou benefisyé dan tel, tel fason, an term Lalwa an term ou *case Ankour* i pou al en pti pe pli vit - an term bann lezot keksoz ki mannyer sa nouvo lalwa i pou pli benefisyé li, ki opred sa enn ki ti la avan kwa ki nouvo ki i pe gannyen ladan?

Ozordi osi nou pe tann konplent Mr Speaker kot i konsern pri lo komodite, mon konnen poudir nou dan en marse lib, nou pa pe kapab reglement pri *ok*? Me selman mon pe mazinen avek en tel nouvo Lalwa anba *Fair Trading* ou pe koz *Fair Trading*, Komers Zis konmsi pou nou get osi konsonmater vizavi sa *Fair Trading* li menm ki pe ganny deroule.

Ki mannyer nou kapab anba sa Lalwa gete ki fason nou bann konsonmater i ganny proteze en pe plis pou li pa ganny abize sirtou lo kote pri li menm.

Mon konnen parey mon dir nou dan en marse lib, setaki i kapab met son pri, me ki sa Lalwa petet pou pe anmennen? Eski petet konsonmater laba deor ler i tann sa Lalwa, eski i pe mazinen poudir sa Lalwa li menm i kapab sey fer en pti

entervansyon, an sa ki konsern lo kote son pri *or* lo sa ki konsern, balans en pti pe pou regarde ki mannyer petet li i kapab benefisyen pti pe plis?

E an menm tan osi Mr Speaker, nou pe koz osi an menm tan i enportan letan nou lo diskisyon sa Lalwa, petet pou nou aport en pti pe ledikasyon a ou bann dimoun ki la deor, nou konsonmater, bann dimoun ki antre dan nou bann langazman pou petet annou pa - i annan sa Lalwa wi.

Me selman annou regard byen, letan nou pe antre dan kontra ek en dimoun, annou rod *advice*, annou get byen. Annou pa zis les dimoun drafte en kontra, sirtou kot i konsern kontrakter letan i pou pe fer lakaz.

Akoz sa ki *main problem* ki nou pe gannyen ozordi zour kot pou tann kontrakter avek sa konsonmater. *Or* sa dimoun ki sa kontrakter pe fer son lakaz i sa *main problem* ki ou pe gannyen kot sa bann kontra i ganny *breach*, *or* i vini i dir ou i pe fer zis tel bout, tel bout ek ou lakaz, sa lot bout li i pa pe fer i pa antre ladan.

Selman i pe sarz sa dimoun en lot pri, e *at the end of the day* ou war sa dimoun i *end-up* kot Mr Lebon laba kot komisyen e li i bezwen antre

ladan. E i al dir ou poudir Mr Lebon lanmenm ler i dir ou poudir be ou napa en kontra madanm pou sa dimoun fer ou lakaz *or* dan ou kontra pa *stipulate* sa dimoun i sipoze fer sa, sa pou ou. E ou, ou'n sinyen.

So Mr Lebon petet ou mazinen be la ki mannyer mwan mon pou antre dan sa zafer mon, ki mannyer nou pou sey *sort* sa *out*? So i enportan osi ki nou lans en lapel avek nou bann konsonmater la deor pou zot *être* en pe pli vizilan. Ou war en komodite dan laboutik in kraze i pa bon pou ou konsonmen pa aste, kit li lo letazer i ava *expire* zot a tire zot a zete.

Apre letan mon pe koz lo *expire*, pete psi anba sa Lalwa anba ranforsi proteksyon konsonmater, i annan pa mal keksoz *expire* ki ou war i reste 2 zour pou li *expire* ou war zot pe vann R2, ou war zot pe vann R3, sa osi mon pe mazinen kote ki lo kote proteksyon konsonmater pou antre - dan ka petet si zot ganny serten lenformasyon avek sa bann konsonmater kwa ki zot, zot kapab fer en pti pe dan sa laliny pou protez konsonmater.

E an menm tan pou konsonmater konnen ki poudir be sa keksoz pou al *expire* dan

2 zour pa zete oubyen ou war serten marsan i annan ki pe donnен. Me ozordi nou konnen mannyer lavi i ete setaki serten i pase.

Akoz mwan mon konn en magazen tre byen ki dernyen fwa ti pe donn pistas en bann dimoun, pistas ti pe al *expire* dan 2 zour, sa bann dimoun ki'n pran sa pistas i dir ou pa kapab manze sa pistas, i rans i pa bon. Me i pa bon pou ou lasante.

So nou bezwen fer sir dan sa bann ledikasyon ki nou pe fer, kot nou pe dir nou ban konsonmater nou bezwen fer zot konnen poudir sa bann keksoz osi i pa pe bon pou ou lasante.

So an zeneral Mr Speaker mon santi ki sa *Bill* i annan serten merit. E i en *Bill* ki mon santi in vin a en moman kot ki keksoz i vreman kritik e ki konsonmater li menm li i bezwen serten rekour e i bezwen rekour ki vit.

Alors mwan mon pou aport mon sipor pou en tel *Bill* parey, e ki i ava fasilit travay komisyon Komers Zis pou zot kapab met an plas serten lareg, serten Lalwa pou benefis konsonmater e i pou benefis osi bann *service providers*.

Me par kont an menm tan i pou en rekour osi pou bann

dimoun ki bezwen sa servis, e an menm tan bann dimoun ki pe ofer sa servis osi zot bezwen fer sir zot mars dapre lord e dapre Lalwa ki merite. Mersi Mr Speaker.

MR SPEAKER

Mersi Onorab. Aprezan mon ava apel Onorab Vidot.

HON AUDREY VIDOT

Mersi Mr Speaker. Bonn apre midi Minis avek ou delegasyon.

Mr Speaker depi sizyenn Lasanble mon'n koz bokou lo lenportans rol *Fair Trading Commission*. E pou li annan plis sa ledan, pou li kapab morde avek bi pou aport plis sipor pou protez drwa e ranforsi lo responsabilite pou konsonmater. E pou asire osi ki tou biznes a tou nivo, pti ou gro me selman zot ganny menm tretman.

Nou swete ki anba sa Lalwa zabitant mon distrik Roche Caiman e lezot distrik osi bann ki pe ganny bokou i difikilte avek ki swa biznes, oubyen bann servis parey mon get Roche Caiman i annan bokou dimoun ki pe konplent ozordi kot zot pe ganny zot bann gro, gro *Bill* ki swa elektrisite avek delo avek PUC.

Me dan en dele letan *PUC* pa ankor kapab aranz sa bann

meters, pou kapab rann sa servis ki sa konsonmater pe pey zot e mon swete ki zot a ganny serten rekour anba sa Lalwa.

E osi bann ki ganny anbete par bann *fake advertising*. Bokou fwa i annan ban lavertisman ki pase lo televizyon oubyen ou war bann pti *ad* i dir ou sa i tel pri vini vin aste, me selman ler konsonmater i ale pri i diferaman. I dir ou swa nou pe vann lo novo stok komans rod tou sort kalite leskiz avek konsonmater.

Espesyalman lo bann komodite de baz ki dimoun i servi toulezour. I petet zot ava vvar serten rekour anba sa Lalwa. I enportan osi ki konsonmater i konn son draw. Bokou Manm in fer resorti lo la, son drwa i son responsabilite.

Akoz si i pou annan sa Tribunal i enportan ki i konnen kwa ki i merit annan bann prekosyon, pou li ler i pe al pran en servis avek en kontrakter oubyen nenport ki servis.

Oubyen i pe aste en komodite ki i santi poudir son drwa pe ganny afekte, oubyen son drwa in ganny vyole, pou li kapab konnen kote prezan e ki kwa laprev ki i pou bezwen anmenn devan - pa zis vini pou rapporte me i kapab prou levidans e i kapab rod sa siper

ki i pe rode avek *Commission* anba sa Lalwa.

Mon oule fer osi en demann osi avek *Fair Trading Commission*, byensir zot in dir zot annan bann dyalog ki zot in fer, petet ti ava byen zot *liaise* avek Gouvernman Lokal atraver bann Administrater Distrik. Kot zot kapab organiz ki swa lo nivo sak distrik oubyen petet rezyonal, pou kapab annan plis sa sansibilizasyon, ledikasyon avek kominote, pour ki ankor zot kapab ranforsi lo sa ledikasyon lo zot drwa avek responsabilite.

Akoz bokou fwa dimoun i leve i al travay i al debrouye li. Pa toulstan ki vvar sa bann petet *advert* lo medya, pour ki i ganny plis sa ledikasyon. Bokou dimoun i dir ou swa i get nouvel oubyen i get zis en programm spesyal lo *SBC*, i pa neseserman i ganny sa letan pou vvar tou.

Me petet i kapab annan kek lenformasyon ki zot kapab gannyen atraver distrik, pour ki i pou annan tel rankont avek komisyon kot zot kapab ganny plis sa ledikasyon, sa lenformasyon ki pou ed zot, ed zot byensir dan bann landrwa kot zot al rod en servis ki zot pa vvar zot pe ganny afekte.

Mon oule osi ranforsi osi lo responsabilite. Responsabilite

lo konsonmater osi pour ki wi nou pe demann sa, pou zot ganny sa lenformasyon atraver *Commission*. Me selman i enportan osi ki zot angaz zot, angaz zot pou zot partisip dan sa bann rankont ki letan i ganny organize ki i vin zot prop benefis.

Pa esper zis ganny dir pou zot ganny led, me zot vin devan zot osi pou zot resevwar lenformasyon ki fasilit zot letan zot dan sa bann demars, pou en servis ki swa parey bann manm i koz lo la lo kontrakter servis finansyel.

Me mwan osi pou terminen Mr Speaker mon oule ki petet demann avek Minis letan ou pe fer ou repons si ou kapab tous lo - ou konnen dan, i annan en konsern la deor espesyalman avek bann biznes ki pa neseserman annan license, oubyen zot napa en lankadreman striktir kot zot pe vann serten prodwi lokal ki kapab a en risk a lasante piblik e piblik san pa pe neseserman realiz sa, zot vwar sa petet sa me serten pri zot ale zot aste.

Mon pa pe dir zis sa enn legzant ki mon pe al donne, me i annan lezot ankor. Mon pou donn enn par egzant ozordi nou pe vwar dan tou bann sou-distrik i annan bann pti bazar ki pe ganny fer e zot napa en

striktir apropiye ki kapab byen ankadre zot pou ofer sa servis parey nou bazar ki nou annan Santral dan Lavil.

E avek *COVID* nou'n vwar bokou bann risk, me nou ankor *still* nou pa pe realize si demen i annan bann lot maladi ki vini ki letan napa en *proper structure* an plas, e dimoun pou aste sa bann komodite ouvertman ki i kapab annan napa lizyenn, pa adres sa bann problem lizyenn sa osi i kapab afekte zot.

So nou swete ki nou bann sou-distrik i ganny bann lankadreman. Me byensir ki Lalwa osi i ranforsi sa bann lorganizasyon pou asire ki zot pran bann responsabilite anba zot Lalwa, ki asire ki letan i annan bann prodwi ki ganny van anba sa bann landrwa i ganny fer byen.

I ganny fer byen dan lesans osi pou *allow* sa bann biznes pou devlope, agrandi me an menm tan annan sa proteksyon lo nou bann komanter. Mersi Mr Speaker.

MR SPEAKER

Mersi Onorab. Mon ava aprezan apel Onorab Cosgrow.

HON WALLACE COSGROW

Mersi Mr Speaker. Bonn apre midi Minis avek ou tim. Bonn

apre midi tou dimoun ki pe ekoute,

Mr Speaker ozordi nou pe viv an 2022 dan en pei liberal. Nou pe viv an 2022 dan en pei kot i annan marse lib e nou'n ganny dir osi ki poudir pei Gouvernman i bezwen ganny *run parey* en biznes.

Mr Speaker an prenon kont tousala nou bezwen osi annan serten proteksyon pou konsonmater, pou pep Seselwa e osi dimoun ki vizit nou bann zil, pou garanti zot serten *fairness* an sa ki konsern komers or servis ki ganny delivre.

Mr Speaker komers zis i, pou mwan i primordial pou okenn lekonomi, okenn pei fonksyonn byen e dan benefis tou sitwayen. Ozordi Sesel sa size i enn ki tre enportan e i en size ki mon krwar i dan labous tou dimoun, mon krwar sa i leka, akoz ozordi Seselwa i *at the receiving end of* en kantite lenzistis ki annan dan nou *trading system*.

Annefe dan preski tou domenn, preski tou sekter i annan sa bann lenzistis ki ganny pase, ouswa ki afekte konsonmater Seselwa. Mon koz primordialman lo konsonmater Seselwa, akoz nou ki viv isi me osi nou bann konsonmater bann dimoun ki vizit Sesel,

bann touris ki vizit Sesel. Dabor i annan en kantite.

Me solman Mr Speaker mon pa oule zeneralize, mon pa pou oule met sa koman en *comment* zeneral, mon anvi dir ou si ki dan bokou lenstans dan diferan sekter diferan domenn se pa tou bann operater ki, ouswa bann *traders* ki malonnet e ki pran lavantaz lo konsonmater. Pa tou. Nou konnen sa.

Me solman i a en kategori - i annan en group ki swa dan sekter *trade* - *I mean retail* ki swa dan sekter *wholesale*, dan *services*, ouswa mon al en pti pe pli detaye dan konstriksyon.

I annan serten operator ki ozordi pe pran lavantaz lo konsonmater Seselwa. Alors Mr Speaker sa *Bill* pou mwan i enn ki tre enportan, i en *Bill* ki vreman gran parey in ganny dir i en gran *Bill* bokou, bokou keksoz ladan e i adres en miltitud keksoz e *to be fair* i adres bokou keksoz ki pou mwan i pertinan ozordi Sesel.

Enn bann keksoz ki i adrese se letablisman Tribunal. Dan lepase nou'n toultan ganny dir e bokou konsonmater osi in santi i *feel* ki poudir Komisyon ti swa napa ledan ouswa Komisyon ti war li dan serten difikilte pou kapab delivre serten, serten pa zizman me

result akoz petet ti mank serten keksoz pou zot kapab fer sa serten travay, efektivman.

Alors ek letablisman en Tribunal mon santi ki petet keksoz i ava kapab bouz en pti pe pli byen dan en serten direksyon. An term rann lazistis pou an konsonmater ki'n ganny afekte. Me zis annan en Tribunal, zis kre en Tribunal i pa neseserman - *i part of the solution* i enportan, me i pa neseserman sa solisyon 100poursan si napa par deryer.

E la mon pe dir kot Komisyon - si napa par deryer en tim, ouswa kapasite mon anvi dir li en larme dimoun ki travay avek ou pou kapab fer sa travay dan *background* pou kapab anmenn keksoz fini kot en Tribunal.

Akoz ler mwan par egzanp mon vini mon fer mon konplent, mon dir swa en kontrakter in kas kontra avek mwan, ouswa mon santi ki i annan serten kolizyon parla. E mon ganny afekte koman en konsonmater. Ou bezwen kapab annan abilite pou *investigate*, abilite pou idantife sa ki mon pe dir si i byen pou *investigate* e pou evantyelman anmenn sa ka devan.

So sa i nesesit en kantite resours - en kantite resours ver Komisyon pou kapab fer sa

louvraz. E mon swete ki si nou pe siport sa *Bill* nou bezwen annan sa resours ki al avek sa travay ki bezwen ganny fer. E pou mwan i primordyal, akoz sa travay si i ganny fer byen i pou a benefis 95mil ekek Seselwa ki pe konsonm *goods* avek bann servis isi Sesel, *plus* lezot etranze ki vizit Sesel.

Lalwa i koz en pti pe osi Mr Speaker lo *unfair contract*, bann kontra ki pa zis. I annan bokou dimoun, pa tou dimoun ki kapab enterpret en kontra dan tou son sans, dan tou sa ki i dir tou son bann term. E souvandfwa i annan dimoun, i depan lo sa dimoun ki pe donn li sa kontra pou li, konmsi sa dimoun in fer li *in good faith*.

I depan lo sa dimoun, mwan mon en kontrakter i depan lo mwan pou donn li en kontra *in good faith* e ki sa servis ki sa kontrakter pe delivre i vin dapre sa kontra. Me souvandfwa i pa le ka. Nou konnen pa dan tou ka, me i annan de sans dan de fwa kot i pa leka.

E sa dimoun i war li ouswa detrwa dimoun i war zot dan en sityasyon kot zot in depanse, kot zot in tir zot *life savings*, kot zot in pran gro *loan* e apre zot ganny dezapwente dan milye semen avek en dimoun ki dezonnnet, en dimoun ki'n fer en

kontra ki mwan mon ti pe *trust* li, ki sa kontra ti dir tou sa ki neseser i bezwen ganny dir.

E la mon anmenn li devan mon war ki poudir lazistis swa i pa ganny delivre, ouswa i tarde ganny delivre. Mon war *Bill* i koz lo la e mon *hope* ki sa seksyon dan *Bill unfair contracts* i enn ki for ki morde, e ki kapab dil avek sa bann dimoun dezonnent ki fer bann *unfair contracts or* ki kas bann kontra dan milye semen.

I koz en pti pe osi lo *dominant market position*. Nou en pti pei nou, nou en pti pei e souvandfwa i annan serten domenn ki si en dimoun i antre ladan ouswa 2 dimoun, 3 dimoun i antre ladan, apre i difisil pou lezot dimoun antre. e sa bann dimoun swa akoz natir sa landrwa kot zot in antre zot ganny serten dominans, ouswa *power* ki zot annan an term finans zot fer ki lezot dimoun pa kapab antre.

E zot domin sa marse, e ler zot domin sa marse zot fer preski dir sa ki zot anvi avek konsonmater. Konsonmater si i en prodwi ki mon pa neseserman bezwen konsonmen mon pa konsonmen. Me souvandfwa dan sa bann ka i bann prodwi neseser e konsonmater li i war li ankor *at the receiving end of* en kantite dezavantaz, lenzistis

kot i napa gran keksoz ki i kapab fer.

E mon swete ki sa bout *dominant market position* i a kapab met bann mekanizm, devan pou protez konsonmater kont sa bann *traders or business people* ki abiz zot pozisyon dominan.

Souvandfwa ler nou koz lo konpetisyon *fair trading* nou koz en kantite lo bann laboutik. Nou koz en kantite lo bann par egzanp lavertisman, *labelling*, detrwa Manm ki'n koz lo bann *labelling* lo bann keksoz ki i pa fer sa ki i dir ou bwat, bwat i kapab dir ou bef ladan i kapab annan kabri.

So i sa bann keksoz koumsa ki mon *hope*, mon *hope Bill or Lalwa* ler i pe vin Lalwa i adrese. Par egzanp Mr Speaker ozordi kot ou pase ou tou laboutik ou war sitan, konmsi nou pe ganny bonbarde ek en bann *advertising*, sakenn i met son bwar sa enn i pli bon, lot i pli bon lot i pli bon, tou sord kalite, tou sord kalite *advertising*.

E zanfan pe pase lanmenm, nou you letan ou adilt nou fer nou swa me solman sa ki nou pe war obor laboutik sa bann *advertising* la i pa zis adilt ki war, se bann lezot zanfan pe war en kantite bann prezan i *very glossy* i

atrakte ou, i atrakte dimoun pou *purchase* sa bann keksoz e i danzere sirtou pou lazene.

Mon pa konnen si sa bann bout *advertising* dan Lalwa i dil en pti pe avek bann *advertising* par bann marsan, par bann diferan lakonpannyen. Zisteman pou protez en pti pe kategori popilasyon ki petet pa devret pe ganny *subjected to* sa bann kalite *advertising*.

Labelling parey mon'n dir i *doesn't do what it says on the tin or whatever*, dan bann laboutik bann komodite ki sorti dan en pei petet *manufacture* dan en pei kot nou pa konpran sa langaz. Mon krwar avan Lalwa ti dir fodre swa an Angle swa an Franse swa an Kreol.

Me ozordi nou laboutik i plen avek en kantite bann keksoz ki nou pa konpran ki ekrir lo la, selman nou aste akoz zisteman *advertising* i *entise* ou, ou konnen en pti pe apepre s i parey sa ki ou abitye aste e nou aste.

Me nou bezwen annan serten proteksyon - konsonmater i bezwen annan serten proteksyon kont sa bann zafer. E la mon pou siport s aki in dir *from Customs. PS Trade* i la *from Customs*. Zot bezwen idantife sa. Zot bezwen tire or fer retournen si i napa an konformite avek Lalwa.

Akoz sansan demen se Mr Lebon ki pou al ganny difikilte pou li al fer letour dan tou laboutik al gete lo sa bwat min i ekrir Angle ouswa si i ekrir Sinwan ouswa *Thailand*, ou konpran? So nou bezwen koup li from kot i sorti - *from source* pou protez konsonmater Seselwa.

Mon'n koz lo detrwa keksoz Mr Speaker, me solman en keksoz ki mon i a vreman anvi koz lo la ozordi en keksoz ki tre enkyetan Sesel e nou tou nou koz lo la, me solman mon pa war gran, gran zafer ki ganny fer.

Sa i sa zafer *cartel*, mon'n sey *search* dan sa *Bill* mon pa'n war. Sa zafer *cartel* la, or eski vreman *cartel*, me selman nou, nou dir li *cartel* dan son *broad definition of cartel* sa ki nou pe war nou apel li *cartel* nou *ok?* (Pa *disturb* mwan ! Pa *disturb* mwan silvouple Onorab Henrie, les mon kontinyen)

I konsern *cartel* avek *price fixing* e osi bann *collusion*. E sa i prensipalman Mr Speaker prensipalman dan sekter *retail* avek *wholesale*. Ozordi sa sekter i kontrole pre dominen par serten group dimoun e ou pa pou antre ladan. Ou pa pou antre ladan. Zot pou *muscle* ou *out* si zot war ou pe antre ladan.

*So basically, si en pti lakonpannyen i annan son pti zafer ki i fer lokal i sey met dan laboutik, difikilte. Difikilte. Al dan laboutik ozordi mon donn zot en senp legzant e mon pou dir delo, boutey delo, get dan tou sa laboutik anba ki ou pou war, i fer sir i annan en kategori ki i vann premye. I met la i *display* toulstan la. Mon pa pou mon non. Selman mon pou dir delo i enn.*

Mr Speaker sa zafer *cartel* la pou mwan i pe afekte en kantite nou konsonmater Sesel. *Wholesale* i ganny kontrole, *retail* i ganny kontrole, e dan sa prosesis pri i ganny kontrole e i annan kolizyon. Mon santi i annan kolizyon e mazorite konsonmater Seselwa i santi sa kolizyon.

Me solman nou, nou napa sa lekspertiz pou nou kapab al war, al idantifye al *investigate* e dil ek sa bann zafer. So nou anvi ki sa Lalwa ozordi la ki nou pe, koz lo la sa Lalwa i fer sa pou nou. Nou anvi ki i fer sa pou nou i kase *once and for all* tou sa bann *cartel* ozordi ki pe fer nou lavi soufer.

Tou sa bann *cartel* ki ozordi pe ede pou ogmant pri lavi. Fodre ki sa *Bill*, fodre ki sa *Bill* i fer sa akoz sanson i pou zis en lot Lalwa ki nou pe pase devan Lasanble ki *look very nice*

e ki i napa ledan *or* i pa reflekte deor benefis pou pep Seselwa.

At the end of the day sa ki nou fer, *whatever* ki nou fer la anndan, se pou benefis pep Seselwa pep ki'n elekte nou, *well* mazorite zot i ganny elekte me solman nou osi nou la anndan. E nou koz pou zot. Fodre ki sa i dekoul laba deor, fodre ki sa i dekoul dan sa bann laboutik, fodre ki sa i dekoul dan sa bann *wholesale*, fodre ki sa i dekoul laba kot sa bann kontrakter *or* menm souvandfwa nou koz lo sekter prive.

Me i bezwen dekoul osi kot *PUC*, i bezwen dekoul osi kot *SEYPEC* kot pe donn en servis. I annan en konsonmater ki pran en servis, sa osi nou bezwen gete. Fer sir ki pa akoz i annan en *dominant position* eski ou pou, mon pa pe dir zot pe abize mwan en, me pa akoz ou annan en *dominant position* ki nou pou zis dakor avek sa ki ou fer, nou bezwen fouye e gete eski i *ok*?

So Mr Speaker mon pou *wrap-up* la mon krwar lesansyel ki mon ti anvi koz lo la, mon ti anvi koz lo ki *Bill* ler nou pase i annan sa lafektivite deor. Mon'n anvi koz en pti pe lo *cartel* akoz nou konnen poudir sa zafer *cartel or kolizyon price fixing* i

enn ki *real* la deor, i serye e pe afekte en kantite dimoun.

E mon'n anvi osi koz lo donn sa resours ki Komisyon pou bezwen pou kapab fer sa louvraz e enplimant sa *Bill* ki la ki pou vin Lalwa pou li kapab fer sa travay ki swa Komisyon ki swa *Customs* pou nou aret li *from source*.

E fodre ki zot ganny sa pouvwar, *well* pa pouvwar, Lalwa i donn ou pouvwar me sa resours pou zot kapab fer sa keksoz. Alors Mr Speaker avek sa detrwa pi mo mon *hope* ki ot in konpran mwan, mon pa neseserman anvi negativ anver sa. Mon krwar i en Lalwa dan en bon direksyon pou benefis tou Seselwa.

So mon tant pou mon dakor avek sa Lalwa. Petet i annan serten pti keksoz me selman an zeneral mon krwar sa Lalwa i en Lalwa ki pou benefis pep Seselwa. Mersi bokou Mr Speaker.

MR SPEAKER

Mersi Onorab. Bon nou a pran poz la e nou a repran deba 4er.

(BREAK)

MR SPEAKER

Bon, mersi tou bann Manm. Mon annan Onorab Arissol ek Onorab William lo sa

kote. E lo lot kote Onorab Loze ek Onorab Aglae, apre nou a ganny le 2 *Leaders* pou *wrap-up*. Onorab Arissol ou premye.

HON SANDY ARISSOL

Mersi Mr Speaker, Bonn apre midi ankor enn fwa e bonn apre midi tou bann konsonmater ki pe ekout nou, spesyalman dan distrik Bel Ombre.

Mr Speaker mon ti a kontan premyerman aport mon sipor pou Minis Finans ki avek nou isi devan, pou bann travay ki i pe fer, e an relasyon avek bann kalite *Bill* ki i pe anmenn devan Lasanble Nasional.

E mon asire ou avek ou lekip ou pe fer en travay zisteman pou gid pei en pti pe an relasyon avek bann Lalwa modern, pou asire ki pei i bouz lo sa lot *step* en pe pli devan.

E ozordi nou pe pas en *Bill* ki i annan pou fer avek bann konsonmater. E nou tou nou en konsonmater, mwan mon en konsonmater.

Dezyenmman mon ti a kontan felisit Mr Lebon, pou sa bann bon linisyativ pou nou ozordi annan en Lalwa ki enkorpor plizyer keksoz e spesyalman parey nou tou nou'n koze, se annan pou fer avek nou bann konsonmater.

Mon premye pwen ki mon ti a kontan met lanfaz lo la ki'n deza ganny touse, se ou konnen, souvandfwa letan nou pas bann Lalwa, dimoun i tourn an ron, an relasyon avek par egzant kote lokasyon Mr Lebon i sitye. Ki son *room number*.

Ki zot limero kontak. Kote ki mon ale koman en konsonmater pou mon war Mr Lebon?

Mon krwar i ava enportan dan *summing-up*, zisteman pou nou kapab pas sa kalite lenformasyon avek nou publik ki pe ekoute. Mon kontan i annan en pwen lo ledikasyon.

Eski i annan sa rol ledikasyon, eski i annan en bout dan Bidze ki nou donn zot ki annan pou fer avek ledikasyon konsonmater, letan an menm tan nou pe pas bann Lalwa?

Dezyenmman, mon ti a kontan letan nou pe pas sa Lalwa, parey in deza ganny dir, souvandfwa i annan fristrasyon lo lafason ki Lalwa i ganny met an plas, i ganny met an pratik.

Sesel letan en konsern anmenn en *case Ankour*, tou dimoun i dir ek ou, be la si pe al Ankour, *hm*, kan mon pou al ganny rezulta? Kan ki nou pou ganny zizman?

Mon pe swete la mwan ozordi, ler mon pou lev mon

lanmen pou donn sipor sa Prozedlwa ki devan nou, i ava annan en dele letan pou bann konsonmater, sirtou ki'n ganny afekte atraver plizyer prose dan lavi, pou zot kapab ganny en rekour avek sa Lalwa ki nou pe met an plas, pou bann difikilte ki zot fer fas avek.

Sa i en dezyenm pwen ki mon ti a kontan koz lo la, se dele letan ki i ava annan avek sa Mazistra ki nou pe ganny dir dan Lalwa, pou dil ek bann case.

Trwazyenmman mon ti a kontan demann avek zot, si letan nou pe pas sa Lalwa, zot annan ase mendev par egzant? Mendev, sa osi i enportan ozordi.

Dimoun i dir zot anvi vwar nou, ozordi dan magazen ler ou fer letour Bel Ombre, mazorite letan mon war bann sanniter ki pe pase.

I pe dir ek ou fodre met en *net* avek ou *store*, fodre tir sa grabo la, met en lot landrwa.

Oubyen pas anler kot Mr Ciseau i dir ek li, arh ou annan 2 koson ou pe sonnyen, fodre ou *get rid* avek *14 days*. Eski *FTC* anba sa Lalwa zot pou annan ase mendev pou asire ki sa Prozedlwa ki nou pe siporte ozordi, pou ganny met an pratik?

Par egzanp, toultan mon ti sizer en *taskforce* avek Imigrasyon. Parey toultan nou souvandfwa nou vwar dan bann programm ki pase lo televizyon, i annan bann pei ki etablir bann *taskforce* par egzanp, pou dil avek bann imigran ilegal dan zot pei.

Eski a lavenir *FTC* ansanm avek tou kolaborasyon bann lezot partner dan Gouvernman, nou ava annan en *taskforce* spesyal ki a ganny etablir, pa neseserman, *full time*, zis parey letan i annan eleksyon, i annan bann ansenyan, lezot profesyon ki ganny swazir pou dil avek eleksyon.

Ler i annan resansman, i annan bann group dimoun ki ganny swazir, zis pou dil avek resansman a en peryod letan.

E mon ti sizer sa avek Minis Imigrasyon in *regards to* bann etranze ki viv dan nou pei, an relasyon avek en *taskforce* spesyal.

Be la mon pe demande si *FTC* avek tou sa novo prosedir ki nou pe pas atraver, pou zot kekfwa mazin a lavenir, an diskisyon avek Gouvernman, pou nou annan en *taskforce* ki ava ede avek sa travay.

Zisteman parey bann pwen in ganny fer resorti, nou

pa ganny en bwat dile ki'n ploye ki ankor lo letazer.

Nou pa ganny bann prodwir ki napa pri lo la, ou bezwen lev anler, zot konbyen sa boutey delwil? Konbyen sa?

Sa, tousala i ava efektiv pou nou bann konsonmater. E letan nou ava annan en *taskforce*, i a donn en pti koudmen La Digue par egzanp. I a donn en koudmen Praslin.

Pou ki bann bwat kartron ki sorti La Digue, ki desann lo Cat Cocos, pa konnen ki i annan ladan, finalman zot a konnen ki i annan dan sa bann bwat kartron.

Lekel ki'n gannyen? Pou ki, kot pe ale? Ou konpran? Prezan bann ki annan en pe dout lo la, zot dout a kapab sorti.

So i ava enportan dan sa laliny letan nou pe travay ansanm, pou asire ki bann konsonmater, enkli lezot dimoun ki fer sa biznes nou a kapab lo menm semen, oubyen pe desann lo menm bato pou nou vin Mahe.

Me pa en bann pe desann dan lavann parey Bonm Boutyou lontan. Mr Speaker mon ti a kontan tous lo en de pwen ki mwan mon'n tann koz lo la, ki mon krwar i enportan.

Se i annan sa ki nou apel sa *cash machine* la. Kot letan

en konsonmater i al magazen, nou vvar bann marsan ankor pe servi en gro *calculator*, oubyen pe mark pri lo pa pe, apre i azoute.

So mon pe gete anba sa Lalwa, kekfwa kote sa i rante, pou ki, Premyerman sa konsonmater i ganny en resi pou sa prodwir ki in aste avek pri detaye lo la.

I kapab al konte deor, swa dan son transpor, swa kot son lakour.

Dezyenmman atraver sa *cash machine*, i ava fer ki Minister Finans ek SRC, zot a konnen bann depans ki arive, kot *tax* i antre.

Parske nou ti ganny dir 2an pase, 3an pase, poudir i annan environ 70poursan marsan pa pey *tax*.

Parske zot deklar zot lekor faid an relasyon avek bann prodwir ki zot vann. Apre mon ti a kontan, letan nou pe koz lo sa Prozedlwa, mon'n tann koz lo an relasyon avek pri, i annan ozordi 2 pri.

Letan mon al aste en tiket i dir ek ou, sa tiket i kout R460. Be letan ou fini pey ou tiket, ler ou get ou pri total, in fini azout VAT avek, i tonm en lot pri.

So sa osi mon krwar anba sa Lalwa i ava enportan. Pou ki letan mon ariv lo kontwar, kontwar in fini donn mwan mon

final pri, R460 pou tel prodwir, oubyen sa tiket ki mon'n aste.

Sa i en lot pwen ozordi ki mon pe mazinen an relasyon avek sa Lalwa, letan mon pe koz konsonmater, sirtou bann dimoun Bel Ombre ki pe ekoute, bann kalite prodwir ki nou'n tande, ki rante dan pei.

Nou'n koz lo manze, be nou annan latizann, bann kalite latizann ki nou annan dan nou bann *pharmacy*, eski ozordi zot alaoter?

Oubyen senpleman akoz ou'n ganny *license pharmacy*, alor ou kapab vann kalite, nenport ki kalite latizann? Sa osi i en prodwi.

Lasirans, kote Lalwa, i antre pou ban lasirans par egzanp Letan mon en konsonmater, mon'n pey R25 mil pou mon lasirans tou le-z-an, i desann, i desann, e ou kontinyen pey lasirans.

Selman dimoun, nou taye nou pey en lasirans gro sonm, ki pa neseserman nou pe ekspekte en keksoz ladan.

Be selman letan pou annan en pti kontribisyon pou nou fer an relasyon avek Fon Pansyon pou nou ganny bokou, nou kriy lasasen.

So mon ti a kontan konnen kekfwa anba la, kote i rante an relasyon avek lasirans Mr Speaker?

Lot keksoz mon ti a kontan koz lo la, mon'n tann tou dimoun nou'n koz lo komodite, nou'n koz pri, kalite komodite.

Be i annan en keksoz i enportan, nou bezwen koz lo la. Se bann vander ki vann nou sa bann komodite dan laboutik. Kalite vander ki vann nou bann prodwi dan laboutik.

Ozordi Sesel, ler ou antre dan en magazen, ou zwenn en vander, Endyen par egzanp, ki pa neseserman konn koz sa 3 lalang ki mon vwar dan Lalwa. Ni Kreol, ni Angle, ni Franse. Kote i antre ladan li.

Eski Minister Finans avek Minister Entern ki get Imigrasyon, eski i annan en travay ki pe ganny fer lo la, pou nou asire ki kalite dimoun ki pe rantre dan komers, ki ede, zisteman pou nou pa ganny en bwat kraze lo letazer.

Pou nou pa ganny en prodwir ki napa pri lo la. Pou nou pa ganny en laboutik, akoz in ouver en dezyenm, en trwazyenm, i napa en *cash machine*, be i ankor pe servi en *calculator*, sa konsonmater i perdi.

So, mon anvi konnen si anba sa Lalwa, letan Minis i fer son *summing-up*, si nou annan. Nou osi pe fer en travay avek Minister Imigrasyon pou gete

kalite dimoun ki pe rantre dan nou pei, pou vin fer sa bann travay dan bann magazen, dan bann *wholesale*, pou asir en bon kontinyite e en bon servis pou nou bann konsonmater.

Mr Speaker lot pwen ki mon ti a kontan koz lo la, se an relasyon avek bann kontrakter.

Ozordi souvandfwa bann dimoun i konplent, i dir ek ou, mon'n pey len kontrakter, mon'n, donn li mon larzan.

Me ler mon'n donn li mon larzan, in vini in fer en, bout travay, in arive ziska lo leto, al leto pa ankor fini, i dir ek mwan i pa kapab. I annan en kantite leskiz ki i arive.

E la mon krwar ankor *FTC*, Minister Finans avek *Licensing*, i ava annan sa rol pou zot zwe, pou zot en rol kordinen.

Mon pe dir sa Mr Speaker, parske ou konnen Sesel, nou'n pas en kantite Lalwa nou, kantite Lalwa, parey in ganny dir - zoli Lalwa.

Be selman parfwa pou met li anmars i en problem. Legzanp i kler. Ozordi dan Sesel, konbyen magazen, konbyen magazen ki'n perdi son *license*, akoz?

Vann, lalkol oubyen sigaret avek zanfan anba laz. Oubyen, konbyen magazen ki'n perdi son *license* oubyen ganny

sispann, akoz i pe vann bwar ki pa dan ler vann bwar ?

Nou tou nou konnen, nou touy nou konnen dan distrik. Be zis bann Lotorite ki paret pa konnen.

So mon anvi donn Minis en garanti poudir mon pou siport sa Prozedlwa, parske i pou tou son bann konsonmater dan mon distrik ki ganny afekte.

Premyerman parey mon'n dir, pou zot konnen kot zot ale, kote Biro Mr Lebon i ete, ki limero lasanm i ete, ki mannyer i kapab ganny limero Mr Lebon atraver limero telefon.

Dezyenmman pou mon bann konsonmater konnen poudir letan i pou anmenn en case Ankour case pa pou trennen, pou trennen, pou trennen.

Me i pou annan en dele letan ki i kapab omwen ganny en keksoz, pou dir wi, son case i an mouvman e pwen pou ganny, i a ganny en larepons pli tar.

Trwazyenmman, an relasyon avek bann kalite prodwir ki pe antre dan pei. E mon kontan *Trade* i la. Kalite prodwir ki pe rantre dan pei.

Fodre pa Sesel i ganny gete koman en *dumping site*. Kot tou keksoz ki lemonn pa

oule, anvoy Sesel, bannla i aste laba.

Kantmenm ou met en *basket* deor laboutik, in fini ekspire, parey Onorab Lemiel in dir, be sa Seselwa pou pran menm li, i pou aste li, zet laba, anvoy Sesel.

Mon krwar i pou enportan pou nou komans Sesel premyerman, *Customs*, deza lo Por, annan en anmare. Sa prodwir pe rantre, pa standar, pa devret rente.

Dezyenmman i pou bezwen annan en lesion pou nou bann konsonmater, pou dir get sa, premyerman ou bezwen konnen ki ou pe manze, ki ou pe aste pou ou zanfan.

Si ou war in ekspire ou pa kapab anmenn en keksoz ekspire pou ou zanfan, ou pe al touy ou prop zanfan.

I bann ledikasyon, e osi i ava enportan pou nou bann konsonmater kommans anmas zot resi.

Souvandfwa nou al magazen, nou pey nou komisyen, nou sorti e nou ale, apre ki nou fer rezon poudir be in sarz mwan an plis, oubyen in sarz mwan mwens, in tap mon 2 boutey delwil, kan mon'n pran zis 1, tousala.

Mr Speaker, mon krwar poudir i en zoli *Bill*, en gro *Bill*, letan nou'n pas lo la, i annan en

kantite keksoz ki'n enkorpore ladan.

E parey in ganny dir, e mon osi mon ava met lanfaz lo la pou espere poudir lanfaz, i ganny mete.

Ki *Bill* i ganny met an aksyon e ki i annan en keksoz ki ganny fer an relasyon avek bann konsonmater. Bann konsonmater in ganny abize pou plizyer lannen.

E la mon swete si mon donn sipor atraver sa Prozedlwa Mr Speaker, i ava annan en rekour pou bann dimoun ki bezwen rekour.

Sirtou bann dimoun ki en pe pli aze, bann dimoun avek en dezabilite, e osi lezot dimoun ki servi bann fasilité an relasyon avek en prodwi, oubyen dan biznes.

Oubyen menm dan kontra e lakaz en konstriksyon ki ou'n fer. Mon ava aret la Mr Speaker. Mon a, donn sans lezot Manm.

E kekfwa dan *Committee Stage* mon a kapab fer rantre detrwa pwen an relasyon avek sa Prozedlwa. Selman Minis mon pou don ou *full* sipor Prozedlwa. Mersi bokou.

MR SPEAKER

Mersi Onorab. Aprezan Onorab Loze.

HON JOHAN LOZE

Mersi Mr Speaker. Bonn apre midi Mr Speaker, bonn apre midi tou dimoun a lekout.

Mr Speaker a sak fwa ki mon met on sa *micro*, mon santi mon enspire par mon koleg Sizyem Lasanble, Onorab Jany Letourdie, ki ti deza prononse devan Lasanble, konmkwa ki nou bann parlmanter e ki nou la pou nou *parler*.

Mr Speaker Lalwa Komers Zis ti vini koman parti bann reform anba re programm reform makroekonomik 2008, 2009. Ofet si mon pa tronpe, i ti ganny ennakte an lannen 2009 dan son versyon orizinal. E sa ti vin si ou oule en *deregulation of* sistem ki ti la an plas avan ki ti pri kontrol.

E la mon servi sa mo *deregulation* dan son sans of a *reduction or elimination of Government powers*.

Akoz pri kontrol li, i ti en pouwar preski absoli ki ti dan lanmen Minis, ki ti dikte en maz profi ki zot ti kapab, ki ti kapab ganny fer par bann komersan. E sa ti ganny kontrole e *enforced*.

Be i ti en blunt *instrument*. I ti en, *simplistic instrument* ki ti sorti dan en lepok, en letan plis senp.

E ou pe koz ou en lepok kot nou ti pe, ler li pri kontrol ti ganny met an plas, Sesel ti ankor pe *struggle* pou menm *set up* en *minimum wage*, pa ti ankor met an plas.

Sekirite Sosyal ti'n ganny met an plas koman en pansyon iniversel. Be benefis sosyal li menm, i pa sa ki nou annan la ozordi.

So i ti en lenstriman kontrol marse pou azir an proteksyon popilasyon, ki parey mon dir, ti en *simple - simplistic blunt instrument that was made for simpler times*.

E lakantite akter osi ki ti annan *back then*, i pa ti sitan bokou. Be ankoz ou ti bezwen vvar en zouti sitan for osi sa bann letan, se ki *contrary to* zistwar ki nou ganny rakonte souvan, Sesel ti en *Agrarian society*, en kantite dimoun pa ti dan lanplwa.

Larzan dan lekonomi pa ti pe ronfle parey i annan ozordi. Me sa ti son kondisyon sa Sesel, ti son lekonomi *back then*. Sa i pa politik ki mon pe fer, be zis la realite.

Ou pe koz ou en lepok kot lamazorite later lagrikiltir si ou pou al get son denotasyon ofisyel, later lagrikiltir sa bann letan ti apel '*land under coconut*'

E sa ti ankoz la mazorite later lagrikiltir ti pou plantasyon koko. En lendistri ki li menm li i ti'n *collapse*, ki ti'n kit lekonomi Sesel dan en *doldrums*.

Lapes komersyal pa ti ankor komanse, li i ti lans dan 84, 85 an montan. So ti bezwen sa lenstriman pri kontrol *back then*.

Be la nou dan en letan pli modern, pli *cosmopolitan*, nou annan nou bann Minis ki premye dan Lafrik. E kestyon se, eski nou bezwen bann *blunt instruments* pou protez nou popilasyon?

Ouswa eski nou bezwen bann lenstriman pli fite, pli sofistike, pli modern, pli *cosmopolite*, pli *polyglot* ki kapab ganny aplike dan sa letan modern ki nou ladan dan en letan kot ou war pri lo *white goods* pe bese.

Be it son fridge, son loto, son televizyon, be sa delwil ek sa dile ki Kreol i servi toulezour ek son lantir, li i pe ogmante.

So, eski nou bezwen bann lenstriman fite pou sa letan ki nou pe viv ladan, pli adapte? E eski sa bann lenstriman i pou efektiv e kapab ganny servi?

E lot kestyon osi ki nou kapab koze, eski sa ki la devan nou ozordi i sa lenstriman?

Eski i pou annan proteksyon dan sa 3 Lalwa ki'n ganny konsolide ansanm, e ki devan nou Lasanble ozordi, ki mon prezimen nou pou bezwen siporte nou tou, donn en koud pous anver devlopman nou sositete e proteksyon nou pep?

Eski nou pep pou vvar sa proteksyon ki i pe reserse ouswa Lepep Seselwa pou kontinyen parey i ete ozordi, bezwen kontinyelman pran son problem anmenn kot larkwa e depoz laba ouswa li al apiy baro simityer. Akoz sa i le ka ozordi. Se sa sityasyon ki nou ladan. Nou'n pas resaman *Financial Consumers Protection Act*.

E la ozordi mon tann kestyon i leve ankor lo lasirans. Be menm si nou'n pas *Financial Consumers Protection Act*, li *Financial Consumers Protection Act* i pa fer bann provizyon pou protez nou pep *to the extent*, ki nou pep li i pa adres keksoz ki nou pep i anvi ganny adrese.

E bann lenstitisyon zot menm, eski zot servi lenstriman finansyel ki zot Annan? Esiki zot annan kouraz pou zot fer louvraz ki zot sipoze fer?

Akoz letan ou get Labank Santral, e ler ou get lentere ki bann labank pe sarz Seselwa, letan ou get sa bann *spread*, i kler, Labank Santral i *non-confrontational*, i pa anvi antre

dan tousala, i les labank komersyal fer sa ki labank komersyal i annan pou fer.

E nou Lepep Seselwa nou ganny dir, be marse lib. So basically there again Seselwa i bezwen pran son problem anmenn kot larkwa.

Akoz Lezislasyon i la, Onorab Arissol i annan rezon, Lezislasyon i la. Nou pase Lalwa nou, nou tou la anndan Manm Lasanble Nasyonal nou lev lanmen anler, nou pas Lalwa.

Nou donn Gouvernman, be it Gouvernman avan, ouswa Gouvernman la, be it sa faceless body ki apel ou civil service, nou donn zot nou bann zouti pou travay avek.

Be apard Lalwa, eski zot, zot annan kouraz pou adres problem pertinan ki tous sak fanmir Seselwa ozordi?

Eski ler *PUC* i fer mon vwazen ki napa *aircon* pey mon *aircon*, kote i ganny adrese sa? Akoz se sa ki arive mon krwar.

Tou dimoun ki napa *aircon* in ganny dir par *PUC*, konmkwa be la ou *Bill* in monte akoz Mars ti en mwan so e *aircon*. Be i napa *aircon* li, preznan li kot i ale li? Ki mannyer sa i ganny adrese.

E nou tou nou koz lo komers, lo komersan, nou koz lo *wholesalers*, nou koz lo

retailers. Be ki mannyer keksoz koumsa i ganny adrese?

Eski i ganny *pick-up* dan sa Lalwa ouswa nou kontinyen pran nou problem al depoz kot lakra menm? I annan en kantite koze mon'n tandem la ozordi.

In fact mon'n limit en pe mon prezantasyon pou mwan, akoz i annan en kantite keksoz ki'n deza ganny dir, e mon napa - pou evit repetisyon.

Be i annan en kantite keksoz ki pe ganny koze lo *cartel*, lo *price fixing*, lo bann diferan term ki dan sa Lalwa ki adres sa bann keksoz.

In fact letan ou get li, i en Lalwa gro mo li. Be avek tou sa bann gro mo, ki mannyer eski nou adres?

E la mon oule Lepep Seselwa ekout mwan byen, konpran mon en - pa krwar mon pe fer zis politik. Mon pe sey adres konsern sa pep mwan.

Ki mannyer nou adres sa sityasyon, kot en lasosyasyon komersan i debout *State House*, i konplent lefe ki Seselwa, konsonmater i al kot *wholesale*, i fer son konmisyon le mwan.

E deswit i ganny en larepons par mazik konmkwa sa pou al arete sa. *Wholesale* pe ganny demande ki de

maintenon i pou vann zis avek license holders.

E sa bann fanmir la ki groupe, 3, 4 pran en pirat desann al laba kot SIBA, ouswa al kot STC *wholesale* fer zot konmisyon.

Ki mannyer zot ganny en rekour zot? Prezan sa Minis ki ti dir sa, ti *point* lo en lot son koleg Minis ki ti dir i an diskisyon avek pou fer sa. Be ozordi son koleg Minis i vin prezant nou sa *Bill* ki la.

Be letan lasosyasyon komersan i debout nou tou en, *brazenly* i debout devan nou tou, *State House* i fer *lobbying* avek pouvwar, menm pouvwar ki ozordi anmenn Lalwa Proteksyon Konsonmater devan nou, ki ladan i koz ou *collusion*, i koz ou adres *cartel*, i koz ou tousala.

Kote sa madanm li ki i osi i mont lo televizyon, i dir ou ozordi napa laboutik pou malere, nepli annan magazen pou malere. Be li kote i ale li? Kan Lalwa ki la pou adres *collusion* i ganny anmennen par Minis, ki li in ganny trennen pov Minis i osi dan en *collusion* devan nou tou lo televizyon.

E la mon pa konnen si sa i en *cartel* - se kii ete. Nou annan nou en kantite servis ozordi ki i bezwen ganny adrese.

Be ennler nou menm nou bann konsonmater nou pa konnen ki distans e limit nou drwa.

De fwa ou koz avek kliyan *PMC*, i dir ou be, bann *rates PMC*, li in siny en kontra ek *PMC*, *PMC* li i kapab deside sanz son *rates at any given moment*.

Be dimoun i annan *trust*, sa Gouvernman, pou li sa Gouvernman. I in fer en kontra avek Gouvernman. E se sa, koumsa nou pep i ete. Be sa kestyon *PMC* osi i bezwen ganny adrese li.

Zis parey Onorab Arissol in lev kestyon lasirans. I annan bann bout ki bezwen ganny anmase, adres e *dealt with* par nou sosyete.

Mr Speaker mon pa pou long, be selman mon pou *remiss* si mon pa tous lo *STC*.

Dan Sizyem Lasanble, i annan en msye, enn nou *ex koleg* Onorab, ki ozordi i byen plase dan lasosyete, i asiz anler menm laba o bor pouvwar, ti dir nou en keksoz, e i ti eksplik nou sa tre byen.

I ti dir nou ki se *STC* ki pe ogmant pri lavi. I ti eksplik nou poudir *STC* i set en pri ase o e tou marsan i vini i kal anba la.

At the time ler i ti pe dir sa, *huh*, nou ti dir be sa boug en boug difisil en ler li osi, i difisil, in ladan, in dan Finans, in

ansarz sa bann keksoz, la prezan ozordi ki i vin dir nou sa? Tou sa letan i ti la i pa ti war?

Bon, be ou konnen, finalman ou realize, i pa ti manti li *cette homme*, i pa ti pe koz mansonz. E in servi sa pou *drive* - ede *drive* sa sanzman ki ti lo son azanda, ki i ti pe serse.

Be ler ou gete, in vin en sanzman ki pa'n sanze, sanzman in plito ranplase. Akoz ozordi ki ou vvar, *STC* in *set-up* son *cartel RRP*, e wi mon pou servi sa mo *cartel*.

In *set up* son *cartel RRP*. Li menm li in met son pri pou son *RRP*, e en keksoz enteresan in pase.

STC in deside son *RRP*, par sa pri, i fer monte par en minimonm R10 a R15, i vini i plak en *sticker* blan lo la. Pa sa pri, lot pri, i ogmante, *brazenly* li koumsa, pa fatig li.

Be ou konnen kwa ki'n arrive, ler ou pas kot bann marsan ozordi, ou vvar zot, zot in kareman rey pri, zot in ogmant par R10, zot in fer menm keksoz ki *STC* in fer.

Cette homme, *cette homme*, ansyen Onorab ki ti la anndan, ki ti asiz la parmi nou ti annan rezon. Be i ti byen dir nou. I ti byen dir nou poudir *STC* ki pe ogmant pri lavi.

I serten pri ki o, apre tou lezot marsan i kal zis par anba. Be si ou swiv sa legzanp ki'n arive ek *RRP*e ou pas dan bann laboutik, e ou vwar lafason ki zot osi zot in fer, imedyatman koman *STC* in fer sa, zot in zis reye, ekrir lot.

E, zot pa ni *care*. *But of course* akfer zot pou *care*. Si *STC* pe fer, akoz zot, zot pa kapab zis rey ansyen pri, ogmant par R10. Lekel *STC* ki'n donnен.

Se sa sanzman ki Seselwa in aste avek zot. En *wholesale betrayal* of sa pep. Mon pa pe dir zot sa, ki mon pa pou *siport* zot Lalwa.

O kontrer, mwan personnelman zot pou ganny en *siport* avek mwan pou pas sa Lalwa. Akoz mon anvi en pli bon sityasyon pou pep Seselwa mwan.

Mon anvi vwar en *improvement* dan zot lavi. Mon anvi vwar mon pep aret soufer lafason ki zot pe soufer. (Wi riye, zot abitye riye. Sak fwa soufrans sa pep i ganny adrese zot riye)

Mon anvi vwar sa soufrans arete. Mon pou donn zot konfyans avek sa *Bill*. Mr Lebon *I hope* ou kapab fer en pe, at least en pe *I hope* ki ou kapab fer en pe. Mon konnen ou pa pou kapab fer tou.

Pa tou ki depan lo ou. Ou pa antyerman *empowered*. Me selman mon konnen ou sey ou mye e *I hope* ou kapab fer en pe.

Mr Speaker se sa esansyelman ki mon annan pou dir lo so *Bill*. Mon pou remersi zot pou zot latansyon. Be avan terminen, mon'n ganny loner mon *caucus* pou mwan fer sa pti bout swivan.

Kot lo nou kote nou oule felisit Onorab Antony Albanez pou son eleksyon koman premye Minis Australia.

E mon konnen ki Onorab Deputy Speaker Henrie pou zwenn mwan, osi pou *congratulate* son lenspirasyon. Mersi Mr Speaker.

(APPLAUSE)

MR SPEAKER

Mersi Onorab. Onorab Aglae.

HON EGBERT AGLAE

Mersi Mr Speaker. Bonn apre midi Minis ek ou *panel*. Mr Speaker sa *Bill* ki la devan nou i en *Bill* ki annan en gran lenportans.

E ki i en *Bill* ki mon rapel Sizyem Lasanble in annan bann diskisyon ki'n vin devan atraver *Fair Trading* li menm li.

Pou li kapab vin azour e an menm tan pou donn li en pe mordan pou vwar, pou li kapab

tackle bann size ki konsern trading, fair trading dan pei.

Ki parfwa nou ti war poudir i ti pe sirmont li. E an menm tan malgre ti annan serten regilasyon anba serten antite pou proteksyon konsonmater.

I ti war li difisil pou kapab pran bann mezir neseser, sirtou anba Lalwa pou li kapab met en pti pe lord lo bann size ki bann konsonmater ti pe vin ganny met devan sa *Fair Trading* li menm.

E pou mwan Mr Speaker, mon krwar i enportan pou nou annan en balans osi dan sa diskisyon ki nou pe fer ozordi lo sa *Bill*.

En mo ki mon santi i enportan ki nou bezwen se ledikasyon. Ler mon pe koz ledikasyon, mon krwar i enportan pou nou konpran en pti pe, malgre mon pa ekonomis, konpran en pti pe ki mannyer nou marse Sesel i ganny fonksyonnen. E grander nou marse ki nou, nou annan ozordi, sirtou kot i konsern *volume of sales* li menm li, ki parfwa i en gran baryer pou bokou bann envestiser ki anvi antre dan en biznes.

E ki ti a swete rann servis a bann kou vreman abordab. Mr Speaker mon pe komans lo

sa laliny akoz i annan 2 fas sa coin.

Mon pe pran mon lipye mon pe met dan soulye bann marse li menm li, an menm tan ki mon annan bann zanmi ki dan biznes, pou mon konpran en pe zot soufrans osi.

Malgre sa *Bill* li i anver konsonmater, e bann konversasyon ki'n ganny fer se ozordi, se lafason ki marse li menm li pe ganny regle.

En eleman Mr Speaker, mon krwar ki mon pe tous lo la, la, se sa *volume of sale* ki bokou i dir ou mon pe fer en lenvestisman ki pe kout mwan plizyer milyon Roupi.

E la dan sa lenvestisman mon bezwen rod fason pou mon kapab re pey mon det atraver bann *loan* ki lentere i vreman o.

E an menm tan, mon annan en *balance sheet* ki mon bezwen garde. Mon annan travayer ki bon bezwen peye.

Mon annan sa bann komodite ki mon bezwen asire ki i annan *availability* pou mon biznes kapab kontinyen bouze. E sa Mr speaker li menm li, i en *challenge* pou bokou ki dan biznes ozordi.

Nou rekonneta sa. E osi mon rekonneta Mr Speaker, ki i annan bann sekter dan biznes ozordi ki mank serten inovasyon li menm li.

E osi lo baz lo ou kote lotorite, i annan mankman dan sipervizyon. E osi i annan mankman zouti pou kapab reglemente ouswa detekte bann move pratik ki pe pase.

Mon pou tous enn de sa bann sekter Mr Speaker. Premyer sekter ki mwan mon anvi koz lo la, ki bokou dimoun i konplent, mon pou al tous sa sekter Lenformasyon Teknolozi Mr Speaker.

E dan *Bill* li menm li, i fer referans avek labi *dominance* ouswa *horizontal* e *vertical practices*.

E ler nou pe regard Sesel, sa marse ki nou annan kot i konsern lenformasyon teknolozi, bann *service provider*, napa en gran kantite li menm.

E son kou pou ou investir dan bann lenfrastriktir parey, pou ou *set-up* en biznes, i bokou gro. Ki vedir ki pa nenport ki, ki kapab vini, fer bann biznes parey.

Ou pou bezwen annan bann dimoun ki annan en kantite kapital, ouswa ki li i kapab al *secure* en gro *loan* lenvestisman avek bann, lenstitisyon finansyel pou li kapab komans bann biznes parey.

Ki fer ki ou pou napa akse akter kle ladan, *unless* ou

ganny bann lakonpannyen enternasyonal, ki li i kapab antre pou li kapab vin envestir ladan.

Be an menm tan ki sa i kapab arive, nou war poudir, e in arive, keksoz dan bann pri, sirtou dan teknolozi, lenformasyon, servis, i pa neseserman sanze e war ki zot tou sa bann akter ki la de la, zot *Maintain* preski menm pri.

E an menm tan Seselwa mon krwar Minis zot osi zot in fer zot bann *homework*, *Cabinet*, menm dan Gouvernman lepase, se ki mannyer ou fer antre bann lezot akter pou kapab *drive the cost down*.

E en eleman ki anpes sa se *volume of scale* pou bann kantite dimoun. Nou popilasyon, demo grafikman nou ptiti.

E ki fer ki lakantite lenvestisman ki ou pou fer petet si ou pou ganny, ou pou, ou ganny sa pti porsyon kliyan, i pa pou rantab pou serten. E la i koz en problem.

Ouswa sa envestiser i dir be non, mon pa pou vin Sesel, mon ava al plito *Maurice* ouswa *Madagascar*, kot i annan plizyer milyon, milyon de kliyan. Sa i en eleman.

An menm tan, ki mannyer sa bann biznes ki dan sa sekter,

nou konnen si nou, nou pe ganny *revalue for money*.

Nou'n deza kestyonn SRC lo sa size, lo kot i konsern reveni, lo ki mannyer zot kalkile si bann deklarasyon ki pe ganny fer i byen.

E la parey si nou pe koz lakonpannyen telefon Mr Speaker, kantite minit ki zot ti pe ganny sarze oparavan, par segonn.

E la mon krwar zot in amande, in vin par minit. Ki fer ki konsonmater ti pe perdi. E lotorite ti napa en fason pou li mezire sa li.

So tousala i enn bann faktor ki nou bezwen mazinen, konsidere si nou, nou anvi *regulate the market* parey i ti sipoze ete, pou nou kapab annan bann *fair deal*.

Nou'n koz lo bann sekter finansyel ankor, bann *charged*, bann *hidden charges* ki egziste e ki nou ankor pe ganny sarze, e ki nou, nou pa konnen ki poudir nou pe ganny sarze.

Tousala i bezwen ganny vwar anba sa Lalwa, ki mannyer *Fair Trading* i kapab aplik le mwayen, pou nou kapab anmenn sa balans ki nou pe rode la ozordi.

Nou annan bann lenstitisyon paraetatik, parey SEYPEC, PUC, STC.

E mwan mon ti a swete, malgre ki zot bann lantrepriz i annan en lipye avek gouvernans, bezwen kapab vwar *the real cost* ki zot biznes pe ganny fer.

Akoz ozordi, ler nou pe get sityasyon nou dan pri kou servis, ki sa bann, lakonpannyen pe donne, sirtou PUC, SEYPEC ;

E SEYPEC li ler pri i ogmante, fek ogmante ankor la, i dir ou li. *Production cost* i tan, *taxation* pou Gouvernman i tan. Son *profit margin* i tan, lo laponp i tan.

En kestyion petet ki mwan mon demande mwan, vi ki nou annan sa novo Lalwa Minis, kot i konsern *taxation* li menm.

Eski nou konsonmater la deor, nou pa kapab *take* sa bann lakonpannyen ki *Government-owned*, parastatal, kot i konsern sa bann takasyon ki nou santi i en pti pe egzorbitan li menm.

Tax i pli for ki sa prodwi ler i *land* isi Sesel, son *production cost* ler i *land*. E Gouvernman li i met en *tax* ki pli for ankor lo la.

Eski sa pa afekte, dan en fason pa kestyonn pou *fair trading* ladan? Eski zis nou aksepte poudir be Gouvernman i bezwen anmas larzan, i bezwen met en *tax* pli o?

Menm parey lo kote *Automobile Industry* ki annan serten konplent ladan. Nou war bann diferan takasyon ganny mete pou bann diferan rezon.

Enn ler ki i pa neseserman, zistifyab ler zot pe kategoriz sa bann diferan kalite prodwi. Eski sa pa en eleman pou kestyionnen si i annan en *fair trading* ladan?

E Gouvernman i *rightly* ladan li osi, i pe *collude* dan sa sekter. Be sa osi nou bezwen kestyionnen, gete ki mannyer nou kapab adres sa bann size.

Akoz konsonmater pe plennyen, sa bann dimoun ki dan sa biznes zot osi zot war serten konsern. Mon konnen i annan sa diskisyon ki pe ganny fer, me kan ki nou adres sa? *Ok.*

Lot eleman ki mon krwar i enportan, ki mon pou touse, nou pe koz lo limitasyon pou bann konplennan Mr Speaker. E i annan en lannen deza ki'n ganny mete.

Mwan mon anvi zis demande par egzanp, *ok*, ou'n al aste en prodwir, ou ganny e reisi, *along the line*, ou'n gannyen en garanti, petet in donn 1an, petet *within* avan 1an sa prodwir i *defective*.

E ler ou al sey rod en, kot ou'n *purchase* prodwir, ou pa pe ganny rekour. E la ou al kot *Fair Trading* e i donn ou 2an

pou ou kapab al fer ou konplent.

Sa napa problem, ou annan en *timeframe* ladan pou ou kapab ale, rod rekour. Be par egzanp pou konstriksyon, ki ler mwan mon'n siny en kontra pou mwan fer mon lakaz, *ok*, pou mwan fer en devlopman ouswa, i kapab en *building*. E sa kontrakter li menm li in dir mwan *within* 1an i pou rann mwan mon proze.

Me selman keksoz pa pe marse byen *along that line*. Ou war kontrakter i vin sant ou zistwar, 1an i sote, ou devlopman pa ankor fini e i sot 2an li menm baze o sa resi, lo sa kontra ki in sinyen, eski sa dat i mwan mon siny sa kontra, e mon prodwi pa ankor fini apre 2an, mon pou annan drwa pou mwan vin kot ou pou mwan vin demann ou en konplent, pou pran aksyon avek sa antite ouswa sa endividé, sa kontrakter ki pe donn mwan sa servi li menm?

Sa mon ti a kontan petet ganny en pe leklersisman lo la. Lot size ki mon pou touse ladan, kot i konsern travay sa Tribunal li menm li, *ok*? E dan *Bill* i fer referans ki zot kapab anploy bann *investigators* ki pou al fer sa bann travay, pou al rod lenformasyon.

Pou gete si sa bann ka i zot pe met devan i annan sans ouswa i *genuine*. Me lot eleman se i mon ti a kontan zot eksplik mwan en pe lo la, se ler zot pe rod bann sipor adisyonnal, ki parey bann *expert* pou assist the Commission li menm li.

Eski zot pe fer referans avek bann *expert* enternasyonal osi, ki zot pe santi zot pou bezwen rode. Ouswa nou pou servi bann endividé ki annan leksperyans dan sa bann marse i menm, ki annan sa bann konplent.

Ki mon krwar poudir nou bezwen, si nou pe rod lokal, nou bezwen *etre* fran. Ki Sesel i ptipi, nou annan en pti *labour force*, e i riske annan serten kolizyon dan en fason si nou pa, petet, i enportan pou fer en pti pe *scrutinize*, pou gete si napa okenn lentere atase avek lezot sa bann servis osi.

En lot eleman Mr Speaker avan mon pou terminen, se bann platform nimerik. Ozordi, ki annan bann diferan *sales* ki i arive, *ok*. *Online trading* sirtou.

E i pe vin pli koman anvi ki sityasyon mondyal in evolye. Ki menm ler nou'n dan pandemik, dimoun pa'n kapab bouz en kantite.

In plito servi bann *platform* nimerik pou zot kapab *trade* e fer zot biznes.

So la Mr Speaker mon santi poudir SRC li menm li avek bann lezot akter ki *Fair Trading*, bann *stakeholders* ki zot bezwen travay avek pou kapab ranforsi sa Lalwa.

So lo ki fason ki zot pou pe vwar pou kapab si en kliyan li, mon'n *purchase* en *online goods*, ki swa lokal ouswa atraver en lazans ki rekonnet.

E ki apre mon pe ganny problemm a ek sa servis ki mon'n gannyen, ouswa sa komodite ki mon'n resevwar.

So dan sa fason bokou sa bann endividé ki pe fer serten biznes *online*, pa neseserman en *registered business holder, business*. E ki mannyer nou, nou *Fair Trading* li i pou sey aplik son Lalwa li menm?

Pou bann ki'n anrezistre, mon konnen i a fasil, akoz ou pou annan sa bann *trace nimerik* ki ou kapab fer pou vwar bann tranzaksyon in ganny fer.

So Mr Speaker, sa Lalwa i enportan pou nou. E Mr Speaker mon pa pou kapab konklir, mon tous en size ki en dimoun ti met devan mwan kot i konser ankor teknolozi; bann *subscribers* televizyon.

En madanm i fer mwan konpran, e mon si mon'n al get sa, mon'n al dir be i reel sa ki

ou pe dir. I annan bann diferan *package* e ki ou, ou peye.

E i annan sa bann pake ekstravagans i ou peye, ouswa sa enn pli ser ki ou peye. E ler ou met ou televizyon *on*, ou war i bokou sa bann *channel* ki dan sa *package* pa neseserman pe marse, pe fonksyonnen ou a pe vwar.

So, eski sa osi pa pou *subject* pou en *fair trading*. Akoz ou dir mwan mon pe pey en pake ekstravagans, mo sipoze pe ganny tou *channel*.

Me ler mon pe gete, mon pe ganny zis *three quarter of the channel* ki mon gannyen, ouswa zis lanmawtye sa *channel*.

So sa osi i bann eleman ki mon santi i kapab enportan, akoz *fair trading*. me selman nou pa ti a kontan ki *fair trading* i vin en laport ki zis pe ganny abize dan en sans.

Akoz marse i bezwen *breathe* i osi. Marse i bezwen egziste. Si napa konsonmater biznes pa pou marse.

E si napa biznes nou pa gannyen prodwir pou nou, okenn prodwir pou nou kapab servi, pou nou kapab sirviv, ouswa pou nou reste azour avek sa lemonn global ki nou pe viv ladan ozordi.

So avek sa Mr Speaker, mwan mon pou rapport mon siper sa *Bill*. E mon swete ki zot

fer zot travay byen, dan en fason en parsyel. E osi pran kont osi bann lezot eleman ki dan marse. Mersi.

MR SPEAKER

Mersi Onorab. Onorab William.

HON WAVEN WILLIAM

Mersi Mr Speaker. Bonn apre midi Minis. Mr Speaker mon pa pou prolong, akoz bokou bann pwen enportan ki mon ti ava swete tous lo la in ganny aborde.

Me selman i bon ki piblik deor la i konpran poudir bi sa Prozedlwa se pou konsolid e revwar Lalwa pou *fair komers zis*, konpetisyon e proteksyon konsonm ater pou anliny ek, e armoniz li ek pli bon pratik internasyonal.

Sa *Bill* pe osi *repeal Fair Trading Commission Act (Cap 267)*, la lo sa konpetisyon zis (*Cap 266*) e proteksyon konsonmater.

Mr Speaker Lalwa sa ki mon kontan se ki i pe santraliz ladministrasyon 3 Prozedlwa anba en sel antite. Ki a fer mon kapab dir, lir en pti pe pli fasil olye ki al isi, al laba dan demars konsonmater.

Par lefe ki nou pe rod en pli bon dil pou bann konsonmater. Me an menm tan, mon vwar ki sa *Bill* devan

nou, i fer poz sertern bann kestyon fondamantal.

Par egzant Minis taler in koz lo ki i annan konsiltasyon ki'n ganny fer. Mon ti a kontan i Minis i kapab dir nou, depi kan sa bann konsiltasyon in konmanse?

E lekel bann Lazans ouswa bann antite prive ki sa konsiltasyon in ganny fer? Akoz i enportan.

Akoz i en sanzman dan bann realite kiltir ki komers Sesel in abitye avek, i en gran sanzman. E mon krwar osi ki Minis in koz pou annan en zofisyen ledikasyon.

E mwan letan mon pe regard groser sa Prozedlwa, e son viger, Minis mon santi poudir parey lezot Onorab in dir ki sa laspe ledikasyon, ledikasyon.

Akoz ou pe sorti dan ekstrem pou al dan en lot, avek modernizasyon. Mon santi poudir kalite - mon pa pe souzestim nou bann Seselwa.

Me ler ou regard dan sosyete an zeneral, ou vwar poudir i, ou annan plizyer kous sa bann diferan antrepreneur. E an menm tan i poz kestyon lo klasifikasyon.

Eski a selman klasifikasyon i pa osi en eleman enportan letan zot pou al ek sa Prozedlwa?

E an menm tan i fer mwan demande, eski zot pou annan en pe, donn en pe letan *moratoria*, pou kapab permet bann dimoun konpran en pti pe sa Prozedlwa?

Mon pe dir sa Minis, akoz mon santi ki avek en pratik, en kiltir pratik ki'n la pou en bon pe lannen.

E ler ou pe regard sa novo Prozedlwa la, i apepre 35an ki sa *model law* parey nou kapab dir.

Akoz nou pe al dan ver *the best practices* avek *international norm*, mon santi poudir bokou nou bann antrepreneur la deor i kapab ganny pri si ou oule par lefe ki mon pa pou dir zot inyoran.

Me akoz pratik parey mon dir, kiltir, zot pa'n vreman swivre.

So letan Minis pe koz lo konsiltasyon, e pe dir pou annan en zofisyen, mon ti ava demande ki i annan en *time period*, kot ankor plis konversasyon, konsiltasyon i ganny fer.

E enplik bann lezot Lazans ki annan relasyon pou fer avek sa size komers. Mr Speaker mon santi osi ki sosyete li menm li, koman an gran parti konsonmater, i pou bezwen angaz li.

I pou bezwen angaz li, an menm tan pou ed *Fair Trading Commission* pou li kapab akonplir sa misyon ki i anvi.

Mr Speaker mon anvi zis met en legzant devan. Mon ti a kontan i Mini i kapab donn en pti leklersisman avek sityasyon ki mon santi i prezante ozordi.

Par egzanp Mr Speaker ozordi ou, ou en pti kontrakter ki netway semen, dizon. E ou'n siny en kontra pou en, petet detrwa letan pase.

Nou kapab get nenport lezot pti kontra ki'n ganny sinyen. Me eski ozordi si en lasosyasyon ki gouvern serten group kontrakter i vin devan pou fer en demann - par egzanp avek sityasyon *COVID*, avek la lager *Ukraine* avek *La Russie*, in annan en lenpak lo sa kontra, sa *contractual sum* ki ti prezant devan letan i ti siny son kontra.

Eski *Fair Trading* pou pran sa an konsiderasyon? Akoz si i pa pe ganny pran konsiderasyon, mon pe vwar poudir i pou annan serten bann dimoun ki pou vin viktim.

E dan protez konsonmater, mon santi pou zot osi, zot form parti dan sa ran konsonmater. Mr Speaker, osi mon santi ki *Fair Trading* pou bezwen vwar.

Akoz par egzanp ozordi bann balans, dan laboutik, ou bezwen anmenn kot Biro Standar ou standardizoli.

Me eski zot pe mazin osi lo sa *cash machine*, si i osi i pou annan en landrwa kot i ganny regarde.

Akoz ozordi dimoun i temper avek diferan kalite teknolozi, ki fer ki konsonmater pa vreman pran. Si i napa sa *knowhow* dan sa lekipman kot serten i kapab abiz lo la pou fer profi.

So eski zot pe mazin osi ki *the cash machine*, en dimoun, en pti *retailer*, i kapab al en landrwa, kot nou konnen poudir be sa i sa mark ouswa i sa *machine* i devret ganny servi.

Ki si i annan en *case* ki vin devan, i fasilit travay dan *Tribunal*. Sa i mon lot pwen.

Mr Speaker i enteresan, komers *global* ozordi i ganny kritike komikwa i pa demokratik. Me dan sa Lalwa la mon pe vwar poudir norm internasyonal, *the best practices*, i vedir i pou fer komers zis vin pli demokratik. Me i prezant en pti pe ironi kantmenm letan ou regarde.

Akoz i annan plizyer kritik deor la mondyalman, vizavi la kalite pratik ki pe ganny anmennen.

Mr Speaker mon santi ki osi ki avek sityasyon *COVID*, avek lager *Ukraine*, i annan en ta keksoz pe arive an deor pei, menm Sesel ki mon santi ki *Fair Trading Commission* avek sa nouveau Prozedlwa, eski zot pe mazin travay ansanm an sinerzi avek bann lezot Lazans?

Akoz mon pa pe vwar zot parey bann lezot Manm Onorab in dir, pe kapab fer en travay vreman efektiv, menm avek sa Tribunal.

Akoz i annan lezot Lazans ki pou bezwen antre an ze avek zot. E i pou neseser ki zot fer sa. Akoz si non, nou pa pou vwar zot *that effective*.

Mr Speaker parey mon dir, se ki bokou in ganny dir. E mon a osi azoute i Sesel ozordi la i annan en ta keksoz ki pe arive. E i nou deza koman Manm Parlman, konman Manm Elekte ki pe protez drwa nou bann voter, pou vwar i avek sa lamannman ki en pli bon travay i ganny fer.

E mon ti ava demande ki en *outreach* o nivo distrik, parey Onorab Arissol in nonmen taler, en *taskforce*.

Me i enportan pou konsider sa bann pwen. E Mr Speaker avek sa de, pti mo, mon napa swa, me pou vot an faver sa

Bill, akoz mon krwar i enportan pou lavenir. Mersi.

MR SPEAKER

Mersi Onorab. Mon annan Onorab Andre ki'n lev lanmen lo dernyen moman. Mon a donn li laparol.

HON CLIFFORD ANDRE

Mersi Mr Speaker. Mon pa pou *long*, mon konnen bokou in ganny dir. Mr Speaker selman par lefe ki mon'n ganny loportinite pou mon partisip dan *Bills Committee* e enterakte.

Mon krwar sa *Bill* i pe adres bokou keksoz ki neseser. Me mon krwar osi ki letan nou pe koz standar, Minis kekfwa ou ava gid mwan, oubyen mon krwar kekfwa i enportan ki nou annan en standar.

Akoz ozordi ou vwar bokou dimoun, mwan mon annan *case* ki i devan *Fair Trading Commission*.

Kot standar bann lekipman elektronik, aparaman in ganny dir i pa lo standar. Be eski ti annan en standar pou permet en kontrakter kapab fer en travay ki lo sa standar?

So sa i enportan pou nou kapab fer sa. Akoz sa dimoun ki enporte li, si napa okenn mezir baromet i li i kapab mezir avek, alors i fer ki i al kot i krwar sa prodwir pe ganny fer.

E baze lo pri, i enport sa e i met dan lakaz, oubyen dan lezot batiman i annan pou fer. Mr Speaker mwan letan nou pe get sa *Act* ki devan nou, i annan en pti pe keksoz ki preokip mwan Minis.

Parey letan nou get seksyon 7, i koz lo ki mannyer lapwentman, Sef Egzekitiv pou ganny fer e son bann kondisyon.

Mon konsern se letan nou ti pe, letan nou ti pe fer en Lalwa ti vin devan nou dan Lasamble, *Parks and Gardens*. Letan nou ti diskite ti annan menm provizyon ki la.

E nou ti diskite, nou ti dir ki poudir, ki'n ganny mete dan Lalwa, dan konteksp ou annan en, Prezidan i apwent en dimoun, me selman an konformite avek *existing Policy* ki i annan konsernan son lapel.

Akoz, mon a dir ou akoz kekfwa mon dir sa. Set akoz si, i dir ou '*such terms and condition as may be determined by the President*'.

Kekfwa ou a dir mwan Prezidan pou determin sa lo en Polisi i egzistan. Be si i pou fer sa annou met li la. Pou mwan i paret li kler, dan plas al anmar lanmen Prezidan - mwan mon santi koumsa -

Ou pe anmar lanmen Prezidan, akoz li ki pou

determinen ki bann kondisyon anba ki sa *CEO* pou ganny apwente.

E ki fer ki demen en lorganizasyon i vini i dir be akoz mon pa ganny menm tretman avek sa? So, kekfwa ou ava eksplik nou sa.

E mon lot konsern, se letan nou ti pas Lalwa SBC. Nou ti dir i poudir i pli bon nou *advertise*, nou pibliy sa *post*.

E prezan nenport ki dimoun i vini, i ava fer son laplikasyon, are definitivman e seleksyon i kapab ganny fer baze lo bann kalifikasyon ki'n ganny met devan e *interview* ki'n ganny fer.

So mon ti a kontan konnen akoz nou pa pe mentenir sa menm standar. Pou ki nou kapab fer sir ki tou dimoun ti ganny en sans pou li partisipe.

Pa vedir ki mon annan okenn problem avek *existing CEO*. I konn tre byen. Pa sa ditou. Me selman letan nou get ankor seksyon 44 dan sa Lalwa Minis, i dir nou poudir *existing CEO, Deputy CEO* pou zis ganny anvoye dan sa pozisyon, *as if they were appointed under this Act*.

So mon konpran sa *transitional provision*. Me selman letan nou dir en keksoz,

annou osi permet serten partisipasyon lezot.

Me mon konpran osi par deryer sa, pou nou pa annan en landrwa kot i vid. Alors nou bezwen fer serten keksoz.

Me solman i ti a bon ki nou regete ki mannyer eski i pou *continuity of the contract?* Oubyen i pou al 5an letan sa Lalwa i ganny pase? So sa i enn de bann keksoz ki mon ti a kontan Minis i klarifye.

E lot pwen se ki ou konnen, letan mon pe get sa Lalwa, kekfwa osi i enn de, letan nou get seksyon 15 dan son *arrangement of section*, i koz lo *quorum of the Tribunal*.

Me selman i pa oze lo *quorum, of the Tribunal* dan seksyon 15. So sa i bann keksoz ki nou bezwen gete, eski nou pe koz lo possibleman en *quorum?*

Oubyen nou pe dir ki nou pou kit li personnelman avek sa Mazistra ki pou ganny apwente. Lot keksoz ankor ki enportan Mr, mon konnen ki nou'n diskite, mon pa ti ankor antre kekfwa, Minis ou ava eskiz mwan si sa in ganny koz lo la.

Magistrate Court i dil avek case R350mil par anba. Eski par lefe i pou en Mazistra ki pe pran kontrol sa Tribunal, pou annan en set target ki pros

avek sa oubyen i pou bokou plis, oubyen i ou bokou mwens.

Akoz mon dir sa, ki fer ki demen en dimoun i annan en kontra ki vo 60milyon oubyen 100milyon.

I konnen poudir definitivman i ou bezwen, i pou napa rekour avek sa Tribunal. Alors i pou al direk kot *Supreme Court*.

So mon krwar sa i enportan, e konpleksite en kontra si nou pe dir 5 milyon. Eski sa Tribunal pou annan sa konpetans pou dil avek li?. Akoz dan Lalwa i dir ou en *question of law* ki pou anvoy kot *Supreme Court*.

So si en, *question of law* pa monte ladan. Eski tou bann *case* ki par anba 5milyon en legzanp, pou kapab ganny mete si i annan en eleman *Fair Trading* ek bann lezot Lalwa ki'n ganny *consolidated ansanm*.

Pou li kapab adres sa bann sityasyon. E ki fer sir ki i kapab *at least* anmenn en konklizyon, menm si enn bann parti pa pou satisfe, i ava *appeal Supreme Court*.

Pou i bann dimoun, parey nou pe dir, ledikasyon i enportan. Be bann dimoun i ava konnen kote i pou ale, li pa ava al zis i pe al dan en Tribunal apre i pe sot dan Lakour

Siprenm oubyen i pe al dan en lot landrwa. Oubyen en dimoun pe al kot *Magistrate's Court* si i par anba 350 mil, apre i pe sot ankor en kou kot *Tribunal*, apre pou li al kot *Supreme Court*, apre al kot *Court of Appeal*.

So mon ti a kontan ganny sa detrwa lesplikasyon Minis, letan ou pe fer ou *summing-up*. Avek sa Mr Speaker, mon ti a konklir la, e mon pare pou mwan donn Minis sipor lo sa *Bill*, apre ki mon'n ganny serten sa bann lesplikasyon. Mersi.

MR SPEAKER

Byen. Mersi Onorab. Mon ava aprezan apel bann *Leaders* pou konklir deba. Onorab Pillay.

HON SEBASTIEN PILLAY

Mersi bokou Mr Speaker. Fotespere tre e byento nou pou ganny en *Fair Competition Act* pou Lasamble Nasyonal osi.

I ava bon nou ganny enn. Mr Speaker sa Lalwa devan nou i en Lalwa enteresan li. Akoz nou la 5.05, i annan en pake zafer dan sa Lalwa, en bon pe *clause*, i al ziskan *clause* 126.

E ler mon'n en kout bann diferan entervenan koze, mon'n sey ale al rode dan bann landrwa ki'n ekrir dan Lalwa, bann diferan pwen ki zot in *raise*.

Swa ki bann pwen ki zot in *raise* lo *cartel*, kote i ganny pran, swa en pwen ki zot in *raise*, zisteman pwen ki fek ganny *raise* par Onorab Andre.

An relasyon avek lapwentman, be sa i en pe pli boner. So permet, mwan avan pou sey zis fer referans ek bann pwen ki fek ganny *raise* avan mon al dan lezot eleman.

Premyerman mon oule koz sa konsern Lakour Mazistra ki Onorab Andre in *raise*.

Mon konnen ki i anba Konstitisyon lartik 119, i prevwar 119(4), en Lalwa ki pe prevwar ki i kapab annan en Lalwa ki etablir en *subordinate court or Tribunal*, napa nanryen ki anpe sa.

E anba sa Lalwa *Fair Trading* osi nou'n vvar kot i pe donn, i ou donn Sef Ziz pouvwar pou set bann *rules* e prosedir pou sa Tribunal.

Sa i kler sa. So sa ki reste pou nou etablir se *whether* sa, si ou oule sa maksimonm ki sa Tribunal pou kapab konsidere, i anliny avek bann pratik an se ki konsern bann pratik Zidisyer ozordi.

Akoz nou pou annan serten en Mazistra ki pou, si oule ganny *deputized* pou li *lead* sa Tribunal. E sa i enportan pou nou konsidere.

Akoz demen, se sa i mon dir i annan en kantite keksoz ladan.

Akoz lefe ki i annan sa kantite keksoz, ou pa ti a kontan ki *the word of the laws*, bann mo ki'n ganny ekrir dan sa Lalwa, malgre zot fer bokou sans, e zot fer referans avek bann pratik ki modern.

Ou pa ti a kontan i serten teknikalite i ganny etablir. Ki en aksyon i tonbe baze lo serten teknikalite. So i enportan pou nou kapab ganny en konpran ote nou oule ale.

Dezyenmman, mon oule ganny reasiran ki napa en lenterferans si ou oule ki i pe ganny etablir dan rol ki Zidisyer i zwe.

Akoz kontrerman ek sa i nou'n ganny dir dan lepase, resaman la, Zidisyer i endependan anba Konstitisyon li. E i *subject only to this Constitution and other laws of Seychelles*. Savedir dan son fonksyon i pa sipoze pe ganny enfliyans-e par Legzekitiv, lafason ki i fonksyonnen.

Lapwentman sa bann Manm Tribunal pou mwan i raise serten konsern. Akoz sa Sef Ziz li menm ki pe apwent sa bann Manm.

E si demen i annan en *judicial review*, eski Sef Ziz li menm ki pou *adjudicate* lo sa

bann dimoun ki'n ganny apwente?

Akoz i dir ou poudir Sef Ziz an konsiltasyon, Minis an konsiltasyon ek Sef Ziz pou apwent sa bann dimoun lo Tribunal, apre ler pou retir zot, i dir ou Sef Ziz an konsiltasyon avek Minis.

Mon krwar nou pe swiv Mr Lebon ki mon pe dir ou la. Mon war sa i en konsern akoz mon pa ti a kontan ki nou annan bann teknikalite ki etablir serten fason ki Lalwa in ganny *phrased*, in ganny *framed*, ki fer li difisil dan son laplikasyon.

Prezan si nou regard en ti pe lezot eleman sa Lalwa ki fer li relevan pou nou ozordi.

Ou konnen i annan keksoz i'n ganny dir par serten entervenan avan mwan, ki mon krwar petet zot napa sa kouraz pou dir. Be mon ava dir pou zot.

Par egzamp i annan an en Onorab ki'n koz lo kontra, bann pti kontrakter semen. E la Minis Finans i la. Ou konnen, bann kontra pa ase larzan ki sa bann dimoun pe gannyen ozordi.

Sorry pou dir, me i pa ase. I pa ase akoz sa bann pti kontrakter pe fer plis louvraz pou mwens larzan.

E dan en konteks kot lekonomi i vreman difisil e kou,

the cost of living i difisil. So i pa ase larzan pou zot, mon konnen i annan bann mangonnen lot kote.

Be mwan mon pare pou koz pou pti kontrakter, si zot pare pou pa koze. Pa koze zot, sa zot problemm pou zot. Dimoun i a tann mwan pe koz pou zot la devan, zot ava realize lekel ki anvi koz pou zot.

Dezyenmman Mr Speaker, dezyenmman i enportan pou nou etablir preznan, ki rol sa Komisyon pou zwe vizavi Gouvernman. E la mon oule pran sa largiman lo STC.

Ou konnen, nou pe get sa provizyon Lalwa, e mon konn en i deza anba Lalwa oparavan.

Me sa provizyon Lalwa ki koz lo si i annan en antite ki anba en *regulatory ambit* Gouvernman, mon prezimen STC i ganny *regulated* par - i bezwen anba Minister Finans or *Trade Department*.

Eski li i osi i pou antre anba sa Lalwa? E eski lefe ki *RRP* i en Polisi Gouvernman. EsKi sa i en *unfair practice* par lefe ki STC nou pou admet i domin plis ki 40poursan, plis ki 40poursan sa Sekter Ekonomik.

Akoz, mon pe regard seksyon 125, e mon pe santi

poudir nou pou annan serten konsern vizavi seksyon 125.

Akoz mon pwen i se ki ou annan serten lenstitisyon Leta ki neseser dan konfigirasyon Leta. Me i enportan ki Leta osi i pran bann bon desizyon vizavi sa bann lenstitisyon.

Leta par egzanp, vizavi STC, pa kapab pran bann desizyon pou fer monte pri diri, pri delwil me fer desann pri lezot komodite ki dimoun pa servi toulezour.

Petet Leta li i pou regard bann desizyon ki i pran. So kote en konsonmater i ale si i santi poudir sa bann kalite desizyon pe ganny pran?

Lekel ki protez lentere sa konsonmater? Lasanble Nasyonal? Minister Finans? Prezidan? Lekel? So nou bezwen kapab etablir en sityasyon.

Akoz la nou annan en antite ki annan en *dominant position* la. I pa plis ki en *dominant position*, i en pozisyon tre, tre prominan e i *dictate* tou keksoz.

E mwan mon tik a kontan ganny reasirans poudir malgre ki i donn provizyon pou ki Minis oubyen Komisyon, Minis i kapab aret okenn lenvestigasyon sik sa antite, mon krwar anba seksyon 4, 4(1), i kapab aret en - lo

laplikasyon *Regulatory Authority*, zis *continue* en lenvestigasyon.

Eski si nou ganny en sityasyon kot STC i form parti en lenvestigasyon Konmisyon, nou pou vvar sa provizyon antre an fors?

I enportan pou nou etablier sa bann fe e koz Mr Speaker, akoz ozordi sityasyon i fer i konsonmater i bezwen pe ganny protez plis ki zanmen.

E ki mannyer nou pou kapab protez konsonmater plis ki zanmen, se par fer sir ki en Lalwa ki dan lafason ki i ete, i paret en tre bon Lalwa.

Me ki dan son laplikasyon, son lenplimantasyon i kapab kree serten difikilte, e fer li pa *achieve* sa lobzektif ki i anvi arive *achieve*. E la Mr Speaker nou bezwen regard osi lezot provizyon.

Par egzanp, nou annan 2 keksoz ki pe al ansanm. E sa se Komisyon e Tribunal.

E i dir poudir Tribunal dan son performans i pou endepandan. Mon oule ganny reasirans ki ler nou pe koz lendepandans sa Tribunal, pou napa lenterferans ek sa Tribunal.

E pou mwan mon konsernen avek ki mannyer menm sa Lalwa in ganny aranze. E mon ti ava ekspekte

sa seksyon ki dil ek Zidisyer, ti ava antyerman dil ek Zidisyer.

Akoz se Komisyon i sipoze administre sa Lalwa. Me Komisyon napa nanryen pou administre an se i konsern lenplimantasyon sa Lalwa an relasyon ek Tribunal.

So Komisyon i kapab administre parti sa Lalwa, me zot pa kapab administre parti sa Lalwa ki dil ek Tribunal.

Akoz sa bout sa Lalwa ki dil ek Tribunal i sipoze anba ziridiksyon Zidisyer. Se sa i sa Lalwa i dir. So mon ti a kontan konnen, par egzanp bann larzan ki vin pou sa Tribunal, eski i en larzan ki pou anba Bidze Zidisyer, oubyen eski i pou en larzan ki pou anba Bidze Komisyon.

So i enportan ki nou etablier ki mannyer sa 2 antite pou fonksyonnen avek kanmarad.

Akoz si mon pa tronpe, seksyon 6(1) i dir,

"The Commission shall administer and enforce this Act." Be when it comes to provision 14(2), the Commission does not have any power vizavi 14(2), unless mon mal.

Akoz 14(2) i dir ou,

"The Tribunal shall in the performance of this function under this Act be independent."

So therefore the Commission cannot be administering 14(2).

It does not make sense. E par egzanp when it comes to 14(5) the Commission is not administering 14(5) an se ki konsern konsiltasyon pou appoint bann members.

Se Minis avek Sef Ziz ki apwent bann Manm. Komisyon pa ganny mansyonnen ditou. Napa okenn konsiltasyon avek Komisyon pou apwent bann Manm Tribunal anba 14(5).

Ki donn mwan lenpresyon poudir lentansyon bann *framers* sa Lalwa, se pou fer ki serten seksyon i anba ziridiksyon Zidisyer.

So si sa dan li menm i kree anbigite dan Lalwa, eski i afekte sa Lalwa? EsKi ti ava meyer pou nou, *as an, pa as an abundance of caution*, me dan lespri klarite, pou nou klarifye ki mannyer sa bann *clause* i reini avek kanmarad, zot zwenn ek kanmarad.

E akoz si mon bann Manm in eksprimen ki zot vwar sa ki bon dan sa Lalwa, mon oule fer sir i si, zot pou lev lanmen, zot pou lev zot lanmen lo en keksoz ki byen.

E ki nou'n kapab *as a collective*, etablir bann keksoz i fer li, ki ou kapab fer li pli fay e nou'n kapab aranz sa.

E mon ranforsi sa pwen par *raise* sa pwen ki trouve mon krwar dan seksyon 17. Kot i dir saler Tribunal pou ganny determinen par Sef Ziz.

Ki donn mwan lenpresyon poudir tou ladministrasyon sa Tribunal pou tonm anba Zidisyer. Savedir i pou dan Bidze Zidisyer.

Which means ki nou pou bezwen, mon pa konnen si i pou fer sans, pou nou klarifye ki seksyon, ki seksyon 6 i dir an relasyon ek ladministrasyon e *enforcement* sa Lalwa.

Aksyon seksyon 6(1) i dir "*The Commission shall administer and enforce this Act.*" E ler mon konpran sa Lalwa mon konpran sa Lalwa an relasyon avek tou son bann seksyon.

Mon pa konnen si nou pou dir '*safe for sections*' mon pa konnen, ki *relate* avek Zidisyer, Komisyon.

Akoz mon konpran i neseser pou annan sa Komisyon, i neseser pou annan sa Lalwa. Sa Lalwa i annan bann bon eleman ladan, i annan serten anbigite ki nou bezwen dil avek.

E lo sa pwen mon oule terminen par dir, anba 14 mon krwar 11, *under 14(11)* i dir,

"The Tribunal shall be under the administrative and financial control of the Judiciary."

So i kler poudir *that's the intention*. So petet mon krwar in arive, se ki si nou ti'n met tou bann provizyon ki relate ek Zidisyer, ki ti en *part 1* ek en *part 2*, i ti ava'n fer li pli kler pou nou konnen ki rol Komisyon anba sa Lalwa e ki rol Zidisyer anba sa Lalwa. Ok?

Prezan Mr Speaker ler nou vin, bann dimoun ki lo sa Tribunal an relasyon avek *Penal Code*.

Public Officers, eski sa Mazistra will be deemed as a public officer li osi as well dan performans son fonksyon aba *Penal Code*.

Akoz si mon get Konstitisyon, i mon lenterpretasyon, mon pa krwar i le ka. Bann Manm Tribunal, wi, me Mazistra non.

So petet si nou ti kapab, si zot ti kapab, si Minis ti kapab klarifye sa pou mwan. Me selman sa i pa pou afekte fonksyon sa Tribunal.

Akoz i kler ou dir si ou kapab *set-up* sa Tribunal, e i kapab pran, i kapab ganny Manm ki *consort* zot domenn, zot kapab fer zot louvraz.

Then nou pe ganny nou en Tribunal ki an deor Komisyon e

ki ou kapab *fast track* bann cases e fer ki bann ka i ganny dil avek. Sa ki dimoun pe rode. E mon pa krwar personn la anndan i anvi retard aksyon ki dimoun i anvi pran vizavi bann case ki zot in gannyen, an relasyon avek servis oubyen prodwir ki zot in ganny aste oubyen gannyen from en service provider.

Me selman, selman mon annan en konsern vizavi - e mon pa konnen si in ekrir somewhere, ki en dimoun ki lo Tribunal, i kapab osi retenir son fonksyon si dan *public service* oubyen dan *private sector*. Prezan la, eski nou pe fer sir ki si en dimoun i annan en lentere dan en keksoz.

Akoz konmela parey dimoun pa oule tro deklar zot lentere. Zot annan lentere dan en keksoz. Sa dimoun i pare pou li deklar son lentere e recruit son lekor.

Mon pa konnen si mwan ki'n manke dan Lalwa, me i enportan ki i annan sa provizyon pou nou fer kler. Akoz sa bann Komisyoner pou sit lo peryod - en perspektiv *part time*.

Me sa Tribunal pou en Tribunal *full time*. I pou, *as much* ki i annan case, i pou dil avek.

Prezan Mr Speaker ler nou koz lo - si mon regard seksyon

38 sa Lalwa, *power to search and seize on warrant applied to a Magistrate.*

Lefe ki nou annan en Mazistra ki'n ganny *assign* ek Tribunal ek Komisyon, eski Komisyon pou pe al kot sa enn Mazistra osi pou i demann son *warrant?*

Si i annan bann seksyon 38,' *power to search and seize on warrant, apply to a Magistrate.'*

Be prezan si i annan en *challenge* lo sa *warrant*, eski sa pa pou *compromise* sa Mazistra ki avek sa Tribunal? Mon pa konnen, mwan, i annan kestyion ki nou bezwen klarifye lo la.

So petet si nou ti kapab ganny en lesplikasyon lo la. Selman mon krwar i en provizyon enportan ki neseser fer sir ki nou napa okenn lanbigite vizavi sa provizyon.

A *hearing of the Tribunal, shall be public*, mon krwar i en keksoz ki al dan latransparans, i sa. Me selman, mon prezimen osi ki i pou annan *hearings of the Tribunal* ki pa pou *public*.

I kapab annan *hearings of the Tribunal* ki pa pou *public*. Eski i pa ti ava meyer nou dir '*a hearing of the Tribunal 'may be' public?*'

Eski oule tou *hearing of the Tribunal to be public?* Eski

pou napa en sirkonstans dan zot konsiderasyon ki pou annan en *hearing of the Tribunal* ki riske pa kapab *public?* I don't know.

Bomaten, mon pa oule servi legzanp bomaten. Be mon'n vwar legzanp kot Gouvernman konmela i koze, i annan serten size ki i prefere pa koz lo la, eksetera.

So mon pe zis pran lefe ki petet bann dimoun dan Gouvernman i konn pli byen ki mwan. Zot kapab dir mwan si sa i le ka.

Prezan ler mon vin lo '*liability for damages caused by goods not complying with general safety requirements*', e sa seksyon 101. Mon tous sa seksyon Mr Speaker, akoz sa enn seksyon i enportan pou nou.

Resaman letan nou'n tann ban sityasyon dife e apre ou koz avek sa bann viktim, bokou fwa ou tande poudir mon'n aste en *extension* ki pa'n bon, mon'n aste en *adaptor* i pa'n bon, eksetera, eksetera.

Eski i annan okenn *liability* ki *extent to lotorite* Gouvernman ki pa'n fer kontrol lo sa prodwir ler in antre? Par egzanp i bezwen annan serten *safety requirements* ki serten keksoz i bezwen gannyen.

Ok, ozordi Lalwa mazorite bann lakaz, mon pou dir la mazorite lakaz, akoz i still annan lakaz pe fer.

Nou annan la mazorite lakaz, en dimoun i annan en *rice cooker*, oubyen en dimoun i annan en *appliance elektrik* ki i konnekte swa direk avek son *supply*, or i servi en *adaptor* ou met detrwa *appliance* lo la.

En *adaptor* oubyen en *extension*. E si sa *extension* i *fail*, parfwa i annan dimoun i dir ou sa in la koz en dife. *Or a faulty equipment* i kapab koz en dife.

So sa dimoun ki'n vann ou sa *faulty equipment* byensir i en lofans pou li si ou'n kapab etablir poudir ou'n aste sa keksoz kot li e sa keksoz in koz sa domaz.

La nou pe koz dan ka en dife oubyen da ka lezot domaz. Me annou get li *as* en Lasanble dan son perspektiv pli larz.

I annan en antite anba *Trade* ki sipoze asire ki sa bann - mon pa konnen si ou rapel sa *International Standard*, bann *ISO requirements* ki bann prodwir i meet avan i antre lo nou marse lokal.

Eski napa en *liability* ki *extend to* sa lotorite, oubyen sa antite ki sipoze pe asire ki sa prodwir ki antre lo marse i lo sa

standar? Akoz mwan mon vwar en konsern parfwa.

Mon pa konnen ki mannyer i marse. Ennler ou pase ou aret o bor laboutik, ou pe debarke ou al rod en konmisyon, ou sorti travay, ou vwar en pti bis arete, 2 pti bonnonm Sinwan i debarke, 2 ti bonnonm Endyen i debarke, i pe vann keksoz dan laboutik.

Mon pa konnen si i annan en *license* pou li fer kalite *wholesale*. Me selman i pa get poudir sa i en keksoz ki pe *go around* sa.

E eski Departman *Trade* pe *capture* sa *to the point* ki sa prodwir i ganny vann dan sa laboutik, i koz en problem pou en lot dimoun, *and then* lala, nou annan en *case* kot en dimoun pe rod domaz?

Akoz i serye. So mon ti a kontan klarifye ki mannyer, ki pozisyon Gouvernman pou pran vizavi sa?

Akoz mwan mon en pe konsernen ek pozisyon Gouvernman ar lefe ki Gouvernman in *allow* son lekor *to be lead* par en lasosyasyon. E mon pou vin lo seksyon 126 la en pti moman.

In allow son lekor *to be lead* par en lasosyasyon ki'n dir ki i annan problem ek *wholesalers* vann ek nenport ki. Ki ozordi *wholesalers* pe dir zot

pou vann zis avek *retailers* ki annan en *license*.

Si mon mal Minis ou ava koriz mwan. Me selman *that is what people are complaining about*. E nou pa ankor tann personn sorti pou koz lo la depi sa.

E *even worse*, ou'n tann en lasosyasyon dir ou poudir, be dan sirkonstans kot zot pou fer vini *GOP*, zot *provide fake certificate*.

Mwan mon konsernen ek sa kalite *averment*, sirtou devan lotorite Siprem nou pei. Akoz i *raise* konsern dan lentansyon Gouvernman. Ou konnen, Lalwa ki en Lalwa ki annan bann bon keksoz ladan.

Me son laplikasyon pou ganny fer par bann endividé ki zot bann *mindset* i bezwen *gear towards* aplik sa Lalwa dan benefis Lepep Seselwa. Me se sa ki nou oule war.

E so ler nou apres en kestyon ki Onorab Cosgrow ti *raise* anba, dan son lentervansyon, e nou *approach* seksyon 125 ek 126. 125 i dil avek en *dominant position*.

Me 126 si ou oule i sa seksyon ki mwan mon'n vwar - *I stand to be corrected*. I sa seksyon i mwan mon'n vwar si ou oule, i pli pre avek *dealing*, avek *collusion*.

Be la mon annan en problemm la. Akoz se sa ki anmenn nou lo sa pwen *cartel*? Akoz anler i koz lo sa 2 konpannyen ki pe *collude*, enn i en *subsidiary* en lot, enn i annan lentere dan lot.

Me sa enn ki la, seksyon 126 i koz lo, Speaker ou a zis donn mwan 1 minit, pa met 1 minit, *ok*. *Restrictive horizontal practices*.

E i dekrir en *restrictive horizontal practices* koman en lagreman oubyen en desizyon or consulted practice by enterprises in a horizontal relationship.

So ki mannyer ou kalifye sa *horizontal relationship* dan en fason konkret, pou asire ki demen ler ou annan en konplent kont sa *horizontal relationship*, i pa kapab ganny challenged?

En dimoun pa kapab dir be non, be mon napa sa relasyon.

Dezyenmman, on an association of enterprises. Be ou bezwen etablir ou dir zot form en lasosyasyon of enterprise.

What if, a group antrepriz, en group marsan, en group wholesaler i deside poudir be mon pa pou vann mon prodwir avek okenn retailer Seselwa.

I pa enform en lasosyasyon zot, zot en group endividé. Sey dir mwan ki mannyer Lalwa pou *capture* li.

Akoz mon pe war poudir petet i mank en pe, i mank en keksoz *somewhere*.

Akoz i dir ou si involve sa bann pratik swivan, direkteman oubyen endirekteman zot *fixing purchase of selling price, or the other trading conditions*.

Savedir *trading conditions* ou pe *mean* ki si zot pou vann avek Minis Hassan, zot pa pou vann ek mwan. Si zot pou vann avek Mr Cafrine, si zot pa pou vann avek Onorab Lemiel, se sa ki ou pe dir. Se sa ki ou pe vin avek. Be eski sa i pou tous lesansyel ki nou oule adrese avek sa Lalwa?

Eski sa pou anmenn nou ver kapab *capture* sa size ki nou pe koz lo la. E sa konsern ki nou annan ki mannyer *in the retail sector* i vreman difisil pou ou vwar en *fluctuation* dan pri, malgre ki i sipoze annan *free and fair competition*.

Ou konpran? E se sa i *main landrwa* kot mon war i *raise* en *red flag* pou mwan. Eski zot annan lentansyon, ki mannyer zot kapab *reinforce* sa, mon pa konnen, me selman ou war ki mannyer mon konsern i vini. Akoz ler ou pe regard avek

en dimoun la deor, ler ou pou regard sa.

Par egzanp, pran nou menm pran par egzanp *electronic appliances*. Ou marse anvil, i annan dimoun pe rod en *washing machine*, preski tou landrwa i vann menm pri.

Pourtan zot sipoze diferan laboutik, differan konpannyen, tou i vann menm pri. E ou oblize, ou oblize al aste laba, e *warranty* ki ou pe gannyen i zis 6 mwan.

E parfwa ler ou retournen ek sa *warranty* i difisil pou sa dimoun si i pa *forceful*, si i pa kapab met presyon pou li kapab vwar en *recall*.

Si non ki tou dimoun i fer, i *give up*, i ale, i al aste en lot. So i bezwen annan en sityasyon kot nou etablir en respe pou en pratik.

Bokou bann *electronic appliances* ki ganny vann ozordi, par egzanp, menm par egzanp si ou'n pran *water dispensers* ki dimoun i aste bokou.

I annan plizyer dimoun i rankontre difikilte ek sa. Be i annan landrwa, mon pa pou dir tou, i annan landrwa, i annan definitivman dimoun ki *back their product* avek en *service structure*.

E zot dir ou poudir ler ou pe aste, be sa plito ou pran sa

enn. Akoz mon annan pyes pou mon kapab repar sa enn si i kase. E *it does happen*. I annan biznes ki fer li, i annan biznes ki *stand by* son prodwir ki in vann ou. Me i annan biznes pa oule *stand by* son prodwi ki'n vann ou, ok?

Ou konpran? E par egzanp si ou pran bann landrwa par egzanp kot i annan bann laboutik en pe lwen dan sid parey Les Canelles, parey plizyer landrwa dan sid.

Ou pou vvar poudir i annan en diferans dan bann laboutik dan sid, dan was avek bann laboutik dan nor. Mon pa pe blanm personn.

Me ou pou vvar en diferans. E si ou al lo zil, Praslin ek La Digue ou pou war en diferans.

So mon sa i mon pe sey rode, se ki mannyer nou kapab fer sa Lalwa vin, kekfwa akoz sa Lalwa i sitan enportan pou konsonmater, apre ki Lasanble i aprouv li, apre ki in ganny assent i pou al an aplikasyon.

E se sa Lalwa ki bann dimoun ki nou bann *constituents*, nou bann dimoun ki'n met nou dan Lasanble, se sa Lalwa ki zot pou al servi pou zot anmenn en aksyon lo la. Pou zot pran, rod en rekour lo la.

So i esansyel ki nou koz lo la, e i esansyel ki nou kalifye. I esansyel ki nou pran letan pou nou regard li.

Mon konnen ki Lasanble i kapab konsidere poudir nou pe pran letan lo la. Me i neseser, akoz si nou kapab donn en meyer Lalwa dimoun la deor, se sa nou rol e se sa ki ganny peye pou nou fer.

E mon krwar sa ki enportan Minis, se mon ti a kontan ou reflekte lo sa pwen an konklizyon, se lefe ki mon'n fer, sey fer konparezon avek plizyer Lalwa dan lezot pei.

Mon krwar poudir bann menm prensip i egziste, bann menm *wording* sa bann *clause* i egziste. Me sa ki diferan se konteks *within which* sa bann *clauses* i ganny apply.

E se sa ki nou bezwen travay lo la. Me mon oule termin lo en pwen an se ki konsern en sekter ki ozordi bokou Seselwa i koz lo la, e sa i Sekter Konstriksyon.

E ki mannyer difikilte pou zot vvar pri dan konstriksyon desann. I annan bokou dimoun i fer byen dan sa sekter, i annan bokou kontrakter i *deliver* lo zot promes ki zot in donn en dimoun.

Me parfwa osi i annan dimoun ki pou souvandfwa i *end-up* avek en sityasyon kot

zot pran en kontrakter ki pa *deliver* lo sa ki'n demande.

E i menm parey dan serten lezot sekter. Me se sa bann sekter si oule ki dimoun i koz en pe plis lo la. E ki mon krwar Mr Lebon in resevwar en pe plis konplent lo la.

So prenon kont ki nou annan sekter *telecom* osi ki reste en *issue*, Minis i neseser ki nou fer sir poudir sa Lalwa e bann regilasyon ki swiv li i osi *regulate* bann sekter ki ozordi nou pa pe kapab dil avek.

E asire ki napa *price fixing* oubyen *collusion* dan en marse. E ki Seselwa, malgre difikilte ki nou ladan, nou Lasanble nou zwe nou rol, nou fer nou bout pou asire e fer fason ki pri lavi, *the cost of living* Sesel, mon pa konnen si nou pou kapab fer li desann, si nou pa ganny siport Gouvernman.

Me i a en to ki dimoun i kapab vin en lavi dan dignite. Mersi Mr Speaker.

MR SPEAKER

Mersi Onorab. Onorab Georges.

HON BERNARD GEORGES

Mersi Mr Speaker. Mr Speaker lazournen in long, mon pa pou pran bokou letan. Mon ti ava zis kontan fer Onorab *Leader Lopozisyon* rapel ki nou

annan en *Fair Trading Commission* disik dan sa Lasanble, i apel Mr Speaker. Mersi.

Mr Speaker permet mwan avan ki mon al pli lwen, mon ti anvi koz lo la bomaten. Me malerezman mon pa'n anvi retard Lasanble.

Mon ti anvi zis dir ki mannyer mon fyier regarde ozordi lo *Order Paper* ki *L'Ile Du Sud Farquhar* in vin en *National Park*.

Apre *Ile au Galette* ek Banc Sable in vin bann *special reserve*. Mon dir mon fyier, akoz parey zot konnen Mr Speaker, mon *Chairman Farquhar Foundation* ki regard en pti pe sa zil.

E en pe lontan nou'n anvi donn li en serten proteksyon. E la ozordi nou vwar ki in ganny dezinyen konman en *National Park*, en Rezerv.

E sa mon krwar set en zour byen, ki donn bokou loner nou pei. Dezyenm keksoz ki mon ti a kontan dir ol depar, se ki mon biro i biro Avoka, *FTC* se nou konseye legal, e nou'n zot konseye legal pou bokou lannen. E donk mon bezwen deklar sa anba nou *Standing Orders* devan sa Lasanble e avan ki mon pran laparol lo sa *Bill*.

Mon pa pou koz lontan parey mon'n dir, lazournen in long, ler i tar. E mon konnen ki tou dimoun i anvi antre kot zot.

Me mon ti a kontan zis dir ki, repete plito sa ki bokou Manm in dir ozordi.

Se ki sa set en tre bon Lalwa, set en Lalwa ki pe konsolid 3 Lalwa ki egziste ozordi, ki annan de fwa akoz zot egziste separeman ti annan serten *cross-reference* ki ti difisil ant zot, e serten defayans e mankman.

Akoz zot ti dan 3 Lalwa. E sa Lalwa ki pe vin devan nou ozordi, i annan koman enn son bi pou konble en pti pe sa bann defayans.

En *Fair Trading*, en *Fair Trading Law* parey tou Manm dan sa Lasanble ki'n koze in dir, set en Lalwa ki neseser dan en pei ki annan envokasyon marse lib.

I en regilater enportan pou fer sir ki bann konsonmater i ganny proteze e ki bann *supplier* i swiv bann norm ki zot devret pe swiv. E mon krwar ki sa Lalwa - sa konsolidasyon Lalwa i arriv a en bon moman.

Kot *from scratch Fair Trading Commission* in ganny etablir in kapab grandi. E bann *staff* sa Komisyon zot in ganny letan ganny en kantite matirite dan lafason ki zot travay. Zot in

konn bann defayans e zot in konn bann lafors ki zot annan.

E zot in kapab donk ansanm, travay ansanm, e sa Lalwa in en bon pe letan dan son preparasyon.

Dan en fason ki zot kapab, zot in kapab avek zot leksperyans anmenn ozordi en Lalwa ki bokou meyer ki sa ki zot ti annan, e enn ki reponn a legzizans nou pei dan lannen 2022.

Mon'n dir ki *FTC* i neseser koman en *Oversight Authority*, akoz i annan en keksoz Mr Speaker ki fodre pa nou blyie.

Dan domenn lanvironnman, toulstan i annan en tansyon ant developman en pei ek proteksyon son lanvironnman.

E Sesel i en ka spesifik, e i en ka spesyal dan sa domenn. Toulstan nou bezwen pe balans proteksyon nou lanvironnman, avek developman nou pei.

Menm zafer, menm zafer i arive dan konteks komers. Toulstan, e sa se rol *Fair Trading Commission* koman en regilater.

Toulstan nou bezwen *l'eau vive* ant les en lakonpannyen grosi, akoz ler i grosi e ler i bras plizyer aktivite ekonomik, konsonmater i benefisy, akoz i annan, i pou annan *economies of scale* kont annan en sityasyon kot

konpetisyon i ganny frenmen, akoz en lakonpannyen oubyen en seri lakonpannyen i domin marse.

Sesel pa'n envant sa Mr Speaker, nou vvar sa partou dan lemonn. *Hong Kong* par egzant in ganny, se 2 ou 3 gran lakonpannyen *including Jardine and Matherson* ki ozordi fer tou keksoz, dan sa teritwar.

Maurice a kote nou, nou annan *Rogers Group*, nou annan *IBL*, nou annan *Group Constance*, nou annan 4, 5 gro group ki bras tou sort keksoz dan lekonomi.

I bon ler en konpannyen, en konpanny i gro. Akoz parey mon dir, konsonmater i benefisyé. Me i *move* ler en konpani i domin en marse. Akoz konsonmater i a risk.

E se rol *FTC* pou fer sir ki sa tansyon ki egziste ant sa keksoz, ki tou lede fodre nou promouvwar, i arive toulezour pou benefis konsonmater.

E la Mr Speaker mon sorti 1 semenn kot Lakour *COMESA*, e mon kapab dir ki la an mezir ki nou pe koze, i annan en ka devan sa Lakour ki egzakteman ilistre sa ki mon fek dir.

Maurice i annan en lakonpannyen ki fer delwil vezetal pou konsonmasyon piblik. Zot fer vin an gro *palm*

oil, palm seed eksétera. E zot fer son delwil lokalman.

Me malerezman delwil i kapab ganny enporte, ou ti kapab ganny enporte avan ki lager *Ukraine* in konmanse.

Ti kapab ganny enporte, deza an boutey a en pri bokou mwens ki sa ki ti pe ganny prodwi lo marse lokal.

Alor lekivalan *Fair Trading Commission*, lekivalan *Minister Trade Maurice*, in bezwen deside, eksi zot pou protez Lendistri Lokal kont lenportasyon, oubyen eski zot pou protez konsonmater?

Akoz sa ki en pe enporte i bokou pli bon marse ki sa ki pe ganny prodwir lokalman. E sa case pou vin devan Lakour *COMESA*.

Ki pou bezwen deside, en pti pe parey Tribunal pou fer isi, e mon a vin lo la taler. E lekel mezir ki pli dan lentere sa pei? Lekel ki devret ganny proteksyon? Lekel ki pa devret.

E anba sa Lalwa ki nou annan devan nou ozordi nou vvar ki bann gran paramet in ganny drese pou asire ki *Fair Trading Commission* isi Sesel i kapab zer sa tansyon ki zot fer toulezour malgre ki nou pa tann zot.

Me i annan en lot keksoz osi dan sa Lalwa. Dan sa Lalwa pa dil zis

avek *issues* konsonmater, malgre ki la mazorite parti i annan pou fer avek sa.

E ler nou regard sa Lalwa li menm, nou vwar ki part 3, *sorry, part 4* i annan pou fer avek proteksyon konsonmater par etablir en seri lareg ki pou la dan Lalwa, ki pou fer ki konsonmater i ganny proteze, depi son kontra, son *terms and conditions* ki i pou annan dan en kontra.

Lenformasyon ki bezwen ganny donnen avek piblik *marketing* ki bezwen ganny fer avek *advertising* eksetera. La fason ki komers i ganny fer, sa *supplier* ki bezwen toultan *accountable* avek son konsonmater, akoz se li ki responsab.

Konsonmater i annan drwa en swa. I kapab li i deside kisia ki i anvi aste, konbyen larzan i pou peye. I devret annan proteksyon, *safety* kont bann keksoz efase ki i annan dan bann prodwi.

I bezwen valer, i bezwen fer, drwa konsonmater i bezwen ganny respekte. Tousala i la dan en lankadreman legal, byen determinen, byen *set-out* dan sa Lalwa.

Me sa se zis lanmwatye. Lot lanmwatye sa Lalwa i annan pou fer avek konpetisyon. Akoz

konpetisyon li osi i en keksoz, i en keksoz enportan.

I pa zis fer sir ki ou pe protez konsonmater kont en marsan par egzanp. Me ou bezwen osi protez konsonmater an antye kont *unfair* konpetisyon.

Ou bezwen fer sir ki konpetisyon i bezwen annan dan en pei, akoz konpetisyon i bon. Me konpetisyon i bezwen privilezye konsonmater e non pa neseserman lezot akter dan en marse.

Donk i enportan pou nou rekonnet ki sa Lalwa i annan 2 vole. I annan vole proteksyon konsonmater, i annan osi vole, vole konpetisyon.

E se la kot sa Tribunal i enportan Mr Speaker. E mon krwar enn bann keksoz, enn bann nouvote, enn bann bote nou kapab dir avek sa Lalwa, se ki nou'n kree en antite ki sa Tribunal, ki pa pou zis regard bann ka kot en marsan in vann *baked beans*, apre son '*sell by date*'.

Sa se proteksyon konsonmater, sa se bann pti keksoz ki pou arive, e i *Fair Trading* i regarde toulezour. Me ki pou osi pe regard dan bann pratik anti-konpetisyon.

Sa Tribunal se pou sa rezon ki i annan en Mazistra ki pou *Chair* sa Tribunal. I son job,

se pou regarde bann ler i annan en *merger*, ler 2 lakonpannyen i anvi *merge* ansanm.

Ler en lakonpannyen i anvi aste en lot. E ki sa i kapab anmenn en sistem anti-konpetisyon, se sa Tribunal ki pou deside. *Fair Trading Commission* i ava donn li zot apersi lo la. Me se sa Tribunal, endepandan ki pou deside si pou les sa ki nou apel *mergers and acquisitions* dan Lalwa.

Si pou les sa keksoz arive, oubyen si pou pa les li arive. An dot mo, si pou les, si pou protez sa prodikter delwil, oubyen si pou protez konsonmater e les lenportasyon en komodite bokou li bon marse ki sa enn ki ou prodwir lokalman.

Se sa lentere ki sa Tribunal i annan. E se pou sa rezon ki sa Tribunal in ganny konsevwar dan lafason ki'n ganny konsevwar, pou ki i annan en norm oubyen en ... De Lwa koman son *Chair* e ki pou asiz avek en seri dimoun, 1, 2, 0, 7 or whatever, kantite ki i anvi pou determin sa bann pwen senp e konplike an menm tan.

Sa Tribunal si ou anvi, se li ki annan *oversight* lo *the regulator*. Komisyon i annan *oversight* lo bann pratik, Tribunal i annan *oversight* lo Komisyon eksetera.

Donk ou annan plizer layer *oversight* pou fer sir ki sa ki konsonmater i anvi, e konsonmater i merite, i arive. E les mon a donn en legzanp, enn bann problem ki tanzantan Komisyon anba Lalwa aktyel, ti gannyen.

E sa i annan pou fer avek kontrakter. Parey nou konnen, parey in ganny dir dan sa Lasamble, enn bann pli gro latet fermal pou konsonmater isi Sesel, se dispit ant en kontrakter avek en kliyan.

Swa sa kontrakter i kit travay dan milye semen apre ki in ganny peye. Swa kliyan pa pey kontrakter e kontrakter i kit travay i ale, e tou keksoz i ariv lo Biro *Fair Trading Commission*.

Ler i en *case*, ler i kler ki sa kliyan in pey sa kontrakter R1milyon pou en travay ki sipoze kout R1milyon 500mil, e ki apre ki kontrakter in fer R500 mil travay in kite in ale, i fasil pou *Fair Trading Commission* ariv a en konklizyon, e dir se ou ki annan rezon, se ou ki annan fot.

Me ler kliyan i dir kontrakter in kit mon travay dan milye semen, e kontrakter i dir wi, mon'n kit mon travay akoz kliyan pa'n pey mwan. La ou annan 2 *claim*.

Lekel ki mannyer *Fair Trading Commission* pou deside lekel ki annan rezon, lekel ki annan tor, i pa toulstan fasil.

E se pou sa rezon ankor ki la preznan i annan en lankadremen legal. Avan sa dan plizyer ka, *Fair Trading Commission* ti bezwen dir al Ankour pou rezourd zot problemm.

Nou *hope*, e enn nou swe Mr Speaker, se ki avek en Tribunal konpetan, avek en Mazistra ki pe *Chair*, sa bann problemm ava kapab ganny rezourd o nivo Tribunal san ki i bezwen al Ankour pou al rod en rezolisyon laba.

E dan sa konteks mon ti a kontan reasir mon zanmi, mon koleg *Leader Lopozisyon*, ki mon pa krwar ki i pou annan en problemm akoz Sef Ziz ki'n nonm bann Manm sa Konmisyon - sa Tribunal (eskiz mwan) si i bezwen ziz en *case* ki sa Tribunal in deside. Akoz tou mannyer Sef Ziz ki apwent tou bann Mazistra e toulezour Ziz i ekout *appeals* ki sorti kot bann Mazistra ki Sef Ziz in apwente.

Alor, mon pa krwar ki, mon pa krwar ki dan sa konteks i annan en defayans. Alor mon krwar ki sa Tribunal, dan son konsepsyon set enn ki pou kapab desarz bann travay ki'n

ganny met anba li dan sa Prozedlwa ki devan nou ozordi.

E finalman Mr Speaker, mon krwar ki nou pa zanmen devret blyi, ki enn bann, ou plito mo kle dan *Fair Trading* se sa mo 'fair.' E se sa ki annan de fwa nou blyi.

E nou'n pran li koman en tit, *Fair Trading Commission* oubyen Komisyen Komers Zis, san ki nou reflesi ki *the whole purpose* sa Komisyen, *the whole purpose* sa *Bill*, bi tousala se pou asire ki i annan lazistis, i annan *fairness* dan lafason ki komers i ganny antreprann dan nou pei.

Ki konsonmater pa ganny afekte. Akoz konsonmater pa ganny afekte Mr Speaker? Akoz i enportan ki konsonmater pa ganny afekte. Akoz dan tou sirkonstans kot i annan en *supplier* avek en konsonmater, tel parey kot i annan en Labank avek en kliyan Labank, toulstan napa legalite lafors.

Toulstan sa ki Angle i apel *equality of arms*, toulstan Labank i pli for ki son kliyan. E toulstan en *supplier* i pli for ki en konsonmater.

Akoz sa konsonmater malgre ki ou donn li, malgre ki ou donn li en swa al dan laboutik A oubyen laboutik B, toulstan i fer fas avek en dimoun

oubyen en antite ki annan bokou plis lafors ki li.

Akoz zot, zot marsandiz i lo *shelf*, ou ki bezwen aste sa marsandiz avek li a sa pri ki i pare pou vann ou.

Alor se pou sa rezon ki Mr Speaker, mon krwar ki ozordi pou plizyer rezon, pa selman *Farquhar*, me en zour kot nou devret dan lazwa.

Akoz premyerman nou pe al pas en Lalwa ki moderniz komers dan nou pei. Dezyenmman en Lalwa ki konpreansiv e ki fasil pou swiv, akoz dan lafason ki'n ganny, in ganny met devan nou.

Trwazyenmman en Lalwa ki annan en lankadreman legal e en fason protez konsonmater a de nivo, Komisyon li menm ek Tribunal par lao li.

E finalman en lazwa akoz i paret mwan ki sa Lalwa ozordi pou pase avek tou lede kote latab pe vot an faver. Mon remersye ou Mr Speaker.

MR SPEAKER

Mersi Onorab. Mon krwar i ti pou bon pou nou aret la pou ozordi. Non selman akoz ler in aranje, fernwanr pe fer deor, lazournen in long.

Me selman mon krwar poudir repons Minis lo deba pou donn nou en loportinite

demen bomaten pou nou revwar lansanm sa Lalwa e *refresh* nou lespri lo tou bann pwen ki konsern, sirtou bann ki konsern bann Manm Lasanble.

So i a permet nou en bon komansman lo sa travay Komite pou vin apre. Alor nou ava aret la. Mon a remersye Minis e son delegasyon.

Minis felisitasyon pou ou nominasyon prestizye. Fotespere i ava byen terminen. Mon sansib ki tanzantan mon'n mazinen ki mon pa'n rekonnert Mr Victor Pool ki'n zwenn nou dan plas AG.

Alor menm ki i tre tar, Mr Pool mersi pou ou partisipasyon. Bon, Minis ek ou *panel* nou a remersi zot e nou a vwar zot demen bomaten.

Bann Manm Lasanble mersi pou zot travay kontribisyon. Nou a *adjourn*, demen bomaten 9er.

(ADJOURNMENT)

